

〔開慶〕四明續志

一



據中國國家圖書館藏宋開
慶元年刻本影印原書版開
高二十五·九釐米寬二十·
五釐米

四明續志

卷一

馬三

宋槧開慶四明
續志十二卷

丙辰九月十二夜醉中題
於惠泉山下 寒露



四明志作於 乾道述於 寶慶詳矣
然則何續乎所以志



大使丞相履齋先生吳公三年治鄞民
政兵防士習軍食興革補廢大綱小紀
也其已作而述者不復志昔人謂舊相
出鎮者多不以民事為意惟向文簡大
耐官職勤於政事所至著稱公不均其
逸而先其難過於文簡數等矣又謂寇
萊公所至多游宴張文定倘蕩任情獲
盜縱遣公慨念海道東達青齊御侮弭
盜之方周防曲至世人未必盡知也若
夫切 畎畝盼 雨晴一游一詠可以
觀焉故併載之于后以詔來者蓋公之
學達於體用自身而家家而國國而天

下有本者固如是也豈規々然求度越
於寇張二公哉雖然艱猶故艱也昔何
為而匱今何為而豐昔何為而蕩無紀
綱今何為而粗知理法覽者必有得於
是編之外開慶元年中秋日門生迪功
郎慶元府府學教授梅應發奉議郎添
差沿海制置大使司主管幾宜文字新
添差通判鎮江府劉錫百拜謹書

四明續志目錄

卷第一

慶元府額

增秩因任

學校

科舉

城郭

坊巷

卷第二

郡圃

驛耳橋路

寺廟附

惠民藥局

卷第三

水利

續志目錄

卷第四

興復省併酒庫

經總制司

興復經總制諸酒務坊場

渡附

廣惠院

兩獄

廂院兵馬司附

架閣樓庫

卷第五

新建諸寨

夜飛山永平寨

向頭寨

九寨巡檢

烽燧探望

卷第六

三郡隘船

出戍



水閣

作院

武藏

小教場

帳前撥發塚寨官舎

卷第七

排役

樓店務地

府倉斗斛

蠲放官賦

卷第八

蠲放砂岸

蠲免抽博倭金

收養飄泛倭麗人收刺麗國送還人附

賑濟

祈禱

龍見附

續云一錄

二

三

瑞麥

卷第九

吟藁上

卷第十

吟藁下

卷第十一

詩餘上

卷第十二

詩餘下

四明續志目錄

四明續志卷第一

慶元府額

寧宗皇帝登大寶以明為龍藩陞慶元府自參政何公立扁後至寶祐二年中更水火屢撤去久而未立四年九月

大使丞相吳公出鎮興廢補闕至五年四月

始援筆書之八法端嚴九鼎鎮重自是郡境

清謐無復曩歲非時之警邦人朝莫瞻戴殆

與四明山川輝映無極云

上府致語附見于左

寧皇惠朱邸以演綸久升表揭元輔福蒼生而運筆重為扁題三大字鬱鬱蛟纏四明隄

續志卷一

一

五

停停虹貫旋倪觀改鼓角聲和恭惟
大使判府大觀文丞相樞使國公關學海以
朝九流厲詞鋒而挫萬物虎榜首登鳳池身
到既符作者之七人龍頂峯帶鰭穴水浮來
扶飛仙於三鳥以大臣而盡民事勤小物而
穆師言牛龍春酣是處無襦而有袴鯨洋風
定彼人佩劍而帶刀百廢具興一日必葺念
今領 潛藩以保釐忍視 慶元之虛額枯
尖頭而點染舉大手而持書 秀傑摩雲河海
盡歸於彈壓精華衝斗鬼神俱聳於觀瞻天
闕方隨機而拓開地靈已如響而發立豈止
篤生鄉彦嗣十人宰相狀元便當速肖邦君
添幾人狀元宰相民生視阜郡望瞻雄萬斛
力一揮盡拭目鮪亭之氣象中書君未老更
傾心鳴問之經綸鬪等既忝齊優敢呈已徑
慶元天子舊名藩 寶祐元戎新榜額鬱
鬱蛟纏三大字 河旺氣還便挾
釋驩聲沸千古 再提此筆福人開
鳥仙天上



增秩因任

寶祐五年正月初六日

御筆吳潛特與轉一官職任依舊

制

門下朕修我有夏以誕保受民每歲孟春則大計羣吏矧臣作股肱耳目之舊而時若州牧侯伯之賢是有袞衣越在外服對三陽之泰長敷大號以渙敷觀文殿大學士宣奉大夫沿海制置大使判慶元軍府事兼管内勸農使金陵郡開國公食邑五千一百戶食實封

續志卷一

二

指

壹阡伯戶吳潛方厚秉彝中和迪行漱六藝之芳潤則資之深誦萬物而發揚其德可大頃焉相朕咨以奮庸若鹽梅之和羹期于予治以薰蕕之共器不潰于成斂而經濟之謀重我蕃宣之寄鄭山律律欣草木之向榮滄海洋洋妥波濤而不當治象甫頌之日正士夫更始之初膺貢受圖曩侍春王三朝之會承流宣化今爲東方諸侯之先時而颺之民之表也雖璽書增秩非所以待大臣而民功曰庸其可無於懋賞爰峻祿臣之品申

陪并邑之封於戲王職如歲兼四時朕方體
元工之運冢宰阜民倡九牧爾尚新治理之
功益懋乃猶祗若予訓可特授光祿大夫依
前觀文殿大學士沿海制置大使判慶元軍
府事兼管內勸農使金陵郡開國公食邑五
千百戶食實封壹仟百戶主者施行

寶祐六年九月初五日

御筆吳潛分閩四明已書再考郡綱振飭海
道肅清特與轉行一官令再任學士院日下
降制

續志卷一

三

七

制

勅門下命顯征而賜履夙嘉表海之風考成績
以陟明式循咨岳之典矐予良弼以填輔藩
進律以旌顯庸勉留而仍舊服肆加寵數誕
布恩言觀文殿大學士光祿大夫沿海制置
大使判慶元軍府事兼管內勸農使金陵郡
開國公食邑五千四百戶食實封壹仟伍伯
戶吳潛敬義不孤忠忱合一以格物之明而
行之以絜矩之恕以馮河之毅而恢之以包
荒之弘其在廟堂而憂惟以社稷為悅邪嫉

九齡之正佞增陸贄之賢綠竹倚倚居有琢磨之益赤舄几几不改碩膏之常比煩戎乘之行肯爲蒼生而起弼廩青社猶在中書琦典相州克勤民事庶頑立懦抑蹇鉏驕吏士畏若神明旄倪愛如父母風行海道福流京師固嘗渴想於儀刑亦旣深知其治行惟長吏數易則政斁而百姓孰習則教孚遮道而留寇恂盍從群望增秩而褒黃霸昭示懋功頻煩璽書之榮赫奕銀青之信益食多邑陪賦真畬於戲公著起尹河南雅得均出處之

誼王曾再莅全魏諒能服中外之心以上宰任方伯見謂優爲以真儒用天下常懷未盡式敬有土益遠乃猷可特授銀青光祿大夫依前觀文殿大學士沿海制置大使判慶元府兼管內勸農使金陵郡開國公加食邑五百戶主者施行

開慶元年八月十七日再疏乞歸田里奉

御筆吳潛三年海闡備竭勤勞屢疏丐歸高節可尚可依舊觀文殿大學士判寧國府特進封崇國公令學士院日下降制

制

門下朕儀圖魁德易鎮价藩公師而表海邦久
顯鈇鉞之寄將相而典鄉國式華衮繡之行
肆申錫於恩徽以懋獎其風節敷時制綽諗
我廷紳觀文殿大學士銀青光祿大夫沿海
制置大使判慶元軍府事兼管內勸農使金
陵郡開國公食邑五千九百戶食實封壹阡
柒伯戶吳潛識詣幾深氣涵剛大實地踐履
得家庭學問之醇平生經綸發聖賢事業之

懿

寧皇之所敷遺眇躬之所倚毗端委廟堂納
君于道燕居鄉黨垂世以書頃往保釐重煩
夾輔獨盡心於政廩有勤民之風不動色而
威雅得馭軍之體以格物之明聽訟以絜矩
之道生財溟渤澄波京師蒙潤閔勞三載正
倦倦歸士之情勤施四方顧猥明農之請
夫元老之出處甚重乃羣工之視聽攸關卿
猶盡瘁以鞠躬誰不聞風而展力爰從古鄩
就畀宛陵若王曾以厚德守青莫涯其量若
蒙正以重望尹洛未盡其才用疏宗國之封

加峻上公之爵仍冠邃職併衍真奮於戲國
家大經莫重君臣之誼賢哲高致每懷父母
之邦天之未墜於斯文儒者不忘於當世體
于瞻注遠乃猷為可依前觀文殿大學士銀
青光祿大夫判寧國府特進封崇國公加食
邑五百戶食實封貳伯戶王者施行

學校

世之言郡泮者必曰一漳二明蓋漳以財計之豐裕言明以舍館之宏偉言也魏堂脩廡廣序環爐槐竹森森氣象嚴整舊額生徒一百八十人其後比屋詩禮冠帶雲如春秋鼓篋者率三數千童卅執經者亦以百計著錄浸倍而帑庾則不差多於昔

大使丞相吳公加惠序庠篤意教養正講席以闡理學新儀門以肅官牆且謂學供日繁庖膳不足始自寶祐五年四月十五日除本

廣文天二

五

五

府元日撥一百貫外更於大府每日增給錢一百二十貫以助公厨之費六年秋公又欲革並緣弊復俾分齋造食官給天平秤俾入齋僕隸各以時直取於市而販者益相安矣又嘗出所輯孔孟格言及鈞製存悔齋箴凡二百餘軸徧惠前廡以下鸞旂戾止匪怒伊教一詔一言聞者書紳凡學計不續支移那輟有請必俞諸生感公之德於是相與肖公之象為石室之祠云

講義

王子墊問曰士何事孟子曰尚志曰何謂尚志
曰仁義而已矣

記禮者曰在官言官在府言府在朝言朝其
在學校則與士友言所以爲士何如夫靈於
物而爲人秀於人而爲士則士之所以得名
者非徒曰儒其衣冠而已士必有事尚志爲
先志必有尚仁義爲先何謂事如農工商之
各專一業也何謂尚如尚德尚賢主乎此而
不變也何謂志如水之注東馬之首燕必求
其至也何謂仁義如木之有根根之有榦培

之則生戕之則死也故仁之爲義固宏闊矣
而切近而言則無一念之非爲仁聖賢之所
謂欽止所謂存忱所謂謹獨皆所以全仁之
本體而爲心之則也義之爲義亦固宏闊矣
而切近而言則無一動之非爲義聖賢之所
謂制事所謂方外所謂處物皆所以彰義之
大用而爲身之則也自其無一念之非而心
純乎仁則仁熟矣推而不可勝用則薰陶萬
化生育萬物皆仁之積也自其無一動之非
而身純乎義則義集矣推而至於不可勝用

則裁制萬化軌範萬物皆義之積也仁曰居則入乎此而無它出也義曰由則出乎此而無它入也然仁莫難於居以心之難牧也夫人試反之於心終日思慮能為易之藏乎能為書之閑乎能為魯論之省乎能為軻書之收乎若其未然則憧憧往來莫知其鄉必有賊仁者矣是必戒懼於不睹不聞之際存養於夜氣旦氣之間微覺過差旋則悔悟如去癥瘕而後元氣無壅塞也如剪荆棘而後嘉禾可茂長也由一念之正而為百念之皆正

斯謂之志於仁矣孟子曰仁人心也孔子曰君子無終食之間違仁造次必於是顛沛必於是此之謂也義莫難於由以身之難檢也夫人試反之於身平日踐履能為原憲之藜藿窮閭而不處非道之宮室乎能為子路之衣敝緼袍而不被非道之文繡乎能為顏子之簞食瓢飲而不食非道之膏粱乎能為澹臺滅明之行不由徑而不踐非道之戶闔乎若其未也則顛倒冥行莫知所屆必有賊義者矣是必決擇於取舍疑似之際精審於利

善毫釐之間少有過差旋即修治如乘安車
惟恐其涉險峻也如馭良駟惟恐其趨狹邪
也自一動之謹而爲凡動之皆謹斯謂之志
於義矣孟子曰義人路也孔子曰無適也無
莫也義之與比此之謂也潛嘗因是而觀之
孔子矣吾十有五而志于學此孔子立志之
關鍵也故三十而立則其理疑四十而不惑
則其理通五十而知天命則其理貫六十而
耳順則其理徹七十而從心所欲不踰矩則
其理化陟降上下與天爲徒此夫子之始於

爲士終於爲聖人也願聞子之志此夫字行
志之規模也故老者安之則凡天下之人其
生先乎我者皆父兄之類朋友信之則凡天
下之人其生齊乎我者皆交游之類少者懷
之則凡天下之人其生後乎我者皆子弟之
類癢痾疾痛與人爲徒此夫子之始乎爲士
終乎爲大人也又嘗因是而觀之諸子矣乘
肥馬衣輕裘與朋友共敝之而無憾千乘之
國攝乎大國之間加之以師旅因之以饑饉
由也爲之比及三年可使有勇且知方也子

路之志也方六七十如五六十求也為之比
及三年可使足民冉求之志也宗廟之事如
會同端章甫願為小相焉公西赤之志也三
子之志決非常人之志矣猶有待於外者也
有待於外不可自必也暮春者春服既成冠
者五六人童子六七人浴乎沂風乎舞雩詠
而歸曾點之志也無伐善無施勞顏子之志
也無所待於外者也無所待於外可以自必
也故從而為之說曰天生四民雖各有事然
農有儉豐工有售否商有通滯皆有制於天

與人者惟士之所事則求之我而已天與人
不能制也求之我而天與人不能制未有不
獲者也而曾農工商之不若何哉其患在於
無志而已志苟至焉非仁不處也舉而措之
即義之不違則也非義不蹈也溯而窮之即
仁之不違則也強毅肅括人以為義而不知
其為仁之剛溫良慈讓人以為仁而不知其
為義之和仁義道合二五妙疑包四端總百
行之人也用之鄉黨則鄉黨化用之邦國則
邦國化用之天下則天下化豈不尊榮貴美

而不負其所謂靈於物而秀於人之責哉今當至日方陽明用事之始在復之初爻爲克己復禮之候二爻爲取友輔仁之端皆有切於學者進修之實敢以是爲諸友勉抑夫子於復而贊顏氏子曰有不善未嘗不知知之未嘗復行未嘗不知仁也未嘗復行義也并以是爲諸友證傳曰昂昂若千里之駒乎泛泛若水中之鳧與波上下偷以全其軀乎立志與不立志之譬也惟諸友所從

或曰孟子旣以安宅正路喻仁義矣而又

續志卷一

四

曰仁之實事親是也義之實從兄是也何歟蓋仁有愛之理而事親愛之本也孩提之童無不知愛其親者此即是赤子之心赤子之心即本體之心本體之心不失未有不仁者也安宅孰大於是義有敬之理而從兄敬之本也傳曰敬德之聚也能敬其兄未有不能敬其身能敬其身而陷溺其身於不義者未之有也正路孰大於是或又曰孟子旣以安宅正路喻仁義矣而又曰殺一無罪非仁也非其有而取之非

義也何歟蓋仁之至者螻蟻不踐而不仁者至於嗜殺而不厭由自賊其心始義之至者一介不取而不義之至者雖乞墻之不羞由自賊其身始惟忍賊仁最甚惟貪賊義最甚子墨子精微之旨又當以是求之惟是潛困不知學老已至矣幸守是邦是邦多先覺之賢諸友耳濡目染聲感氣應必自有得於天爵之貴潛之木舌何能發明特以郡文學與庠序之士不鄙其固陋俾暫尸鳴道之席敬誦所聞以求是正雖其間不敢背先儒之說亦不敢盡襲先儒之說往來詰難不無望於同志云

考亭夫子以師道淑天下所到之郡必為諸生講說義理所以開人心而扶世教者弘矣

履齋先生紹家學之親傳續考亭之正脉載道而來師表東海廼者陽復之旦從諸生請下臨泮宮講孟子士尚志一章以惠後學推本仁義理明意徹環堂而聽者以千計前乎未有之盛事也

用存分教是邦何幸領衿佩而親炙焉
退而思之孔子曰士志於道孟子曰士
尚志

履齋先生曰士必有事尚志為先志必
有尚仁義為先孟子所以發明孔子之
格言

履齋所以推原孟子之奧旨聖賢先後
衛道之心千載猶一日也盍亦鋟梓于
學以壽其傳諗于衆曰唯肯寶祐丙辰
長至日門生迪功郎特改差充慶元府
府學教授胡用存謹書

續志卷一

十一

坊

生祠記

鄞股肱郡北直登萊東極島卉湍鯨大浸斯衿
斯吮卓為吾國天險麾鉞右諸閩匪碩臣曷
稱歛選寶祐丙辰秋

聖天子詔

相國履齋先生吳公起命卷賜封履使以大
稱昉于茲曰判府事則自魏王後未之有
也公至鎮之日簿書絲如吏胥縻如民萎盜
紛官眊士肆垢翫秕蠹非甚有紀公曰嘻剔

挾蘇醒是不難蓋亦知所先後政不教徒政耳化民成俗其必由學乎龍象第一義下車序庠棧棧其旂几几其烏登國人子弟於堂首誨之以孟軻氏士尚志之旨反覆數百言謂士必以尚志為事志必以仁義為先蓋以履諸身者淑諸人也華顛穉齒園頰林者幾千人殆猶過洞庭而聆咸池虛逞實歸家誦人習不惟我冠襜裙者知所以策厲孟晉雖喬朴之氓亦與知焉公忘勢下士一利病必咨于學一然否必占于學凡可以惠元元者

以次寢行之削斛入之取盈者廩窮民之顛連者樽費補解蠲數百萬王賦之積逋者摧彊植弱濯瘼熙寒朞月間恩溶澤滅藜庶鳧藻至咏洋溢薰為豐年巷歌塗謠皆知公仁誼既効先是學庖靡盈梓茹其癯廉取之市公於是歲增助膳緡四萬三千有奇且復砂租緡餘三萬肇利營美垂百世不朽至於捐萬八千楮繼粟周亟又不與焉游于校者不特飽仁義且飽膏粱矣諸生叶謀課吉繪傳象峙狄碑作新祠于東榮所以潔心香示飯

敬也事竣郡文學應發進諸生而告之曰吾
衙一脉鄒魯其源千載而下星奎水洛至考
亭而日以演迤先生之學受之 止肅公

正肅公之學得之考亭四書其是學之根抵
仁義其四書之綱領李先生以此學魁天下
相

天子航世於安流棟國於喬岳奚止忠獻一
部論語菴日之金聲玉振諸生亦既聞之繼
自今昕稷嚳濟辰刻體踐以身心而不以口
耳則不負仁義不負先生不負孔孟考亭矣

續志卷一
士

先生行且歸政事堂諸生趨齋壽祠下參倚
之見豈徒袞繡冕佩而已哉僉曰唯請劉諸
石龍集丁巳仲秋朔門生迪功郎慶元府
學教授梅應發記并書

贍學砂岸

皇子魏王判四明日嘗撥砂岸入學養士淳祐
間嘗蠲之就本府支錢代償寶祐五年正月
大使丞相吳公 奏請復歸于學繼而爭佃
之訟紛如準制劄仍撥歸制司却於砂岸局
照元額發錢養士六年五月以砂首煩擾復

奏請弛以予民却於翁山十五酒坊歲趨到
酒息錢內撥還府學具見 奏篇

在本府砂岸門

石衙山年納二萬六千七百八十六貫文

秀山年納二千五百貫文

鰕康年納一千一百貫文

大嵩年納一十七百八十五貫七百分

雙壘年納八百單三貫五百文

滄口年納七百貫文

石壇年納一千五百貫文

沙角頭年納一千貫文

圭

續志卷一
豐塗年納三百單三貫五百五十文

穿山團局年納一千貫文

增撥養士田產

大使丞相既日增緡錢以豐庖膳矣且復撥沒
官田產歸之學益以廣樂育之盛心焉增撥
數目疏于後

寶祐五年十二月 鈞劄撥下朱瑩男朱

祐沒官田

昌國縣蓬萊鄉一都二都水田一十五
畝地一十五畝 并客屋在上

開慶元年八月 鈞劄撥下汪登道没官

田產

昌國縣宜山

山田地共九千七百三十一畝

山熟地二千一百九十二畝

山坑田四畝三角三十步

石山七千五百三十四畝四十五

步

塗田共六百一十畝三角二十三步

已耕種田五十五畝

續志卷一

十六

廣

已開墾未種田五十二畝

未開墾田二百七十三畝三角

二十三步

未曾墾就海塗田三百畝

水田四畝三角

八月 鈞劄又撥下縣吏鄭新鄞縣老界

鄉没官水田

二甲田三畝三角七步半

三甲田六畝三十五步

八月 鈞劄又撥下鄞縣邵宗武詭寄董

庫陳八一没官田

董屋水田七畝一角六步

陳八一水田三畝二角

八月 鈞劄又撥下衛源衛溥没官田
定海縣靈巖鄉田共三十一畝

科舉

神臯之東鄞為節府融深結秀鍾靈孕傑前脩
輩出遺風曼衍魏科馬奕史不絕書大比貢
英實符雲臺四七之數寶祐六年下賓興

詔

大使丞相吳公以龍首黃扉之貴身勸為之
駕七月二十四日

鈞判唐人有謂泥金帖子乃士人中第歸
報其家者也蜀郡有髻而用之於秋賦者號
曰金花榜子眎領薦人數預行製造遇舉送

續志卷一

後文

抄

官下院拆號即携以自隨仍帶捷子甲頭入
院遇拆一名則旋書填戶貫三代姓名于金
花榜子之上授之甲頭甲頭即就貢院金口
授之捷子之徒方許鳴鈴走報遇金花榜子
到日方為正報縱有漏洩預報之人其領薦
人不請收接本府今為二浙衣冠人物家盛
之地當勸而行之一可以還前古之風流二
可以為鄉黨之美觀三可以杜捷子之紛擾
仍從本府於當時每請舉人一負特送三百
貫以助犒捷之費其錢先令項椿留公使庫

或當使以二考替移則後來者不妨成此一段美事其金花榜子以木為之高一尺五寸闊六寸以綠為質遍地以金花圍飾樣具于後以今日吉辰批出以八月初三日吉辰製造以九月十一日吉辰粧飾又一項舉送之時於常例外制司酒息錢內各持送五百券以助觀光之行所以敬賢書而尊

國體也是歲增葺貢闈煥然翬跂凡數四迂赤舄點視之有司職攷藝者館穀有禮其至如歸列郡鮮及曉揭之日撓洩者絕迹效攘者革心分報諸邑道路無壅金花之榜甬前犒捷之餽踵至未幾謹考覆以旌實才隆餼贖以將厚意情文醲郁士氣振揚僉曰魁下三能為東道主此吾邦獨有之天也郡人莫不以為榮焉

城郭

明瀕海為州羅城周回九二千五百二十七丈四面阻水其東北則會三江之險以達于海重門擊柝之防視他郡宜尤密比歲紀綱不飭郡人有憑城而樓觀者巡徼之途塞焉甚

而敗闕不理跬步可越諸門傾歆穿漏凜欲
壓

大使丞相吳公之分鎮也請於
上得

密旨俾以 法令從事芟夷荆榛復仍城壁
舊貫闕者補圯者植低者薄者崇且益廼刑
巡鋪寘卒以邏三年修築之役共費錢六萬
九千六百二十貫米一百七十碩一斗七升
而雉堞煥如矣開慶元年夏遂鼎創望京鄭
堰下卸三門城樓栲榘壯偉榱桷業峨以至

續志卷一

一八

又

甬水靈橋東渡三門悉繕治之樓櫓粲然萬
目易視凡工役土木之費復為錢九萬九千
八百貫米三百六十七碩北門曰下卸舊以
鹺舟卸載於此命名甚鄙且在倉後迂僻今
遷近東造袋局之側比昔疏通軒豁乃更新
扁曰義和西北鄭堰門名亦淺俗

大使丞相既於門外新立永豐碑而是門適
成因名曰永豐門西門舊曰望京今亦更為
朝京去

西子城門樓

郡自譙樓入子城其重門曰慶元府樓前有街
橫出是爲府東西門其上兩樓對峙巍巍翼
翼西樓久不葺且壞寶祐五年四月
大使丞相亟命船場趙與陞易新之蓋級之
故闕者赤白之漫漶者治之則已無侈前人
無廢後觀

坊巷

鄞郡甲東浙生齒浩繁闐填溢坊有扁所以植表旗也歲久漫弗治寶祐六年冬

大使丞相吳公撤而新之凡四十五所為費

一萬五百七十二貫它如釋褐狀元錦勳錦

樂書錦朝桂符桂諸坊丹牖尚新者不復改

作貫橋居市中設四楹於橋隅且上刻華表

鶴云

東南廂

吉祥坊

破石橋南

康樂坊

皂角巷

續志卷一

文九

四

迪教坊

車橋

積善坊

小江橋

進賢坊

洗馬橋

握蘭坊

新橋下

興廉坊

洗馬橋下

餘慶坊

捧花橋

連桂坊

施家巷口

清潤坊

新橋頭

東北廂

拱星坊

鄭府東

阜財坊

小梁街

開明坊

鄞縣前

千歲坊

南湖頭

安平坊

天慶觀前

宣化坊

魏家巷口

泰和坊

縣河下

重桂坊

天慶觀前

廣慧坊今改萬壽坊

大梁街

富榮坊

能仁寺巷口

西南廂

順成坊

倉橋下

眾樂坊

君奢橋西

行春坊

寶雲寺西

緩帶坊

崇教寺後

惠政坊

天寧寺南

袞繡坊

湖西史府前

史君坊

史府前

振名坊

倉橋下

問俗坊

史府前

純孝坊

府前

靈應坊

宣府前

迎鳳坊

四明橋東

美祿坊

四明橋北續坊以達于湖西續改為袞

西北廂

續云卷一

二

宜秋坊

應家巷口

壽寧坊

虹橋北

影泉坊

蔡家巷口

修文坊

孝文巷

崇孝坊

西橋下

永濟坊

府前

廣仁坊

白衣寺巷口

朝士坊

戴家巷口

儒行坊

鑿橋下

衍慶坊

後菴前

恤仁坊今改施仁坊

佛閣下

閱武坊

貢院橋下舊道新開

四明續志卷第一

四明續志卷第二

郡圃



新桃源

郡圃舊總名桃源洞求其義桃源鄞鄉名也鑿子城通隙地故以洞名之耳今既合郡圃於堂後又不欲盡捐舊額遂以新桃源榜之老香堂

在府堂後面北前植百桂取山頭老桂吹古香之句以名先是燕居之地多隘塞自敞斯堂

續志卷二

一

著

大使丞相日坐其間靜觀萬物俯仰夷猶前築一壇名月地可坐三十客月天露席若將忘世而堂扁則

丞相自題

蒼雲堂

直郡圃之北自老香堂為步廊數十間周廻而至堂後為牖臨小教場前有古檜數本奇甚舊守疊山佐之傾圯不治而後之來者不知蒼雲取義於此易以它名

大使丞相既輦石增舊觀擇空地以檜補之

按蒼雲舊扁猶在蓋前守章大醇建而歷陽
張即之書

生明軒

在蒼雲堂之右面西下闕方池前目無際

大使丞相晚步多憩此以觀新月名軒之義
不但取公生明也書曰歛四月哉生明義又
取此

占春亭

亭因其舊而加敞焉亭前舊有數梅

大使丞相增植至百本嘗戲賦小吟題屏間

續志卷二

二

若

云難喚林逋伴客遊占春亭畔獨夷猶一花
兩蕖意方遠三島十洲香已浮清曉園林霜
似練黃昏欄檻月如鈎若還說着和羹事只
恐渠儂笑不休孟夏梅既實綠陰如漲公常
獨坐或領客其下有和坡僊碧沼橫梅屋之
詞為時傳詠

四明總

公既增浚舊池跨兩虹其上而闕虛堂于中
客請名之公謂四明洞天為石牕此堂作新
牕戶玲瓏四達遂親題斯扁

雙檜泉

泉在四明總之西南其東則木香臺而北則武藏也二檜虬拳古挺湮沒墻隈不知幾年公旣建武藏日徘徊其旁摩挲雙檜一日忽聞檜下泉聲洎然亟疏鑿之泉流如注遂取檜間斲爲圓池因營摺廊五間左右二檜爲憩息之所環以檜屏翳然有濠濮間想公親題雙檜泉三字於池上

自遠

自遠即木香臺也臺高三尺植花如屏遠臺

續志卷二

三

四

爲廊屋二十間就設欄檻中虛二丈植花如碁局而行吟於其旁韓子蒼詩無風香自遠翁芳亭

在老香堂之左亭前植杏三面植月丹

清瑩亭

在東橋之南前植以李清瑩出韓詩

春華亭

在檜山之東環植以桃立鞦韆其外

秋思亭

在檜山之西植菊芙蓉相爲掩映與四明總

隔池

淨涼

在生明軒之右跨池面南為納涼佳趣

續水卷三

四

庚

驛亭橋路 寺廟附

昔范延貴嘗詣張忠定公謂過萍鄉見驛傳橋道皆葺知其爲好官貞忠定稱之艱去京近道路無壅前此率視如傳舍皇卹路人大使丞相吳公欲人皆履康莊而所至如歸故於此尤盡心焉

知津驛

知津驛在鄆縣西渡之上曩名知教驛無所取義且屋老不支寶祐五年五月五日

大使丞相改名知津親題其扁爲易聽屋三間前敞爲軒繞以垣墻外植大門自鄆至此爲初程故名

慶豐驛

慶豐驛在廣利橋之北先是新堰廣利橋成又重甃石路於橋之東北居民王姓者遽作屋以罔利反俾官買西南僻隘地以置驛衆有詞

大使丞相下之本縣圖上始命以元錢給王姓者別買地而以此地建驛公私便之驛屋潔壯爽塏於知津寶祐五年五月五日建

大使丞相題扁

廣利橋

廣利橋在慈溪縣德門鄉新堰之上往年有小木橋名新堰橋遇潮漲滿挽船過堰率衝橋砌甚而橋柱爲之折寶祐五年八月新堰成議就兩岸石砌填築至所立橋柱之地跨柵鋪板狀如一字蓋就柱填砌既可藉以障水且免挽船損柱之患遂以廣利橋名之爲費甚鉅蓋刵建也

王家橋

續志卷二

六

姑

王家店橋在廣利橋之東自慈溪至西渡陸行者必由此橋舟行者必由廣利橋作舟本所以行水惟牽挽至堰者匪橋不通故廣利橋前此無念之者橋雖元有石板歲久圯壞至寶祐五年八月新堰慶豐驛廣利橋成大使丞相始捐錢重修費居廣利橋之七八云

慈溪新路

慈溪新路自慈溪縣東郭夾田橋東取謝家隘王家店橋至朱家衙西渡頭驛路跨十五里

計二千三百一十六丈用石板築砌路闊
七尺命縣佐及鄉官董之役始於寶祐六年
十二月畢於開慶元年三月東西置石牌門
舊令欲榜以相公路三字

大使丞相止令以新路扁之

鄉人復請於張寺丞
印之題曰相公衢

修砌西塘路

郡自望京門以西繇慈溪接姚虞經稽陰趨錢
塘近數百里行李舟車鱗集輻湊門之外自
水仙廟望春橋至高橋西渡塘堤壞過者危
之一日

續志卷二

七

源

大使丞相出郊訪問水利有得於躬行歷覽
者命將佐措置修砌西塘路共三千六百六
十丈橋二十二座水溝五所為費夥甚於是
易沮洳而堅高更崎嶇而夷坦周道如砥君
子所履塗之人皆歌頌之

鄉人榜曰吳公塘
亦張寺丞之筆也

逸老堂

堂居衆樂亭之南紹興郡守莫將建逸老李白
所稱四明賀知章也歲久盡圯開慶元年四

月

大使丞相撤而新之復訪求知章像於山陰

繪而祠焉規模視昔增壯取衆樂亭涵虛館
東西兩橋併修之

記

逸老堂者 紹興十四年郡守莫侯將所創并
爲文以記之者也其義蓋摘李太白所云四
明逸老賀知章之語按賀公字季真唐開元
十三年爲禮部侍郎集賢院學士肅宗升儲
副授祕書監太子賓客天寶初移疾請爲道
士還鄉里詔賜剡川居焉剡隸越鄞故越封
部公亦自號四明狂客故侯締堂安靈於是

續志卷二

八

并

邦之月胡且合太白而紀之謂二公皆抱氣
識之全者也然以予觀之太白初見明皇侶
傲鮮腴待高力士輩若奴僕其氣真可以揮
斤八極驅役群動而其末也乃陷於永玉璘
之黨毋亦氣有餘而識未足耶季真遭時遇
主彈指可都顯位忽飄然引去人知其爲高
而不知其所以高也於是肅宗之人品已瞭
然於季真曾中矣使與相終始則靈武之事
犯父子之大倫季真亦將不能逃萬世之責
易曰知幾其神乎季真有焉又豈止於蟻螻

富貴涕唾卿相而已哉此之謂真識而非徒氣之所能為也是堂之建迨今一百十五年矣屋老圯壤屢葺屢頽片瓦尺椽幾無存者予領郡之三年始克鼎新之規模宏敞視昔稍異因求季真之像于越繪而龕之且誄以詞述以贊用詔永久俾邦之人士景清風而企芳躅或少裨於風教云爾嗚呼自有天地以來上下數千百年其間據權位擅勢利呼吸福禍顧盼榮辱以狂走盲趨一世之人者不知其幾矣未幾聲消迹滅影響無聞甚者

流腥遺臭有孝子慈孫百世莫之能改迺若孤標勁節之士身沒而名愈彰千載之下雖漁人樵子亦為之興起不以時遷世換而二其心也為士者宜知所擇矣堂既成面對涵虛館表裏及東西兩橋并繕治之輪奐丹雘皆燦然華美要不可無以叙歲月於是乎書開慶元年秋七月癸卯朔觀文殿大學士銀青光祿大夫沿海制置大使判慶元軍府事兼管内勸農使金陵郡開國公食邑五千九百口食實封壹仟柒伯戶吳潛撰中散大夫

直祕閣致仕張即之書朝散大夫直寶音
趙汝楨題蓋

時亭

時亭者郡之上船亭也亭曷爲以時名行水者
必舟問舟者必津舟之去來因乎人人之行
止因乎時也時止時行亭之所以名歟然則
亭之名何昉乎曰昉乎

大使丞相吳公也名昉乎此亭之作亦昉乎
此異時維舟之地在紅蓮閣南後爲巨室并
無有矣夫明鉅邦也望長安而西笑者此乎

始指海濱而東歸者此乎息其間題柱而出
衣錦而旋者且憧憧焉可以無址而遂無亭
乎公莅是邦一日必葺補數百年之闕擇衝
要得地於平橋右以寶祐五年十月築新址
作新亭普無而今有此一時彼一時也吁觀
人之行止可以觀時觀亭之有無抑可以觀
時矣登斯亭者盍亦知時之義哉桐川梅應
發記永嘉劉錫書

高橋

建炎再造諸將戮力

王室戰功凡十有三而高橋爲第一橋在道傍至今過者莫不指曰忠烈循王嘗鑿虜於斯也英風義氣百歲不磨橋久圯名迹將遂湮蕪莫有訪古而作之者

大使丞相吳公報政于鄞百廢具舉周行經覽謂是橋載在

國史不新之則無以旌忠烈迺洞石爲之曾不以役鉅費夥斲橋成民不病涉而識者亦義公之存古既又作廟於橋之西作寺於橋之東規模宏大揭虔妥靈而循王之功益表

續志卷二

二

卷二

表矣建橋之歲月工費具見文昌表公所記茲不書

記

恭惟我

高宗皇帝聰明神武誕受命

中興迺建炎之三年金虜犯明州大將張俊帥諸將鑿戰于高橋虜衄而遁繇是六龍駐蹕錢塘用再造我區夏橋雖更紹興重建然年深木腐石泐壞輒修修輒壞民不惟病涉亦病修寶祐四年九月

大觀文右丞相樞使履齋吳公以大制使判
府事吐握待士如周公克勤小物如畢公躬
決細務如諸葛公不以上宰鄙夷吾州一政
一事靡不經意暮年之間鯨波晏融風息鉞
笳書靜桴鼓夜閒官府肅而田里安翁翕然
輿誦興矣公猶以為未也暇之日周覽壘野
指是橋而嘆曰

中興諸將戰功凡十有三寔自此橋一捷始
今圯不可支非所以識舊也公帑縱未紆不
當於此乎靳乃捐金召工撤而新之結洞為

續元卷二

三

庚

橋純以石始於冬十二月成於夏六月方工
之未竟也會天不雨農方事桔槔乏丁壯公
延人士若土神于府治為民請命忱意懇切
至于淚墮時亭午日如焚俄陰雲族有黑龍
騰于西南蜿蜒當空萬目共觀莫不歎異須
臾雷作雨沛然下繼是甘霖不斷歲大熟荷
鋤相杵者弗待呼而集官復厚其募直不戒
而成雄峻堅密城內外諸橋可俯而視之矣
既落邦之人士屬商為之記商竊謂橋梁之
設所以便民也造舟為梁既昉於周至鄭以

乘輿濟而君子不以政予之則夫善牧民者殆不可以細故忽也秦以前未聞梁石近代以來名都要會間用之如吳之垂虹閩之萬安不過枕烟水梁海波皆無與乎政之激勸斯舉也可以昭

中興之聖烈可以旌江表之虎臣其感人心也有義其用民力也有仁蓋將風厲乎天下匪直私惠乎鄞人信賢相之作牧發於心見於事知所先務莫不與它人均鄞之人因是得以覘公之經綸矣公將以袞衣歸其充廣

續志卷二

三

徐廣

此念相我

聖天子以續

思陵大復古之勛夫如是則是橋也將同召公之菱舍歷千萬載而不泯乃若通水利以濟鄉遂之農開河步以便闡闡之民創田廬以養困窮數十百輩蠲租賦以寬貧弱數百萬緡代輸積逋而繫者釋立決滯訟而屈者伸莫重於學校則益膳羞以惠藏脩之士莫嚴於海道則增券廩以給巡徼之軍凡政之本於仁義者不可殫紀茲故略述云吾邦唐

武德中為鄞州開元中易明州今陞慶元府
橋去西門外十五里高三丈三尺五寸長九
丈八尺上下凡六十六級洞闊三丈八尺靡
緡錢十五萬八千有奇自寓橐余公晦暨士
庶共樂助三萬外餘皆公帑所出粟二百斛
石工軍工共九千四百民工一萬三百各有
奇俊後積功至王爵橋側有小祠縱廣不盈
丈公復度地建廟闕敞視昔十倍其費不書
董是役者大制置使司準遣李迪功自強五
年七月既望寶謨閣直學士正議大夫提舉

江州太平興國宮柔商撰朝散大夫趙隆孫
書朝奉大夫主管建康府崇禧觀豐莖篆蓋

高橋寺

循王廟附

高橋成公於其西作新廟肖循王像而祠焉貂
冠朱裳儼然如在見者起敬歲時秩祀著為
常典旌忠義也西渡至橋所凡五里舟車往
來莫不停橈駐軫拭目竒觀登臨訪古絡繹
不絕而或者猶以無所憇止為病橋東舊有
施水亭簷矮壁敗其後僧若瑱明遠稍葺為
庵人目以接待院而實弗稱也於是公慨然

有鼎創之志矣撥其側膏腴田餘十三畝以
益舊址旁地之相接者又爲買田以貿之而
寺基益恢拓乃委計議官洪易簡董其事凡
創屋六十餘楹崇門崢嶸脩廊深廣殿堂層
出庖庫區分軒祠寮舍無一不具外周以墻
一百餘丈鍾臺屹立且實以廢寺巨銅鍾一
一井井規模悉如甲刹寺前泐施水亭夜則
徹明炷燈以燭水陸之暗凡費錢一十萬八
千八百六十二貫米二百九十七碩八斗二
升旣成移景德發院額名之併益以沙甯莊
租田劉泳沒官田共二十九畝是役也工費
不及民而不日之成速於變幻非事力裕精
力周願力固未易集也繼今飛錫者可以駐
足行李者可以息肩炎暑則濟道路之暍暮
夜則弭蒲葦之奸蓋一舉而數利具非直爲
觀美云

逸老堂賀祕監像贊

山林之士去不可挽市朝之士出不知返矯矯
先生高瞻遠視可仕則仕可止則止粵惟二踈
輔導漢元作其即位旋以飄然粵惟先生師傅

唐肅太陽未升去之已速前踈後賀夫豈不情
知幾識微以全令名狂非眞狂醉非眞醉詩侶
酒徒亦復爾爾四明之陽月白山空平湖萬頃
今古清風

廣利橋記

大丞相吳公之表海也人知於一郡有高橋之
役光前而不知又於一邑有廣利橋之役初
始者焉慈谿爲邑有小江貫而中出舟自西
徂東者或過之徑利子港達西渡堰此故道
也往幸 顏公作牧相其陰陽埧利子港口

續志卷三

十六

紆其途爲今新堰新堰之未底績也寥寂一
村通以小徑間以冷水渡以畧約夫聯木比
竹爲漁樵一二所蹊牛羊三五所跡可也厥
或當憧憧往來將必壓况新堰成而峻峙其
上彼畧約者旁立下流以受萬鷄日夕春撞
之厄且有曳曳於牽江色者爭如簇也是則
假以利涉反以病涉矣 公聞蹙名清間曰
四履申畫不敢一日怠肆百堵勸翼愁使一
物失所於是謀易以石且懼鳩工之辦於拾
藩也能毋賈贏蹶平時乃就郡給公帑米若

千楮若干母或句奪又懼鶩行之添一長廐也迪惟董振擇之時乃就邑咨善士王君與可莫禋惟其陳修二人皆能體公意以經之營之證市價來羣材拓基址緻板榦鼓輦運精礪錯飫餼糧撫勞勩於是歲十一月徒扛成十二月輿梁成矣不只此也邑之陸行入閩都者其道必由王家店橋浸趨於老咸與維新萬目盱衡詫兩虹對飲大川之孺厥攸作人見其功之就而不震於慮始人見其乘之安而不知其煩我此公意諭色授所

及也二人又能推公意以衍而伸之護新堰之步以亢濤浪平新堰之溜以緩奔瀉關新堰之驛以待潮汐凡可易撼撼而使踏實地爭先致佐助而罔有吝封此公以所感爲所應也忽夜觀天象台躔逼新堰越翼曰亭午果有報公一舸按視不以夾道疾馳駭民而絕共億於不及不以高牙大纛臨民而通穉耄於縱觀符采攸燭山川生輝有橋落成無此炳耀邑之人乃言曰野水無人渡孤舟盡日橫何如公之寓政於橋歟叔子

獨千載名與滅江流何如 公之寓目於橋
歟况因橋有驛立名慶豐親灑 鈞翰高揭
戶顏此又 公不特以人者利民而直欲以
天者利民願爲之記錫孫曰我 大丞相之
歛惠此邦苟利於民知無不爲大莫大於津
梁有衆高橋其一也 袁公可齋嘗書而刻
諸石廣利橋之役雖什一於高橋然無小不
舉者乃無大不周也保釐東郊而先嘉其克
勤小物此三代相業 公獨得之豈以大小
計哉其間如吳洞橋之整以崇低垂管山河

之開以導壅底茅砧礮之治以通提闕黃泥
堞之築以砥橫潰蜀山鋪之置以靖荏苒此
公以舟楫四海者而澤一邑也 六龍渡江
海若哈呀以壯形勢謀臣策士獻議設險於
向頭者不知幾人且幾年矣 朝廷未皇
公來嚴備列寨騁望溟渤盡在目中雖一飛
鳥不能遺此 公以謹固一邑者而康四海
也廣利一橋去乎哉雖然易言利涉大川十
有四而未濟終焉未濟之濡而言利涉此
易之爲道也 公以利涉建橋而以廣利名

橋不言所利大矣哉此 公之爲易也猗歟
寶祐六年七月初吉朝奉郎桂錫孫記朝奉
郎新通判平江軍府兼管內勸農事孫困書
朝請大夫新知瑞州軍州事兼管內勸農營
田事程士龍篆蓋通直郎知慶元府慈谿縣
主管勸農公事兼主管鳴鶴鹽場兼弓手寨
兵軍正周棟立石

靈應廟

靈應廟鄆人鮑君祠也君生於漢歿而為神梁武帝時賊虢奴抄掠及境神奪其魄賊如醉卒擒之由是名益著至

本朝繫封至八字曰忠嘉神聖惠濟廣靈王今雨暘禱必應民有疾苦急難則呼籲之歎歲貴糴神能在海中招客舟使之來功在艱不可殫紀

大使丞相判是邦也剖決曲直嘗提一筆以祝曰此心惟鮑君知我蓋質諸鬼神而無疑

者廟自嘉定再建規模苟就而偶像猶未備廟史有以門之左右神馬及侍從執事請者公即為補其闕且擇畫史之精者圖王之出處事跡於殿壁若儀從若兵馬又繪於門之內外焉以至廊之屏蔽門之丹牖顯設藩飾粲然畢備始於寶祐六年之二月畢於開慶元年之六月凡費錢一萬六千餘緡公蓋因民之敬以敬神非私以徼福也

大人堂

大人堂舊在射亭西偏及開慶元年正月徙出

九經堂從西向爽塏潔肅邦人禱祈優之大
人者俗呼闡相公今幡幢所題皆曰中書令
闡相公可驗也舊志直指爲錢億祠實取高
閑記續志推以爲闡燔因考題名五代末闡
燔錢億相繼守郡闡姓侶有證今姑兩存之

青蓮閣

青蓮閣在郡治東白衣廣仁教院爲 園通大
士道場閣始建於政和間距今歲月老矣
大使丞相兩賜禱于大士如響斯答旣給錢
餐贍其衆聞院僧師文者將再建閣又捐金

續志卷二

十九

七

助之寶祐四年冬鳩工迄六年十月凡費二
十七萬餘緡

環富亭

都稅務舊有亭在東渡門外商旅出於其塗則
官若吏即是而譏征焉亭歲久不存寶祐五
年四月

大使丞相命稅官重建併甃石道頭一所費
萬緡有奇亭名環富蓋取孫興公天台賦以
表山海之利云

知津驛支錢捌仟陸百玖拾肆貫肆百陸拾
文米玖碩陸斗

慶豐驛支錢貳仟貫文

廣利橋王家橋共支錢捌仟肆百貫文米肆
拾碩

慈溪新路支錢貳拾柒萬柒仟玖百貳拾貫
文

西塘路支錢肆拾肆萬捌仟陸百叁拾貫文
逸老堂支錢壹萬捌仟百壹拾玖貫玖百

文米玖拾柒碩壹斗捌升捌合

續志卷三

二

時亭支錢壹萬貳仟捌百玖拾伍貫貳拾伍
文米貳拾碩貳斗伍升捌合緡壹匹

酒壹拾瓶

高橋支錢壹拾伍萬捌仟貫文米貳百碩
高橋寺支錢壹拾萬捌仟捌百陸拾貳貫文

米貳百玖拾柒碩捌斗貳升

循王廟支錢壹萬伍仟捌百柒拾捌貫文

天童寺

靈應廟支錢壹萬陸仟貫文

大人堂支錢伍仟玖百柒拾玖貫貳百文米

壹拾玖碩叁斗壹升

青蓮閣支錢貳拾柒萬貫文

瓌富亭

惠民藥局

聖天子以天地曰生之德訪民疾苦寶祐五年冬十一月

御批申飭軍民五事官藥局其一也令臺閩嚴督所部恪共奉行劑料必真修合必精使民被實惠仍揭黃榜于諸州軍大哉

王言民其有瘳乎

大使丞相吳公吾胞吾與之心與

上符契祇若

明命匪懈益虔惟鄞有局寶慶三年所創也

續志卷二

十一

折

在郡圃射埭西地逼隘匪便且藥工出入旃輶不肅歲久屋尤老亟謀棄塏而更之先是槁賞庫有樓曰海晏爲屋凡十餘楹後改爲參議官舍高明闢室居者棄焉公謂是寬閑者可以濟吾用矣乃即樓而局上以處熟劑成料而梅潤不及物帑作局昉列其下衆工盤礴者得其所前則增門屋三後則增翼屋五浚汲清之池新煨丹之鼎焙室烹釜莫不畢備井井規模於是非前日比若夫遴監臨之選嚴修製之防品劑既真市者旁午若郡

若邑若軍凡增置子鋪一十四所歲春夏數
施藥餌無間城內外

君相濟眾之仁博矣因附錄其目如左

藥貨錢會本息

截止開慶元年四月終管在錢藥共計四

十四萬七千一百三十九貫一

百一十一文

比創時增四十三萬三千一百三十九貫一百一十一文

比本任交割時增二萬五千九百八十九貫八百九十七文

子局

續志卷二

十三

茹

府前班春亭都局

以後四鋪係本局差人前去發賣

日報賣錢一千貫或八百貫

上馬亭鋪

日報賣錢九十貫或八十貫

南門裏大廟前鋪

日報賣錢四十貫或三十貫

及瓜亭鋪

日報賣錢六十貫或四十貫

靈橋門鋪

以後照例賣錢到鋪取贖以加一五分饒潤

月取一千貫或一月半一千貫

江東門外鋪

月取二千貫

慈溪縣鋪

或一月取五百貫或兩月取五百

貫

東步鋪

或兩月取五百貫或三月取五百

貫

奉化縣鋪

或一月取一千貫或五十日取一

續志卷三

二十四

佐

千貫

昌國縣鋪

或一月取七百貫或兩月取七百

貫

象山縣鋪

或一月取三百貫或一月半取三

百貫

餘姚縣鋪

或一月取八百貫或兩月取一千

貫

上虞縣鋪

或兩月取五百貫

東門水軍

或一月取一千貫或取二千貫

每歲散藥

寶祐五年

散藥二千八百三十五貼

寶祐六年

開慶元年

散藥二千四百九十三貼



〔開慶〕四明續志

二

四
明
續
志

卷三

四

四明續志卷第三

水利

郡計莫難於鄞水利尤莫急於鄞蓋它郡苗米多撥解總所鄞獨留以贍定海水軍總所者遇歉歲蠲減可毋解惟本府自催自給民賦可蠲而軍餉不可闕歲侵則官病而民亦病必常稔而後可然郡阻山控海山之滯潦海之鹹潮時之旱乾皆能害稼故資水以爲利者於鄞尤急

大使丞相吳公治鄞三年寤寐民事凡礮閘

續志卷三

一

如

堰埭某所當創某所當修某所當移見於鈞筆批判者皆若身履目擊每一令下民未嘗不感公博濟之仁服公周知之智也鄭白召杜不足數矣公又於郡城平橋南立水則書平字於石視字之出沒爲啓閉開慶夏父雨公委官徧啓諸閘決隄泄水禾勃然興至是民益德之

平橋水則記

開慶元年春三月戊辰

四明郡阻山控海海派于江其勢卑山達于湖其勢高水自高而卑復納于海則田無所乎

灌注於是限以礮閘水溢則啓涸則閉是故礮閘者四明水利之命脉而時其啓閉者四明礮閘之精神異時加意於礮者至今猶有遺論此未暇問也而攷其爲啓閉之則曰平水尺徃徃以入水三尺爲平夫地形在水之下者不能皆平水面在地之上者未嘗不平執三尺以平水嗟乎異哉余三年積勞於諸礮至洪水灣一役大略盡矣已未劭農翠山自林村繇西門泛舟以歸暇日又自月湖沿竹洲巖城南徧度水執其平于田塍下者刻

篙誌之歸而驗諸平橋下伐石爲準榜曰水則而大書平字于下方暴雨急漲水没平字戒吏卒請于郡亟啓鑰若四澤適均水露平字鑰如故平橋距郡治巷語可達也都鄙旱澇之宜求其平於此而已矣余數祈歸老行且得請然於此郡之豐歉不能忘故置水則於平橋下而以平字準之後之來者勿替茲哉

洪水灣

它山堰唐大和中鄭令王元暉所創也溪流派

四明山而入于江潮逆上鹵不可灌限以石堰上溪下江溪流入河分注鄞西七鄉貫于城之日月湖以飲以溉利民博矣然越里餘至洪水灣河流罅而外泄江潮溢而內攻溪江合灣之左右漫爲壑而它山之水始不得東注民久病之淳祐間嘗立石塘以障已而水穴其傍隄潰如昔

大使丞相吳公一日出釣批謂境內硨闐河道措置略徧惟它山洪水灣岸坍水泄關繫匪輕委官下都保議於是即其地爲埧三一

瀕江以禦狂瀾一瀕河以防罅漏一則介其間爲表裏之拓僉謂江之東南有何氏竹木園當水之衝激其勢而北欲撤其蔽而疏通之官爲給錢市其業浚地爲江因畚沙以實二埧之北河隄堅密江水安流矣異時挾日不雨城內外涸可立待今春夏所至演迤謂非埧之力可乎役始於寶祐六年十二月十三日畢於開慶元年二月十五日允爲費二萬一千六百貫有奇監造都吏王松正將鄭瓊莅其事者鄞縣簿李言似

買何儀曾園地三十二畝一角二十六步

內一契何津之買趙念一省元地一片計二十三畝二角四十九步價錢六十貫足內一契林千十一娘男何津買葛子昇戶下千十地八畝二角三十七步價錢三十貫文九十八陌錢會各半共細計一千三百四十貫四百五十五文

木椿一千五百口計錢一萬五百貫

搭腦八十條計錢一千六百貫

篠二百把計錢三百貫

下椿搭腦七百九十工計錢二千六百七

十五貫

監官人從口券二千八百八十貫

續志卷三

四

椿

監官主簿持送三百貫

正將鄭瓊都吏王松搞二千貫酒二十瓶

茅針硿

一名茅洲一呼茅砧

茅針硿在慈溪縣德門鄉沾其利者允艱慈定

三邑水源有二一自慈溪小江一自餘姚分

水先是硿西五里外有趙氏地橫截其前分

水江之流不得通寶祐五年

大使丞相吳公市其地浚為管山河於是西

江二百餘里之水悉匯於硿之上硿舊有閘

啓閉以時閘廢更為堰水源中隔而水之利

又不得達于碑之下鄉民列詞于郡亟遣吏相度遂於舊闌基之傍別爲新闌凡闊三丈四尺立五柱分四眼眼闊七尺六寸視舊增九尺臂石二十層允費錢四萬二千七百一十七貫米二百一十三碩工始於八月二十七日畢於十二月五日役成而民不知提督司法趙良坦監造都吏王松將校林枝竣事特犒王松一千貫林枝五百貫

續據王松申碑子周亞七雖年老風病尚能言及源流始末稱此碑自乾道年間前

政判府趙閣學以每畝均錢六十文足委慈溪鄉官率畝頭錢買辦物料欲援舊比以行當準鈞判本府旣爲民間辦此一事錢不湏科之都保本府一切自辦以了一方悠久無窮之利工役之人不若只用軍兵日增支錢一貫五百文米三升庶可鈐束

練木碑 一作榿木

鄞塘鄉之田多濱江畎澮惟江流是仰練木碑東接它山南通大江歲久碑壞鄉民嘗畝率

斗穀簡蕪爲埧迄弗及磳寶祐五年六月民戶闔詞乞諭里中王其姓者倡斯役

大使丞相吳公遂下之水利官勸諭首以千券十斛助費已而鄉民見義不勇訟牒紛如助者僅五千餘緡力綿而役大委之民昌潰于成公乃一力捐金穀爲之以明年正月二十八日經始磳當江湖之衝慮其損磳臂也增新磳爲四眼殺其勢閱三月而磳成凡給錢四萬四千六百二十八貫九百文米一百六十八碩五斗四升力役於伍籍費取於公

續志卷三

六

原

帑民無毫髮擾持羊酒以勞役夫者日絡繹于道也

黃泥埭

埭在慈溪縣鳴鶴鄉與越之餘姚上林諸鄉鄰潦則上林諸水注而成壑有埭所以泄水于海也然決易而塞難鄉人欲立石閘以便啓閉率以費鉅輟浙東提舉季鏞捐二千緡助鄉民爲之涉歲弗績寶祐五年秋

大使丞相吳公委縣丞羅鎮竟其役丞欲援例計畝敷于民鈞判一堰所費不知幾何若

科畝頭錢必因而搔擾送縣永限一日且所費申及申到數目特撥助五千貫仍趣歲前畢工不許科之下戶茲聞遷延數年一旦辦集成終之功大矣

新堰

慈溪縣之東德門鄉有新堰捍江潮而護河流者也堰以圯告寶祐五年八月

大使丞相吳公給錢下縣鼎新修築輦石以甃江岸二十餘丈堰下水步一所址益豐而隄益壯水自比東達慈溪定海兩邑之田無

續志卷三

七

文

斥鹵浸淫之害風帆浪楫往來下上者胥利焉合橋亭江道頭之費共爲錢二萬三千六百一十貫八百文米一百一十三碩四斗橋亭見于別目所謂江道頭者在堰之東異時堰無道頭行者步齧而堰潰於穴今重甃以石而堰復藉道頭以完固蓋兩便之

西渡堰

堰東距望京門二十里西入慈溪江舳舻相銜下上堰無壅日蓋明越往來者必經由之地淳祐間稍加葺治未幾堰復壞寶祐六年八

月

大使丞相吳公給錢五千七百三十九貫五百文委司法趙良坦同副吏許樞監葺修築伐石輦材費一出於公所濟博矣

北津堰

北津堰舊圖經曰北清在鄆縣西北二里堰多歷年所外受江潮之衝木者朽而石者頽上之穹然高者今窪然下矣秋潦至則鹵灌于河農以爲懼舟楫之往來者亦病之寶祐六年二月

續志卷三

八

文

大使丞相吳公命司法趙良坦同副吏許樞相視興工因其舊而增高焉內分兩傍各甃砌堰臂七層鼎新造車屋四間又堰之東有小徑由鄭公渡之江北可達定海澥浦里溪文溪等處崎嶇不便於行者輦石併修治之遂爲坦塗蓋一舉而兼水陸之利去凡爲費一萬五百四十一貫文

林家堰

鄆縣東五里手界鄉曰林家堰者十餘年間補苴罅漏不足以爲江湖之蔽障每巨濤澎湃

則斥鹵浸淫積潦久之則又滲漏于外不獨
為民田害抑亦不利於舟楫先是提舉常平
嘗捐三千券下之邑俾議修築官若吏憚費
夥弗祇服厥事

大使丞相吳公因民之請更以石為之培其
高濬其深視舊址舒以長添甃石塹修蓋車
屋補築土塘自是民田有灌溉之益舟楫無
險阻之虞里之任役者亦免歲時修治築塞
之勞以寶祐五年十二月給錢三萬四千一
十七貫七百文命司法趙良坦都吏王松監

視

年 月 畢 工

續志卷三

九

源

黃家堰

黃家堰在慈溪縣德門西嶼先是本府浚青林
河鄉民有請以為河在堰頭淘浚深廣至徐
家港接顏公渠并新浚監堰河里溪橫港及
定海鸕鷀澗浦香山杜郭德門西嶼茅針闌
周圍三四百里脉絡貫通請以顏家堰南岸
置堰庶幾不候潮汛徑取城西北兩門而往
來免風濤盜賊之虞既而夷攷此地元名黃
家舊堰司法趙良坦親蒞其事廣諏眾議遂

於舊堰興築與里溪堰對峙北郭西門通濟無礙勢若曹娥梁湖往來便之董役者正將鄭瓊僧祖倫吏王松始寶祐五年冬十二月不一月竣事費止二千緡利博矣

支浦閘

開慶元年五月二十六日

大使丞相鈞判近日雨水過多低田可慮內慈溪縣已差統領吳雄前去開放倪家刁家兩堰通泄積水因訪利病本縣惟東鄉一帶和尚庄清水湖趙家洋顏家庄等處兩堰之

續志卷三

十

源

利不若建閘一所惟支浦最為利便可差林枝前往抱子閘移拆無用舊閘前去支浦江岸創砌閘一座庶幾東鄉闊遠田地永無水患之虞仍委權縣提督務在速辦既而因公劄之請復委司法躬親契勘的實利病既得其詳則以七月十一日興工里人沈國諭樂助米三十碩陸日宣樂助五千貫公雖不之拒然謂當使抵郡以來凡為民間興利之事皆係本府自辦錢示今除此二項外不可更類科配以失自來美意若尚闕用更當添撥

閘分三眼址堅勢固一方自此蒙利矣凡費錢一萬五千六百貫米六十碩

江東道頭

靈橋門之東大江橫截於是造舟爲梁民賴以濟卒遇大風兩舟壞則往來病涉不得已於其側撐舟以渡行者走泥淖中褰裳就舟則沾體塗足尤匪便

大使丞相一日出鈞旨命禪校於東西岸寘木疊石立兩道頭以便絕江登舟者因扁曰濟川焉浮梁以濟舟楫之所不及渡頭又以

續志卷三

二

濟浮梁之所不及萬口誦之

永豐碑

它山林村之水南來數十里而入郡郭縈紆回環由西北隅出而始注諸江霖潦洩弗及城西偏皆冒沒淳祐間立保豐碑俾由城西徑入江當時詭以爲水利之大者然人力不至聞不過兩眼廣不過丈餘隘而溢始益病開慶元年夏

大使丞相爰究爰度得水勢逕直之地於其右創爲永豐碑五柱四門闊三丈六尺深四

尺餘堅密雄偉雖湍流至此亦不見其爲搏
躍也役成民始知公之規模迥異矣允費錢
四萬七千九百一十六貫米一百三十七碩
四斗

開慶碶

碶舊名鵲巢在鄞縣手界鄉鎮甲舊志所書已
廢爲田開慶元年夏

大使丞相興水利者徧乎四境因思是碶濱
江不復則曷其福江以東之民乃撥錢四萬
五千八百貫米一百二十四碩委官創爲之

續志三

十三

旣成河流不復滲海潮不復入矣遂名曰開
慶碶公之命是名也意蓋不止斯役而已東
錢湖八十里而茭葑半塞焉寶慶間史衛王
當國以僧牒米斛助浚之人服王之不私豪
右也今不浚者又三十年公方將有事於東
方則斯役特其發軔耳因併及公之心云

鄭家堰

鄭家堰卽俗呼鄭十八郎堰也在城南半里江
行欲入河者舟必自堰而上或由甬水門入
城或道城西南諸鄉皆喉襟乎此壞久無葺

之者公命統領吳雄督工重造樁石支役之費爲錢二萬五千緡米一百碩皆成於開慶改元之七月六

管山河

大江由丈亭分派四十五里至慈溪之夾田橋橋南五里民田阻之江流不得直達迺迂出其旁旱歲無沾丐利潦則泛濫墟落苦之寶祐五年七月

大使丞相以錢一千五百三十一貫四百一十五文市民田墾河五里長七百丈有奇闊

續志卷三

十三

三丈六尺深一丈六尺九支軍兵日券六千四百九十貫水由是達茅針磧鄞慈定三邑皆蒙利焉

諸縣浚河

大使丞相寶祐五年冬以水利局命法曹掾趙良坦董其事是歲諸邑淤河淺港悉浚深之昔之澗可待者今維水泱泱矣因條于左

慈溪縣德門鄉

四都自李溪橫港取馬徑港二千七十

丈

五都自監河取朴木廟八百八十丈

自寶慶寺後至張家港六百五十丈

自李溪閘河五百二十丈

六都自徐家港取監橋河一千四百八十丈

自徐家港取青林大河取顏家堰

河二千六百一十丈

自徐洋閘至鱗浦顏家堰河三千

一百丈

續卷三

十四

慈溪縣西嶼鄉

七都自東河下南堰至王家漕五百四

十丈

八都自斗門河五百丈

定海縣清泉鄉

四都邢家港三百五十丈

周家港至半練村河三百七十八

丈

倪家港二百一十丈

華家港一百四十丈

杜禮港五百八丈

樓下港三百二十丈

上河港二百五十丈

徐家港二百五十丈

夏家港二百五十丈

李家莊港三百三十丈

中河新港一千三百八十五丈

蔣家鱧港二百九十一丈

周家港一百八十三丈

程家港二百五十丈

續志卷三

十五

短甕港二百八十丈

黃剡港二百二十二丈

盧家港四百五丈

三石橋後港五百五十丈

曾家港七百四十八丈

陸家港二百二十丈

傅家港一百九十丈

鸕鷀港二百五十丈

趙家港三百丈

桂思橋港二百五十丈

五都半練村港五百五十八丈

沈堰北村一千九百三十八丈

沈堰南村一千一百八十五丈

古塘北村一千八百九十八丈

古塘南村一千三百五十丈

感孝村八百二丈

壓塞東村一千七十九丈五尺

壓塞西村七百五十八丈

漏興村一千四十二丈

定海縣靈巖鄉

續志卷三

十六

一都自育王嶺下至石湫頂耳橋一千

八百六十丈

二都自石湫市至槎浦磯一千一十二

丈

自水徑頭取方家橋二千五十丈

定海縣太丘鄉

一都自十字港橋至黃山頭六百五十

丈

地埭堰河八十丈

二都自黃公漕至清水橋一千四百一

十丈

三都自下河楊木橋堰至施店一千八

百丈

自上河楊木橋堰至寶雲廟三千

丈

雙河堰

雙河舊有硨閘在慈溪之鳴鶴與越之餘姚上林鄉接壤上林居西而地勢高鳴鶴居東而地勢下以兩上林之水東注鄰壤為礙置閘以限之然舟行則閘啓而水之患如故近歲

續志卷三

十七

鄉人曹氏於閘之左為雙河堰以便車船意亦善矣而捨堰而趨閘者則不可遏也鄉人病之開慶元年五月請于郡

大使丞相委制幹趙若埜蒞其事俾塞雙河閘為實地給錢壹千貫於雙河堰之傍立屋兩間四挾擇巨木為車柱埋石備纜悉如諸大堰之制已塞閘基之上則為屋三間以處堰丁曹進士且措置撥租餘五十碩以供打造索纜之費焉規模一定自此永無浸冒之禍矣

四明續志卷第四

興復省併酒庫



周官設酒正掌酒之政令以式灋授酒材逮漢則令官作酒以二千五百碩爲一均率開一廬以賣榷酤之利國實賴焉鄞爲郡瘠賦之入者約費之出者廣於是操其贏以濟其乏酤之賴維多甚非其得已也城內外諸縣庫務坊場曰醕酒東庫曰香泉八庫曰江東慈福庫曰下莊務則舊管者也曰醕酒西庫曰江東贍軍庫曰鮎崎庫曰東門庫曰寶溪子

庫則

大使丞相吳公新創者也曰林村庫曰小溪子庫則昔敗闕而今興復者也曰省務曰槁賞庫曰江東庫則又今廢罷者也或官給本錢或聽民抱息或官吏監臨或軍將措置或兼令外庫管紹赴辦或以所廢庫本錢併歸他庫拘解日額允皆酌地里之均計公私之便究興廢之宜以爲分合酌重輕之則以課盈虧公之歛此鑒焉其明衡焉其平官有所埤益而民亦安之外有五鄉喫奉化慈溪象

山江口南渡東溪東吳大小榭郭宅瀨浦松
林翁山大嵩等務場隸經總制司具在別目

醕酒庫

元管東庫一所本錢三十萬貫年收息
錢七貫五百六十五文會一萬二千一百
十七貫八百五十五文會一萬三千四百
十月併省務公使庫檣賞庫為一庫添
創西庫以補公庫之虧令給本二十萬
貫作東西庫分抱息錢年收九十四萬
九千二百七十九貫八百五十五文會一
二千八百七十九貫八百五十五文會一
東庫職級李榭西庫樓址措置管幹
比舊額增收息錢四十五萬三千一
百二十一貫四百五十四文三七界
今月以四月至八月終除小盡三日東
西庫各日發一千一百六十貫五百六

繪志卷四

二

俵

十八文會一十八貫
一百八十二文省

槁賞庫

寶祐四年十月住既以海晏榭日額本
錢四萬一千五百八十貫文撥付醕庫
赴辦日拘息錢六十六貫納槁賞庫
六年拘回元本零錢一千五百八十貫
椿本四萬貫撥歸慶元府理為實
橋日納息錢改赴公使庫交收

城外香泉庫

元管八庫本錢五萬貫文年收息錢
頭錢貼買瓶錢五十一萬三千七百六
十七貫四百八十八文會一萬四千九
四十二貫三百四十一文省實祐四年十
一月以數內江東一庫改為瞻軍庫收
上元本一萬貫今七庫本止存四萬貫
年收息四萬九千六百六十八貫

文省士產戶陳
暉等七名分抱

旺月以九月至三月終除小盡三日月
發一千三百五十五貫二百文會三十

十二貫六百二

冷月以四月至八月終除小盡三日日
發一千一百三十貫二百文會其省錢

如旺月
之數

江東慈福庫

元係香泉子庫不給官本年收息錢一
萬八千一百四十八貫三百八十文會
六日內九千四百三十九貫九百八十
文係夏子仁柳成之抱認餘八千
七百八貫四百文香泉七庫貼納

江東贍軍庫

續志卷四

三

祐

見坐本錢八萬貫文年拘息錢缸頭錢
貼買稅錢一十五萬八千八百三十九
貫六百八十文會三千四百貫一百五

鄭瓊機察
副將童寅

旺月以九月至三月終除小盡三日日
發四百八十一貫九百二十文會八貫

五百八十

冷月以四月至八月終除小盡三日日
發四百一貫九百二十一文會其省錢

如旺月
之數

定海縣烏崎頭庫

寶祐五年七月據吳儻卿乞不支
官本管抱息錢年納一千貫文會

林村庫

寶溪五年二月給本錢二萬貫文日拘
息錢二百七十貫文會續減為一百五
十貫再減為一千四百貫文會每月
繳納四萬五千四百貫文會每月
合解拍戶版帳錢二千一百一十二貫七
百八十九文會於內分撥經總制司一百
四十一貫四百八十八文釋本司二十六
貫七百二十四文常平司九十二貫七
百四十八文慶元府一千
七百五十一貫八百三十三文

寶溪子庫

寶祐五年十月據黃迪功登乞抱納日
息錢六十貫文會六年別召募厲進之
管紹趁辦借本錢一萬貫文會歲
抱息二萬一千二百四十貫文

小溪子庫

寶祐六年正月據黃迪功澄乞抱納月
息錢四百八十四貫三百五十五文會官

續志卷四

不給本錢歲納五千八百
一十二貫二百文會

四

慶

奉化縣鮎埼庫

寶祐四年十一月契勘到有無敗闕因
依據監鮎埼鎮權巡檢薛迪功申元納
通判東廳常平糶本司月息錢會三十
貫四十五文慶元府錢會二十五貫一
百七十文遂具申朝廷差黃澄迪功
監鮎埼庫將已廢罷省務銅朱記一顆
發下庫收管給本錢四萬貫置買車基
屋宇又一萬貫往平江府收糶米麥尋委
本府急錢五百貫六年十二月黃迪功
再借三萬貫往平江府收糶米麥尋委
制司準使張鏐前去點檢執行提督仍
關三萬貫前去措置却行拘回黃迪功
元關錢拘上胡珙王繼善文祐監納元
衝息錢三萬四千貫續據黃迪功解納
其張鏐界內自十二月四日後日拘息錢

每半月一次解發
七千五百貫文會

東門庫

寶祐四年十一月先撥本錢一十萬貫
 文差都吏王在將校崩禧措置年拘息
 錢十八萬五在二月市戶李珪張從龍
 乞照王在例開抱以息錢對撥支散水
 軍十月水軍申本庫兩旬無發到錢數
 遂委本軍交併酒庫就存留月納五萬貫自
 六月正月始不以冷旺月納息錢一
 萬貫細作見錢五百五十貫足抵充軍
 券續監張從龍李珪回納一半本錢五
 萬貫銷落實椿之數六年五月鄭迪功
 增歲額為一十三萬開慶元年正月鄭
 迪功又乞量減日息遂成五年通減五
 貫實管年額水軍統領連忠交孚仍撥
 付軍中抱認開駐所存官本年拘息錢
 五

續志卷四

舊並如

下莊務

舊例每年於在城都稅院定海稅場大
 萬等鹽場各差合二年撥大萬等鹽場
 辦官課開慶元年二月撥大萬等鹽場
 申乞免差人充重難抱七萬三千貫
 文作四季解發內以六萬四千三百九
 十五貫約椿公使庫一年專知合陪貼
 之數三千一百五貫於經總制司令項
 酒息內添撥八千六百貫助三萬五千
 解諸司錢及據兩稅貫發下廣惠院二萬貫
 貫以一萬五千貫發下廣惠院二萬貫
 公使庫
 收附

經總制司

范蜀公嘗言密院主兵三司主財則有各不相知之弊至和間遂請密院三司通知兵財制爲國用蓋欲兵財脉絡貫通也上而

朝廷次而制閩同一理耳軍餉之權容可貳乎沿海新舊水軍凡六千人若衣若糧皆給於府獨券錢府給二千人餘四千則通判東廳以經總制司錢給之歲久而弊倖廳官若吏間以餉軍之錢資泛用豐私橐而軍額率虧數苟且循習非一日吁兵統於制閩而財

續志卷四

六

選

給於郡佐事權不一宜其弊至此也

大使丞相吳公熟錢穀甲兵之間於廟堂久矣寶祐四年來開大閩報政之五月數軍實攷貨源亟請于

朝以經總制司歸之制府自催自給且得

旨創大使司物斛官一負拘確之理順勢便故招刺皆驍勇而尺籍不至空虛給餉易辦集而

朝廷不煩科降今以未撥歸制司以前攷之寶祐四年十月分月幫水軍官兵券三千三

百六十五人錢會紐計十七界一十六萬一十六貫二百四十文米計二千八百六十五碩三斗一升自撥歸制府後開慶元年四月分月幫軍兵券三千八百六十五人錢計十七界一十七萬七千八百八十一貫五百七十七文米計三千三百七十六碩九斗五升二合五酌以今比昔則添刺軍兵五百人一歲增幫錢二十一萬四千三百八十三貫四百文增幫米六千一百三十九碩七斗一升及添造五百人七事軍裝通支錢一萬二千一百

續志卷四

七

還

八十四貫六百二十文軍政脩明兵食充裕成效昭然視在倅廳時大有間矣申請次第及修復經總制坊場條列于左

省劄

寶祐四年十二月二十八日準

省劄備據沿海制置大使司狀照對本司近曾具申

朝廷乞將慶元府通判廳給遣定海水軍四千人窠名錢物撥歸本府就行拘催并餉新舊兩軍恭準

省劄坐下照得通判廳有起解農寺與夫諸府俸料併主管官茶湯錢及其它公費皆仰于此今若盡歸本府亦合先與區處使解發者有所指擬仰給者不至乏絕庶幾乎允否則通判自此別無職事而廳分可廢矣此其爲通判之慮甚悉然事體實有委折只得詳細稟控蓋本廳之供餉水軍不過經總制司緣倅廳權輕諸縣多有拖欠其間又有簞簋不飾之人虛支妄用有若泥沙所以舊軍四千人係通判廳之所給餉者額常闕數百人

本司雖欲盡行招刺亦忱恐倅廳事力不給或至它虞故亦不敢放手今連準

密劄措置海道招刺闕額今四千人之額將闕千人矣本府何幸可省千人之月米然非所以爲公家計也所以欲得將通判廳給餉水軍錢物徑從本府拘催庶幾錢錢字字皆有着落而千人闕額亦可填補此區區申請之本旨也若曰諸府使臣俸料歲不過二三千緡舊例所在本府自應接續幫支無緣復以強之倅廳若又曰通判廳別無職事則却

非所慮蓋通判廳除經總制司之外其所管者又有常平司則所催者坊場河渡正名錢五分及六縣役錢以奉

內藏庫左藏庫等處之經常者也又有糴本司則催諸縣酒稅分隸錢及坊店戶四分錢而奉農寺之經常者也既有窠名則有催理其職未嘗廢也況給遣之錢除經總制司合收之數又多係本府應副貼助則歸之本府自催自給似合事宜兼潛忝以舊弼旬宣通判固在按察之內而財賦支遣多與本府相

關自從制司拘上催理在通判廳亦所不靳緣潛嘗服韓魏公之言曰琦昔爲宰臣惟有奉行

朝廷命令每事稟命

朝廷故雖此細故亦必申聞

朝廷取

旨揮者正前脩之遺意亦將以爲今日諸道岳牧之倡也然可否忱不敢自必但若以體統而言水軍六千人衣取給於本府米取給於本府內二千人券錢亦取給於本府獨四

千人券錢取給於倅廳於理勢自是不順欲望

朝廷更賜詳酌施行伏候

旨揮奉

聖旨依右割送慶元府本司將拘到錢每年起發降本錢三萬四千四百貫文十八界見作六綱起解赴行在省倉和糴場交納及起發六文煮酒錢四千五百貫文十八界作一綱起發赴行在封樁下庫交納外及每月中下兩旬支散沿海制置大使司水軍官

續云卷四

十

廣

兵券食等錢及諸府第香火官親兵衣料錢次年攢具總收支細帳申省部擺筭理豁續寶祐五年十二月空日準尚書省劄子節文沿海制置大使司申去去今本司見蒐補卒乘招填定海積年闕額水軍所急者錢糧擬照沿江諸閩例創置物斛官一員小貼子潛又照對定海水軍為額六千人舊例四千人係通判經總制司給餉二千人係慶元府給餉緣通判廳專以餉軍之錢為非泛之用其貪者則捲為囊橐大約通判一任入已

之錢不下三四十萬緡因此四千人軍額常
闕數百人上下蒙蔽所謂制臣亦未嘗過而
問焉天下之弊其可為哀痛類此久知此蠹
去冬即具申

朝廷乞將通判廳經總制一司錢物就本司
自行拘確招填闕額近已收刺將及四百人
皆沿海亡命之徒人人拳勇可用給等下錢
百千七事件衣裝一副每副該三十貫五十
五文一卒之費共一百三十貫五十五文皆
取之於經總制一司上不費

續志卷四

十一

新

朝廷科降下不費州郡那移雖月糧及春冬
衣賜取之慶元府本府所不敢靳然經總制
司錢物尚有贏餘可以通融補助月糧衣賜
之費但通判廳官吏昔奢今儉昔汚今清未
免仇視本司今來本司所以乞照沿江諸閩
例創置物斛官一員者正欲專一招確上項
錢物永為定海一軍隨闕隨拘之用其於海
道防拓關繫非小欲望

朝廷再賜割下本司永為遵守其慶元府及
通判廳更不許干預實為悠久利便併乞照

會十二月十九日奉

聖旨並特依

一每年申 省部出豁高額錢

朝省以紹興二十九年爲額歲拘四十一萬貫以後止赴到二十三萬有奇遞年以

省部印下書填收支季帳及戶部截撥收支

旁帖具申出豁

一諸縣窠名

歙縣

戶長役錢夏秋兩料每料九千四百四十

續示卷四

十三

是

三貫六百八十二文錢會

小溪酒坊生煮酒錢年管一千五百一十

二貫五百四文錢會

一半元係本坊解發寶祐六年正月

鮎崎酒務申請作子店年解

七千四十一貫六百文十七

界

一半係建舉坊店戶送納

林村酒務舊額月取六十貫錢會今月撥

一百四十一貫四百八十文十

七界

下莊酒務年管四百五十五貫七百文錢
會元係財賦司拘納今撥歸經
總制司却於諸項酒息錢內年
撥八千六百貫文十七界

本縣豐樂鄉頭子錢夏秋兩料各一十四
貫一百四十四文

承廳武康鄉頭子錢夏秋兩料各一十六
貫九百一十三文錢會

簿廳武康鄉頭子錢夏秋兩料各七貫五

續志卷四

十三

百六十文

尉司手界鄉頭子錢年管三百六十貫錢
會

奉化縣

承廳戶長免役錢共管七千八百六十七
貫四十文錢會

稅場錢年管四百三十四貫二百二十八
文錢會月分解發不等

慈溪縣

本縣戶長錢四千八百貫文錢會

稅場錢年管七百二十貫文錢會

象山縣

簿廳戶長免役錢年管二千一百七十一

貫三百二十八文錢會

酒務

生酒錢三百一十貫一百四十文錢會

煮酒錢二百七十五貫三百四十六文

錢會

昌國縣

本縣省司錢年管一百二十二貫三百四

續志卷四

十四

源

十文錢會

丞廳

戶長錢年管一百三十一貫四百六十

四文錢會

免役錢年管七百七十二貫八百二十

四文錢會

定海縣

本縣考廊錢月取一百二十文

林村六分錢月取九百二十文

丞廳戶長錢二千三百五十七貫九百一

十四文

稅場錢年管一萬三千七十七貫六百二

十四文錢會

一諸縣合發本司隨母頭子錢各照則例隨解發多寡計算在府倉庫每月分撥錢亦同

一每年本府科撥錢

生酒錢一萬六千一百六十九貫五百六

十二文十八界

煮酒錢一萬三千二百貫文十八界

續志卷四

十七

祐

省務本色煮酒三千三百九十五瓶各三

升照時價計錢二千七百一十

六貫五百四十七文十八界

助軍錢三萬貫文十七界

市舶務對兌錢

舊文軍券多闕見錢市舶務高麗日本及蕃南販船

遇抽解拘到一半五分見錢內許本司將十八界會子對兌見錢五分之二係用一貫新會兌一貫見錢湊散軍券自經總制司撥歸制司未曾對兌奉鈞判照舊例對兌一半

一每年令項科截縮六千二百疋綿一萬三百

五兩四錢轉變價錢湊發綱運

軍券支遣

鄞縣絹一千五百疋綿一千四百兩

定海縣絹九百疋綿七百五兩四錢

昌國縣絹一千八百疋綿五千二百兩

慈溪縣絹七百疋綿五百兩

奉化縣絹一千三百疋綿二千五百兩

象山縣不曾科

興復經總制諸酒務坊場

渡附

一奉化酒務元係本府給米麴本於內歲解經總制司額錢後改爲萬戶徑取淨息生煮酒

續志卷四

十六

茹

年取二千三百貫有奇寶祐六年六月以白劉子陳請酒司與行頭均敷酒息重爲民擾乞仍舊貫立官務遂給八千貫起造務屋仍撥本錢四萬貫并造麴用夫工飯米三十碩興復措置每月發錢二百三十貫九百八十字十八界

一慈溪酒務元係本府給本於內歲解經總制司生煮酒額錢二千二百貫有奇嘉熙間風水之變務屋頽毀遂令拍戶抱賣取淨息久而私酤行額失其半拍戶屢詞乞復舊務遂

重建務屋給本九千貫十八界自淳祐五年九月為始月取息二百一十六貫六百八十八文十八界

一象山酒務寶祐五年三月據象山知縣劉子乞本府差官措置本縣酒政遂撥錢二萬貫委官下縣措置全年息錢七萬貫候解到年撥二萬貫下廣惠院

一翁山酒坊管下子坊一十五所元係民戶抱納通判東廳額錢嘉熙四年因府第攘奪白泉子坊遂改坊為萬戶任從民間醞造却將

續志卷四

十七

七

額錢攤抑一縣有物力之家續額錢無歸民戶被害遂有坊場改萬戶貧富齊受苦之謠詞訟紛紛制司曾申戶部久而未復寶祐四年沈修武等曾進狀乞抱坊備本酤賣續又經制府陳乞借本興復年納淨息三十萬貫蒙

大使丞相吳公申省照應仍於經總制司借撥十萬貫其所抱三十萬貫與減六萬貫分作十二箇月起解五年四月申省奉

聖旨特依續將收到息錢每年支撥下郡庠

充養士廚食錢水軍制領將佐供給錢新創
諸屯水軍及出海巡遠探望把港軍士生券
本府六局衙番鹽菜錢數見砂岸奏劄

翁山坊月納三千一百二十四貫七百三
十六文

翁浦坊月納五百三十二貫五百一十二
文

黃公坊月納一百七十七貫五百四文
厲舉坊月納七百一十貫一十六文
峯江坊月納一千六十五貫二十四文

續志卷四

十八

至道

大蘆坊月納七百一十貫一十六文
冊子坊月納二百六十六貫二百五十六
文

北界坊月納一千一百五十三貫七百七
十六文

崑斗坊月納一百七十七貫五百四文
岱山坊月納六百二十一貫二百六十四
文

白泉坊月納三百一十貫六百三十二文
馬秦坊月納三百五十五貫八文

小砂坊月納四百八十八貫一百三十六

文

防海坊月納七百一十貫一十六文

大小榭酒坊寶祐六年撥錢二萬貫差人

措置開酤月解息錢無定額

定海縣澥浦坊寶祐六年十月據蔣副尉

狀乞就府庫關本錢一萬貫措置

開酤年解淨息二萬貫其常平糴

本司錢自經通判廳送納本司遂

就經總制司庫撥本錢二千貫十

續志卷四

九

李道

八界月拘息一千六百七十貫十

七界

五鄉硨酒庫舊來冷月解息五千一百貫

小盡減一日熱月七千八百貫寶

祐六年十二月劄鄭議事措置月

解四千貫仍給本一萬貫元年正

月又於莆陳石湫各置子庫一所

每庫請本錢五百貫月增解息錢

五百貫

大嵩等八坊寶祐六年十月通判盧奉議

申任輕職薄縣道不相體察上臺
絡繹追逮官吏乞索上常平司坊
場就制司併行措置遂委薛修武
措置關請官本二萬貫下大嵩坊
外自餘七坊不願請本仍抱納息錢
大嵩坊年納息錢三萬貫

韓嶺坊年納息錢九千三百九十一貫

六百八十文

館江坊年納息錢一萬七千貫

富浦坊年納息錢一萬六千貫

續三卷四

十

并

慈輿坊年納息錢一萬六千五百貫

下水坊年納息錢一萬七千貫

鹽場坊年納息錢一萬八千貫

東宿坊年納息錢四萬三千貫常平司

并本府版帳錢在內

已上八坊常平司正名五分糶本司

四分錢本府六分版帳錢並在內

象山縣東溪坊元本府額錢七十五貫汪

湘增作二十九貫六百文錢會抱

撲當年續據厲必達於本府額錢

增作四十貫六百元又增抱每年
息錢作六千貫攙抱及給榜曆後
更無分文交納汪湘陳乞仍舊抱
撲財賦官書擬息錢照厲必達增
抱數其本府六分錢仍舊作二十
九貫六百元奉 鈞判照行仍將
六千貫與減二千貫少懲厲必達
之妄

奉化縣江口南渡坊開慶元年三月汪籌
抱撲除常平司正名錢外年解息

錢二萬貫

慈溪縣郭宅坊久廢僅存坊基村民布麥
其上坊戶拖欠每年止納常平正
名四五分錢年管一百五十二貫
五百八十文錢會月納大使府錢
三十九貫九百六十文錢會率是
拖欠開慶元年三月本縣申乞併
入縣務止就坊界內創兩都店年

解息錢

象山縣姜嶼渡年納官錢二百貫文錢會

係開慶元年三月增抱

東湟坊八十八戶抱店庾富總納每月息

錢一千五百貫

蠲放一分酒錢

開慶元年五月二十二日奉

鈞判批銀牌兩司見行祈晴今有寬恤事件
數內制司興復常平酒坊應人戶抱納額錢
成年課利並與十分減免一分其抱坊人亦
合於拍戶遞減以示優恤今具諸坊減免數
目下項

續卷第四

三三

華

翁山坊減免三千二百一十三貫一百文

翁浦坊減免一千五百二十貫九百八十

文

黃公坊減免五百六貫九百九十五文

厲壘坊減免二千二十七貫九百八十文

岑江坊減免三千四十一貫九百七十文

大蘆坊減免二千二十七貫九百八十文

冊子坊減免七百六十貫四百九十二文

北界坊減免三千二百九十五貫四百六

十八文

崑斗坊減免五百六貫九百九十五文

岱山坊減免一千七百七十四貫四百八

十文

白泉坊減免八百八十七貫二百四十一

文

馬秦坊減免一千一十三貫九百九文

小砂坊減免一千三百九十四貫二百一

十六文

防海坊減免二千二十七貫四百八十文

烈港坊減免四千四百三貫五百九十二

續文卷四

三十三

辛

文

大嵩坊減免三千貫文

韓嶺坊減免一千二百貫文

館江坊減免一千七百貫文

慈輿坊減免一千六百五十貫文

富浦坊減免一千七百貫文

下水坊減免二千七百貫文

鹽場坊減免一千八百貫文

東宿坊減免四千三百貫文

江口南渡坊減免二千貫文

解浦坊減免二千貫文
東湊坊減免四百貫文
東湊坊減免一千八十貫文
大小榷酒庫無定額



續志卷四

五

大小榷酒庫無定額
東湊坊減免一千八十貫文
東湊坊減免四百貫文
東湊坊減免一千八十貫文
東湊坊減免四百貫文

廣惠院

皇朝以仁立國凡惻獨廢疾皆有養

大使丞相吳公九更藩閩所至必創廣惠院以活窮民寶祐四年秋九月繇舊弼來判軍府事越明年春正月即省務舊址創院屋一百五間合城內外六廂瘵寡孤獨瘖聾跛躄者廩於斯額以三百人視年之老穉為給之多寡請於朝撥淘湖米千碩郡又增置田租且歲撥錢四萬緡充費錢為緡餘七萬八千米為斛餘二千二百若泉若牟悉且此歲

續志卷四

又二十四

四

所入之凡也於綱解常賦無與是歲冬十一月準省劄奉

御批令天下諸州建慈幼局必使道路無啼飢之童務要民被實惠公前所行蓋與聖心默契矣規式井然載諸碣石可攷

記

恭惟本朝聖聖相承深仁厚澤滲漉宇宙肆我

主上嗣無疆大歷服仁培而愈厚澤濬而愈深用能延洪有

宋億萬年之基雖遭時之難三邊用兵久不解甲而本根不搖其所扶持憑藉遠矣潛服勞中外歲垂三紀事

主上取久熟知德意志慮無宵旰不在赤子故鞠躬受任符節者十二三惟以撫摩愛養爲主忱不敢鄙夷其民而於窮苦廢疾者尤不敢忽也且自古言治莫盛於帝王其在堯舜則曰不虐無告不廢困窮在禹則曰子視天下愚夫愚婦一能勝子在湯則曰子惠困窮在文王則曰懷保小民惠鮮鰥寡在武王

則曰無虐瑩獨在成王則曰其不能誠于小民又曰以小民受天永命帝王治法之綱領蓋具於此而豈高明威富去乎哉四明爲浙左大都會城邑井市人物阜繁則夫鰥寡孤獨與瘖聾跛躄之民宜不能免焉自強大之家豪奴黠隸極智術以牟利而齊民之生理日迫蹙以至于竭齊民困則窮民益困於是鰥寡孤獨瘖聾跛躄之民得其生者鮮矣自淳祐初柄國者立爲厲禁常平義廩之儲有司不得擅發凡窮民遇歲晏始一濟所濟者

狹而受濟者寡於是鰥寡孤獨瘖聾跛躄之
民得其養者又鮮矣此固長民之官所當視
猶飢渴者也屬初莅郡徧核浮淫之蠹併省
酒務得弊屋一區亟加繕葺且增創新楹合
前後共一百五間聚城內外鰥寡孤獨瘖聾
跛躄之將溝壑者使居焉以三百人爲額大
口月給米六斗錢十千中口四斗七千小口
三斗五千所費皆不取於郡之經常庶幾其
可以久也前輩有言士大夫苟有意於及物
由一命以上皆可行志天下安有不可爲之

郡哉爲之者疾用之者舒正辭明義禁民爲
非毋以寵賂相尚毋以脂膏自肥而又能窒
罅漏而杜蔽欺則財常足矣以餘財而及民
物詎非行志中之一樂哉或曰城邑市井之
民固幸矣如田里何迺復捐羨錢一百四十
七萬三千八百五十五貫文預爲六縣人戶
代輸寶祐六年折帛以寬布縷之征做補助
之義焉若本院田畝之數金穀之入規畫之
詳具刻左方後之君子其相與附益之以克
廣

聖天子德意志慮於無窮去寶祐五年良月朔觀文殿大學士光祿大夫沿海制置大使判慶元軍府事兼管內勸農使金陵郡開國公食邑五千八百戶食實封壹阡陸伯戶吳潛記

規式

照得諸路州郡皆有養濟院以處鰥寡孤獨瘖聾跛躄無所依倚之人雖常平法有養濟錢米自

朝廷拘確義倉州縣不許擅行支移而鰥寡

孤獨瘖聾跛躄之人每隆冬盛寒止支給三月而已然亦不能徧及此郡乃浙左雄邦人民繁庶有餘之家率務豐殖於是富者曰富貧者曰貧而所謂鰥寡孤獨瘖聾跛躄之人益無生活之路按圖志郡舊有養濟院一區特不過矮屋三數間今轉為馬廐不惟實亡名亦亡矣昨以省務酒額併歸公庫屋宇空閑遂行修葺改為廣惠院存留此等無歸着不能自存之人仍撥田畝以充養贍專委官提督欲使寒不致凍饑不致餒老者以待其

盡少者以俟其長庶幾壽夭不致橫亡其間
寧無很暴不可禁止者每五十人置一甲頭
且以三百人為率總為六甲專募一行者以
供灑掃之職仍總以六甲之權今條劃約束
如后

一凡有藝業自能手趁曾經過犯不律之
人並不許存留如覺察得知一例
坐罪

一或有不思凍餒之無歸一時飽暖恃長
凌幼恃強凌弱攪眾敗羣者仰管

續志卷四

三六

籍

院行者指名從公申舉輕則從提
督官戒約重則解府逐出永不存
留

一每一大口月給米六斗錢一十貫一小

口五歲以上月給米三斗錢五貫
十歲以上月給米四斗錢七貫
從大口給

一每甲擇稍強壯者充火頭量增日給如
或偷竊滅剋即時申舉從提督官
解府斷逐仰甲頭行者嚴行監董
一監董行者能自勤謹仰提督官會計度

牒之直以三年爲限每月於見管錢內令項撥樁若干待及三年收買度牒付其披剝披剝後願留則留不願留則別踏逐人管幹所有度牒錢亦照前例撥樁庶可責其公心幹置

一甲頭責其鈐束火頭責其造辦飯食於日給之外每名貼支錢五百文

一所給之錢專充收買薪菜鹽醬之屬冬月不許各人偷犯炭火有妨造辦

續志卷四

二十九

積

每日酉牌打滅廚下火種不許存留引惹風燭

一糞土仰甲頭五日一次出賣候賣到錢均給諸房油火有餘則樁積一處逐旋收買布草夏則造爲罩子冬則添買綿絮造爲布被或買紙被計口分給其有故不愛惜爭奪損壞者量拘日給之錢修整

一管院行者月支食米一碩鹽菜錢十五

貫文

田租總數

一每歲管收租米二千三百三十六碩五斗

二升七合

水田一千七百三十九畝二角四步三尺

四寸五分收租米二千一百六

十六碩五斗八合

湖田一百七十八畝二角六步收租米九

十七碩一斗一升九合

塗田六十九畝三角四十二步收租米七

十二碩九斗

續志卷四

三十一

廣

鄞縣

水田三百六十九畝一角五十三

步內連地三十六畝收租米

四百八十一碩五斗一升八

合五酌

湖田一百七十八畝二角六步收

租米九十七碩一斗一升九

合

淘湖田八百五十二畝四十四步

收租米一千碩

定海縣

水田二百九十二畝二角四十八

步一尺七寸內連地一收租

米三百六十四碩七斗八升

三合

慈溪縣

水田七十一畝二十步半收租米

九十七碩七斗九升

奉化縣

水田一百一十五畝一角四十步

續元卷四

三

廣

收租米一百五十五碩四斗

三升六合五酌

塗田六十九畝三角四十二步收

租米七十二碩九斗

象山縣

水田一十四畝三角三步半一尺

七寸五分收租米一十六碩

三斗三升

昌國縣

水田二十三畝三角一十五步并

錢總
每歲管收
岑江寨基收租米五十碩六斗五分

省錢三貫一百一十文并一貫文
錢會

拘到山田地屋宇共收租錢

地六十二畝一十一步二尺四寸收租

錢五十八貫七百文

續志卷四

三十三

春

二分六合五

塗田六十九畝三角四十二步收

租米七十二碩九斗

象山縣

水田二十四畝三角二分半一尺

昌國縣十五丈

水田畝栽黍黍外餘米五千餘石

錢總數

一每歲管收官會七萬六千四百五貫一百

四十二文十七界

見錢九十六貫二百文足

省錢三貫一百一十文并一貫文
錢會

拘到山田地屋宇共收租錢

地六十二畝一十一步二尺四寸收租

錢五十八貫七百文足

闕安國租錢在

內官會六百五十五貫文十七

續志卷四

三十三

錢

界并錢會一貫文

山七十七畝一十步

內連地二角

收租錢一

十貫一百五十五文足官會一百

五十貫文十七界

田一千三百六十二畝三十一步收租

錢一萬七千四百八十二貫三

百四十二文十七界

屋及地基一十二所收租賃錢一十四

貫五百文足官會二千三百八

十二貫八百文十七界省錢三

貫一百一十文

象山縣抱解沃希崇道士租課錢一

十二貫八百五十文足官會七

百三十五貫文十七界

都稅院合千人納免專知重難錢一

萬五千貫文十七界

本府支撥錢四萬貫文十七界

象山酒務二萬貫文
東門酒庫二萬貫文

租麻皮總數

地三十四畝二十六步內連田一畝
一角三十九

續志卷四

三四

文

步收租麻皮四百一十二斤九

兩足秤

租麥總數

地一十四畝二十三步一尺五寸收

租麥七碩百合斗

鄞縣

朱明田六畝三角一十四步租米一

十碩

薛德廣田一十二畝三角二十七步

租米一十五碩四斗

朱氏田一十二畝一十一步地一角
二十一歩租米一十七碩四斗
四升

王逢龍田二十一畝一角五十一歩
租米三十碩七斗

李之秀田一十畝二十八歩半租米
一十三碩七斗六升八合

錢王兩宅田六十七畝一角租米九
十二碩一斗七升八合七酌

繆良田五畝三角二十四歩租米五

續志卷四

三十五

塹

碩八斗五升

咎大猷田一畝八歩地一片計一畝

三角五十一歩租米四碩九斗

五升

湯汝敬田四十三畝三角七歩地三

角四歩租米六十五碩

僧行端田九畝一角五十一歩半租

米一十二碩三斗五升

僧行林田一畝一角一十三歩租米

六斗五升

史縣丞田一十一畝三角一十七步
租米一十三碩九斗二升七合
八酌

馬式田一十畝一角五十九步租米
一十三碩四斗五升五合

陳萃田一百九十五畝二角四十七
步半共上正租并花利租米一
百二十七碩六斗五升七合八
酌

水田五十三畝三角八步半租米

六十一碩四斗一升一合八酌
湖田一百四十一畝三角三十九
步租米六十六碩二斗四升六
合

潘得六田一十四畝一角四十五步
半地一畝三角一十三步半租
米二十二碩三斗一升七合五
酌

王英田一十三畝二十四步及地一
角四十步租米一十三碩七斗

六合

蔣鄉貢田五畝二角租米六碩二斗

四升

陳安國湖田七畝正租并花租共八

碩五斗六升

湯耜湖田一十一畝二角六步花租

米五碩三斗一升三合

陳子諶湖田一十八畝二十一歩租

米一十七碩

僧善皎田二十一畝三角五十七步

續志卷四

三十七

租

半租米三十碩二斗二升九合

四酌

徐渭老虞埏田七畝一十七歩租米

九碩七斗二升

周氏田三畝三角三十九歩租米六

碩六斗二升二合

張慶三田二十八畝二角五十二歩

地一畝一角二十九歩又地一

片租米三十五碩六斗二合三

酌

史厲兩宅分租砂地一十七畝一角
五十六步一寸五分係史通判
幹人沈文兩名分租共納租錢
三百五十貫文十七界

八字橋接待庵基三角租錢四貫五
百文足

李耀地五畝一角二十八步租錢一
十二貫文足

張慶三地三畝五十五步租錢四貫
八百文足

趙永租地一片計一角五十六步租
錢六百貫文十七界

趙端租地一片橫闊一丈二尺深六
丈年納租錢三貫一百一十文
七十七陌

鄭文租地一片計一角一十一步二
尺六寸日納賃錢三貫二百文
十七界年約一千一百三十二
貫八百文十七界

朱諒租賃本院前水步東樓屋一間

租賃錢一百貫文十七界

陳青租賃本院前水步上樓一間租賃錢一百貫文十七界

董輝租賃本院西挾屋一間租賃錢一百五十貫文十七界

張松租賃屋二間租賃錢一百五十貫文十七界

阿顧租賃本院浴院後屋一間租賃錢一百五十貫文十七界

林巡檢屋一間直又舊屋二間并道

續志卷四

三十九

茂

頭安船淤坑厠兩眼連地屋柱為界東西量計五丈南北量計一十丈租賃錢九貫文足

周復孫砂地二十六畝一角四十八步租麻皮二百九十八斤九兩足秤

任允詳砂地一十一畝九步其地被水衝作溪灘實有地三畝租麻皮四十八斤足秤

僧行林田一畝一角三十九步地一

畝三角二十一步租麻皮四十
三斤足秤

張慶三地一角四十三步租麻皮八
斤

定海縣

僧姚元聰田一十畝二十八步租米
一十一碩

李氏田三畝地一角二十步租米三
碩五斗

龔明田五十六畝三角四十七步租

續志卷四

甲

辰

米七十二碩五斗一升五合

黃榮田六畝三角五十四步租米六
碩五斗

靈巖義役莊田三十五畝三十九步
半租米四十九碩五斗六升

樓圭田五畝三角零租米八碩五斗
八升

張一飛田四畝一角四十六步租米
六碩六斗九升五合

求煥田五畝一角四十六步半租米

四碩六斗八升

林暉田五十二畝三角租米六十三

碩六斗六升

吳宗田一畝三角租米一碩八升

韓文才田一十二畝三角二十七步

租米一十一碩五斗八升三合

阿盧田一畝半租米一碩三斗

王珽田六畝二角租米一十碩七斗

五升

僧祖淨崇玟田二十七畝一角二十

續志卷四

四十一

華

七步半租米三十七碩八斗七

升五合

王佑田二十二畝一角五十九步半

一尺七寸租米二十九碩五升

五合

王與直田一十三畝二角租米一十

七碩五斗五升

滕錯田二十五畝三角一十三步租

米二十七碩九斗

方安瑀山一片計三十九畝租錢七

貫五百文足

黃榮地一畝二角三十三步租錢一

貫七百文足又五貫文十七界

定海淘湖田計二十六畝三角一步

租米五十三碩二斗五升六合

四酌五抄每碩折錢五十貫六

十七界計二千六百六十二貫

八百二十二文十七界係定海

縣抱催起解

定海舊海塘田一千九十畝一角每

此河

續志卷四

四十一

同

畝元納米三斗新海塘田二百

四十五畝三十步每畝元納米

二斗兩項共計一千三百三十

五畝一角三十步奉 鈞判合

納三斗者減免五升只納二斗

五升合納二斗者減免五升只

納一斗五升續奉 鈞判每碩

折錢四十八貫文仍以為定例

米計三百八碩七斗四升共折

錢一萬四千八百一十九貫五

百二十文十七界

奉化縣

王鋼田一畝三角三十步租米二碩
九斗二升五合

盧上舍田八畝三角一十三步半租
米七碩一斗五升

張檄之田五畝五十三步半租米六
碩五斗

常浦硯田三十二畝并竹塘地基租
米四十三碩一斗二升五合

續志卷四

四十三

周

僧善皎田七畝三角三十四步租米
一十三碩九斗三升七合

蔣文仲田二十二畝二角四十七步
租米三十五碩二斗三升

張汝弼塗田三十畝租米三十三碩
張慶三田三十六畝三角四十二步

租米四十六碩五斗六升九合
五酌

周大倫塗田三十九畝三角四十二
步租米三十九碩九斗

閩安國園地上有竹木等并內有油

車屋三間木椽瓦蓋租錢五貫

文足

袁起巖山五畝租錢一貫四百文足

應思鉉苔地一十八畝三角一十八

步租錢一貫文足

鍾秀實侵占奉化酒坊基二十六步

租錢三百貫文十七界

僧善皎地并新開田共七畝二十一

步半租錢二十四貫二百文足

續志卷四

四十四

春

張慶三地二畝一步租錢一貫文錢

會

張慶三地三角五十五步租麻皮一

十五斤足秤

僧善皎山三角租錢五百文足

慈溪縣

方怡田二畝二角四十四步租米三

碩七斗七分

顧友十九田五畝二步半租米六碩

五斗

張鐸田八畝三角七步租米一十碩
四斗紅白米各半

陳允璣田一十一畝三角三十步租
米一十六碩五斗五升

許千三田二十三畝三角五步租米
三十一碩五斗九升

璩閏三等租佃陳萃田六畝二角三
十四步租米七碩四斗

孫伯恭田九畝三角四十三步租米
一十七碩一斗六升

續云卷四

四十五

張氏兒田二畝一角三十五步租米
四碩四斗二升

羅濂地一畝二角租錢三貫五百文
足

阿陳桐竹山二十八畝係二片及地
二角上有草屋二間一舍租錢
一百五十貫文十七界

羅辛一等屋二間并基地半片計一
角三十步租錢二貫文足

象山縣

謝元五等租佃謝宗五等田四畝三角四十步一尺七寸五分租米

五碩三斗三分

朱榮伯田七畝三十二步租米六碩

五斗

僧子臯田二畝二角五十一步半租

米四碩五斗

沃希崇道士田二十六小坵并地一

小坵租穀二十九碩四斗及山地二十九項租錢一十二貫八

續志卷五

四十六

百五十文足不該畝步係象山

縣抱催起解內租穀每碩發錢

二十五貫計七百三十貫文十

七界

謝元五等地六畝一七一步半二尺二

十五分租錢一貫五百文足

謝元五屋一所計三間七架並係木

椽瓦蓋并地基計三角四尺四

步租錢三貫文足

謝得六屋一間一挾木椽瓦蓋地基

計一角三十四步五尺租錢五百文足

謝元五地四畝三角四十八步一尺

五寸租小麥二碩百合斗

謝元五等山三畝三角一十步租錢

七百五十文足

昌國縣

陳合田六畝八步租米六碩五斗

趙時舉田八畝五十二步租米八碩

四斗五升

續前米四

四七

朱千十一娘田四畝一十五步租米

四碩五斗五升

應璩孫田五畝二角租米七碩一斗

五升

岑江寨基租米二十四碩

陳合地九畝三十五步租小麥五碩

百合斗

兩獄

大使丞相判是邦也古鏡燭天奸宄削迹庭無
留訟獄無滯囚故囹圄時空虛然聞左右院
不葺者數十年廳戶老朽頽仆開慶元年六
月亟命修之易其老且朽者植其頽且仆者
䟽湫閉補罅漏俾縲紲者可免疾疫矣兩院
總費錢一萬八千四百八十九貫一百五十
文米四十四碩六斗九升七月七日司理陳
利用浚井於獄廊得石碑一乃紹興二十九
年六月僧智耳可久鑄梵呪以納於井泉本
寒冽自出此碑井遽苦不可汲復投之泉甘
如初亦怪矣哉因附書之

廂院

本府舊無廂院附之牢城然牢城古之圜土囚
有濱死而獲宥者則繫於是不得與齊民齒
齊民有訟于有司兩造未備無親若故可保
識則寄之廂以防寬逸乃與城旦之囚伍雜
處穢汗間斃於疫豈

國家愛民意哉寶祐四年九月

大使丞相吳公始至惻然矜之委僚吏即醋

庫舊址初建廂院爲屋凡
楹外植垣墻
內列戶牖男女異室如民居然且擇老成吏
卒廩以粟俾幾其出入云

兵馬司

開慶元年七月

大使丞相既修兩獄因念牢城楨圯尤甚乃
撥錢四千五百七十五貫二百文米八碩六
斗八升併爲葺治囚者便焉

十州縣官合囚者對帝
本朝建國初正南之士正貴生民大宋不願本
夫類丞相建都兩獄因念牢城楨圯尤甚乃
開慶元年七月有司兩造未備無親若故可憐
誠則守其無同防實逸乃與城旦之囚伍雜
奉憲心與對發其出入云
因彼兵備民文屢至時月各然且對夫治吏
車警城神表師刻爲器


架閣庫樓

樓在設廳之東西廡案牘充棟山積歲久弗葺
淋炙日甚

大使丞相謂兩司文書官藉以改舊比委之
類簷敗閣以便去籍者之姦可乎開慶元年
七月更而新之總二十有六間其擇材鉅其
用工精書皮上分吏舍下列自今插架整整
圖籍之儲得其所矣凡費錢三萬一百一十
一貫三百文米七十碩一斗

用玉書... 三萬一百一十
十月更而得之... 二十有六間其擇材鉅其
工費... 閣心... 去籍者之姦... 可乎開慶元年
大射... 兩司文書官藉以改舊比委之
林... 日甚

對... 東西廡案牘充棟山積歲久弗葺



〔開慶〕四明續志

三

四明續志

卷五
卷六

四明續志卷第五

新建諸寨

夜飛山永平寨

介明粵之間有山曰夜飛東距慈溪西接餘姚舟行之衝也大江派分一支繇慈溪至丈亭四十五里江面狹而居民稠丈亭十五里而蜀山又五里而夜飛山又十里而咸池則閒無聚落蒲葦之儔於焉出沒輔以逋藪過者病焉先是鄉民告于郡欲自大江之北慈溪西亭浚橫經運河迂道夜飛山後出餘姚之

續志本立

集

桐下湖以避江行大府俾制幙趙若埜泣其事且咨之里父老相厥宜以度上功至則淤沙斷巷知必為畚鍤費且曲折迂迴亦匪利涉既而得淳熙間慈溪尉趙汝明墨刻載

制帥參政范公

成大

嘗於其地置邏舍十所

籍丁壯四百舟六十舍以三人直夜邏然更迭煩擾久竟廢於是

制置大使丞相吳公精思熟籌惟民是便市地創寨為屋二十餘楹遣戍置屯為軍五十輩統以偏校餉以生券給以軍艦漁戶之瀕

江者有籍漁舟之助巡者有番守衛專而行
旅無斂攘之虞規模定而里社無煩苛之擾
一洗前人簡陋之弊可以為悠久無窮之利
矣

一寨基

買徐再七徐再二元買應以敬應宥詵

水田二畝一角二十七步

一寨屋

門三間

廳三間

堂三間

中亭一間

廊房十二間

廚屋四間

續志卷三

二

九

制府撥錢三千貫令兩都義役主事
起造毫髮不許科擾仍支錢二百五
十貫做造床榻什物以開慶元年三
月十七日入寨寨以永平為名

一軍兵

定海水軍每季輪差五十名仍撥為光
化字號戰船三隻以將佐一員

轄之

一軍兵生券

每名月添支米七斗五升錢一十貫歲

計米四百五十石錢六千貫文
並係制府創支

一巡船

八都共團結漁戶船四百二十八隻每
夜輪五船巡邏置牌五面就丈
亭咸池兩處置局夜潮生則自
丈亭局請牌發船次早納牌於
咸池局夜潮落則自咸池局請
牌次早納牌於丈亭局仍免官
司諸色差科大槩一季僅當一
夜巡警之勞却可免州縣不時
之役

向頭寨

中興駐驛錢塘恃險為衛然所以為衛者不于
天子其人於是平江有許浦水軍嘉興有澈
浦水軍慶元有定海水軍皆創自

先朝者也

大使丞相吳公守嘉興日又創金山水軍為
澈浦外拓今以舊弼建大閘于鄞網繆牖戶
益既乃心謂定海水軍防制倭麗則有餘弁

蔽京師則不足周爰咨詢有地名曰向頭近在定海之裏其面勢與金山相直南抵錢塘東接溫台西通蘇秀北達青齊海舟胥此焉出聞于

上即其地置屯又謂鳴鶴巡檢司距海二十里於警捕非宜併移戍其傍聯絡聲援京師左右前後之衛始益密矣廼委本司屬官趙若埜水軍統制邢子政踏逐地段起造兩寨共三百三十六間經始於寶祐六年之二月竣事於八月續因軍民之請以向頭三面鯨

波有泥塗二三里南與渭河接自渭河三四里始通外河居焉者陸運薪米以給日用勞且費今新寨成生聚益衆不宜使之負戴於道路復劄統領吳雄浚新河八百九十九丈築東西海塘自石頭山至瓜誓山九百七十四丈自贍軍庫至龍尾山四百八十丈偃豬有規原防有町舟楫流通咸便之凡一竹木之直一夫役之費尺地寸土之市易連營列竈之遷移官給錢各有差工匠雜色錢六萬二千五百六十二貫七百八十文米四百

一十石五斗九升二合五酌。雇夫輦運竹木錢七千貫。水軍寨兵般家錢一萬五百一十貫。兩寨基地交易錢一千三百一十貫。浚河築塘錢九千八百貫。

奏狀

臣聞防江海之險與防平陸之險不同。防平陸之險專以人力。防江海之險專以人謀。蓋賊雖有千艘萬艦。纜一開岸則為風水所使。散漫四出。決不能成。鯨合伴并力于我。我但得精卒三千人。堅好之舟三十隻。屯泊于賊所

高宗三

三

地

必經之地。一舟過則殺一舟。自可使之無復遺類。此機六韜三略之所不載。而前史往謀之所未詳也。臣竊惟自

中興南渡。立國錢塘。所以創許浦水軍于平江。創澈浦水軍于嘉興。創定海水軍于慶元。無非為京師左右前後門戶之防。但許浦枕揚子江。而置司去京師為遠。惟澈浦去京師為近。而不知澈浦之外。又有所謂金山。乃應于舟楫。所必經。從梢泊之地。臣二紀之前。假守嘉興。適逆全有窺海之意。臣遂具申

朝廷割招水軍千人于金山又爲澈浦之外
拓至今人以爲宜今定海水軍雖得控扼之
地然於防制倭麗則有餘而於遮護京師則
不足若曰山東之賊欲送死鯨波則自膠西
放洋遶淮東料角諸沙之外自有徑截洪道
直達前所謂嘉興之金山不必更放大洋不
測之淵而至定海也故曰定海之屯於防制
倭麗則有餘而於遮護京師則不足臣今體
訪定海之裏有地名曰向頭至錢塘江只一
潮汛乃應千舟楫所必經從上潭之處與嘉
興之金山亡以異而形勢則過之且有地可
以建寨有山可以藏舟臣所招剌闕額水軍
五百人人人必皆選士就彼屯駐設有緩急
則增兵占守可以萬舉萬全而京師有金湯
之固矣昔

高廟朝御史中丞沈與求嘗奏云議者皆欲
於向頭置屯使賊至此已是入吾腹心之地
蓋是時登萊海密尚與

本朝相聞而高麗亦羈縻未絕故或者猶有
不肯宴安江沱之意而與求之論所以欲向

外下工夫今時異事殊目所以舉此一節者
欲乞證向頭置屯

先朝諸臣固嘗言之非日之苟言也

營寨酒庫屋

一水軍分戍營共二百一間定海水軍分撥
一百五十名在下居止

門屋三間

天王堂三間

將官解舍廳堂軒屋等二十三間

寨後門屋一間 教場亭三間

軍房一百六十八間計二十八號每號

六間

一土軍移戍寨共一百二十九間鳴鶴巡檢
司移屯九十七名在下居止

門屋三間

天王堂三間

巡檢解舍廳軒堂屋等一十九間

寨後門一間 教場亭三間

軍房一百間計二十六號內二十二號

各四間四號各三間

一贍軍酒庫屋六間

營寨基地

趙萬二住草屋兩間兩厦及種麥四片三畝二角其地係官塗草蕩支般移錢五十貫種子錢三十貫

翁再十七六畝二角二十步支錢三百二十九貫一百七十文住瓦屋三間一厦支般移錢五十貫

翁再十四三畝二角四十八步支錢一百八十五貫住瓦屋五間一厦支般移錢五十貫

陳大琳二畝三十步支錢一百六貫二百

五十文

方千三一畝三角二十步支錢九十一貫六百七十文

戎九四一畝一角一十二步支錢六十五貫

虞四乙一畝三角支錢八十七貫五百文
姜萬五一畝一角二十步支錢六十六貫六百七十二文

翁左三三角支錢三十七貫五百文
虞從一一畝支錢五十貫

翁晉卿二角支錢二十五貫

翁千六官人翁千六三官人三畝一角支

錢一百六十二貫五百文

翁三十官人二畝支錢一百貫

九寨巡檢

沿海九寨曰鮎崎大嵩管界海內白峯岱山三
姑岑江螺頭寨官舊差軍班部吏任子軍無
政直棘門霸上之兒戲耳脫有緩急俾壯聲
援可乎寶祐五年七月
大使丞相請于

朝以九寨隸制司許從選辟紀律整嚴脉絡
融貫實軍政之一助

詳具奏篇

省劄

照對本司恭準樞密院劄子備奉

火字

續志卷五

十

源

宣諭指揮令本司條具海道事宜務在整覈
舟師訓習水軍繕治器械凡有緊切衝要去
處作急措置嚴為關防務要上下接連聲勢
聯絡常切探望往來巡遛以防出沒衝突無
或玩愒時日以致稍有疎虞本司恭稟繼即
行下定海水軍詳度利害逐一條具以憑施
行今據本軍申到事理粗為詳悉謹備錄在
前但其間尚有開柝未盡及合區處項日本
司謹具件劃奏申如后數內一項此邦沿海
凡九寨曰鮎崎大嵩管界海內白峯岱山三

姑岑江螺頭計土軍一千四百八十三人

朝廷初立本欲與定海水軍相為犄角肅清海道承平既久寨無可用之卒卒無可用之舟半是買闌半是占借教練不習擊刺不閑兼九寨巡檢多係軍班部吏任子並不諳所謂海道事宜目不曾接風濤足未嘗履海岸惟循常襲故培植自肥而已故此一千四百八十餘人之土軍徒費

國家錢糧衣賜無具其矣區區欲望

朝廷將九寨巡檢向去遇有滿替之人許從

右卷六十五

二

先

制司選辟曾從軍伍諳熟海道慣會船水之人充巡檢職事庶幾頭目之人以漸更易衆聽不驚而寨卒亦漸可訓齊教習以無用為有用仍遇有盜賊許令定海水軍主兵官會合調遣一應功賞並與水軍一體施行實為海道悠久利便右七月二十四日奉

聖旨依所乞將九寨巡檢遇滿替日本司自行選辟慣習海道曾經管軍人其土軍仍聽節制教閱劄送沿海制置大使司關牒施行

烽燧

烽燧列於荆淮百年矣義士目擊而痛心焉浙左股肱郡耳不金革烽燧奚為哉論者固為海道之防爾

指揮本末

寶祐六年秋九月準樞密院劄子勘會邊聲日急賊謀窺伺海道意向叵測所合嚴行措置已火速劄諳練海道主兵官相眎險要把截水路嚴密關防并劄許浦澈浦金山於本軍地分晝夜往來巡遶仍自金山以至徘徊

續志卷五

七

塔

頭竊立烽燧接連澈浦聲勢并劄本司行下定海水軍一體措置聯絡聲援遂專委官同統制按眎險要均布地界置立烽燧分為三路皆發軔於招寶山其在海洋者自招寶山至海道壁下山共十二鋪其抵向頭者自招寶山至沿海向頭寨共九鋪其達府城者自招寶山至沿江本府看教亭共五鋪鋪用兵五名合千人一名往來照管巡轄及招寶山一鋪增差合千人一名沿海以至向頭沿江以至府城亦如之鋪兵口券每半月一番支

給每夜發更時自着教亭 齎號火平安牌至
帳前傳入押教報覆蓋法當於奉國軍樓置
立一鋪相映以內郡耳目易駭遂從者教亭
密傳一牌竟遶轅帳而沿江沿海號火疾馳
觀者竦懾惟海洋十二鋪脫遇雲霧四塞日
不堪舉旗夜不堪舉火則以響砲為號具見
申省狀中茲不盡載云

一海洋自招寶山至石衙壁下山共十二

鋪

招寶山至烈港山一鋪

一名獵港

廣志卷五

三

坦

招寶山帶東北取烈港山約一
潮可到傍近雖有七里嶼鐵杵
山俱是小山每有風潮海浪皆
衝激而上不可置立烽燧若天
氣清明煙旗火號僅可相應或
遇海氣冥濛霧露遮蔽風雨晦
暝皆難應號

烈港山至五嶼山一鋪

烈港山有人煙西北取五嶼山
約一朝可到傍近別無以次山

嶼若天氣清明煙旗火號僅可
相應或遇海氣冥濛霧露濶蔽
風雨晦暝皆難應號

五嶼山至宜山一鋪

五嶼山無人煙東北取宜山約
一潮可到傍近別無以次山嶼
若天氣清明煙旗火號僅可相
應或遇海氣冥濛霧露濶蔽風
雨晦暝皆難應號

宜山至三姑山一鋪

續示卷五

十四

堪

宜山有人煙西北取三姑山約
兩潮可到傍近別無以次山嶼
緣相隔稍遠不問晴明陰晦煙
旗火號皆難相應

三姑山至下干山一鋪

三姑山有人煙東北取下干山
水路約一十五里若天氣清明
煙旗火號皆可相應或遇海氣
冥濛霧露濶蔽風雨晦暝皆難
應號

下干山至徐公山一鋪

下干山無人煙東北取徐公山約一潮可到傍近別無以次山嶼若天氣清明煙旗火號僅可相應或遇海氣冥濛霧露濛蔽風雨晦暝皆難應號

徐公山至鷄鳴山一鋪

徐公山有人煙帶西北取鷄鳴山約四潮可到傍近別無以次山嶼緣相去隔遠不問晴明陰

晦煙旗火號皆難相應

鷄鳴山至北沙山一鋪

鷄鳴山有人煙直東取北砂山隔一港煙旗火號皆可相應

北砂山至絡華山一鋪

北砂山有人煙直北取絡華山約一潮可到傍近別無以次山嶼若天氣清明煙旗火號僅可相應或遇海氣冥濛霧露濛蔽風雨晦暝皆難相應

絡華山至石衙山一鋪

絡華山東北取壁下山直西取石衙山皆有人煙風水順便半潮可到風水稍逆便用一潮傍近別無以次山嶼若天氣清明煙旗火號僅可相應或遇海氣冥濛霧露遮蔽風雨晦暝皆難應號

石衙山至壁下山一鋪

自石衙山東北以至西北別無

山嶼皆是深洋大海浩浩無垠

壁下山一鋪

一沿海自招寶山至向頭共九鋪

招寶山二十里至陶家酒店一鋪

陶家店約十八里至貝千念五家前一

鋪

貝千念五家前約二十餘里至澥浦山

正覺寺前一鋪

澥浦山頭約一十五里至沙角頭陳亞

三家前一鋪

沙角山頭約一十餘里至伏龍山尾徐
亞三家前一鋪

伏龍山尾約一十五餘里至施公山王
友二家前一鋪

施公山約一十八里至周家塘鹽場周
太家前一鋪

周家塘鹽場約二十里至下澤山頭林
太家前一鋪

下澤山頭約一十餘里至向頭山分戍
營外翁太家前一鋪

續志卷五

七

廣

向頭山分戍營一鋪

一沿江自招寶山至府城五鋪

招寶山約一十五里至石橋渡沈季二
太家前一鋪

石橋渡約一十五里至馬阻匯徐鹽戶
家前一鋪

馬阻匯約一十里至路林楊再八太家
前一鋪

路林約一十二里至白沙王太家前一
鋪

白沙約八里至本府着教亭一鋪

本府着教亭一鋪

申省狀

照對本司連準 密劄備奉

宣諭據白劄子內所陳海道事宜分爲上中下三屯將台溫明越四郡民船屯泊於岱山岑江三姑山烈港四處仍發定海水軍岑江三姑巡檢司土軍能弓弩手者敷攤逐處民船置烽燧水遞互相應援等事潛除已分委官屬親往各州同守臣鄉官從公集議將去

歲已行義船規約并將應干海舟團結外竊照潛素於四方山川江海水陸險要頗知大畧二年備數瀛閩尤得其詳凡海道當行事宜固已一一粗舉今者邊遽之急適當因任之初潛朝夕思惟幾忘寢食尤不敢以紙上具文塞責所有烽燧一事已檄上定海水軍統制指授圖冊令其將帶撥發壕寨合干人等親涉海島相度地勢日舉煙旗夜舉火號審試的實排比次第共烽燧二十六鋪自定海水軍招寶山至烈港山自烈港山至五嶼

山自五嶼山至宜山自宜山至三姑山自三姑山至下干山自下干山至徐公山自徐公山至鷄鳴山自鷄鳴山至北砂山自北砂山至絡華山自絡華山至石衙山自石衙山至壁下山此大海洋之中十二鋪也又自招寶山至陶家店自陶家店至貝念五家前自貝念五家前至澥浦山頭自澥浦山頭至沙角山頭自沙角山頭至伏龍山尾自伏龍山尾至施公山自施公山至周家塘自周家塘至下澤山頭自下澤山頭至新建向頭山水軍

土軍兩寨此自定海水軍至向頭山之九鋪也自招寶山至石橋渡自石橋渡至馬阻隄自馬阻隄至路林自路林至白沙自白沙至本府看教亭此自定海水軍至慶元府城下之五鋪也已一面造辦鋪屋分差鋪兵悉用邊淮規模措置經理矣所有分屯一事已照密劄差委本司添差制幹劉錫前往撞點各於戍所批曆爲照專俟三郡團結公定番次舟隻南自烏崎頭北自石衙中自三姑山至大七小七與夫神前礁巖馬跡胸山長塗岑

江岱山烈港及近準行下洋山等處分布擺
泊矣但烽燧雖當置而立烽燧於海洋之中
者不容不慮分屯雖當備而求分屯於海洋
之外者尤所當憂且長淮烽燧相隔十里此
舉彼應速於置郵今前所謂海洋十二鋪如
石衙壁下者孤立海中四無畔岸雲氣昏塞
風雨晦暝覲面之間猶無所覩而何以責其
號火之相應兼海寇切齒水軍今以數人置
之孤嶼脫有盜至直机上肉又往來經商之
舟常與賊舟混轂遇夜停泊亦是舉火今雜

然無別何以取證潛已為之區處遇旗煙號
火不可覩望之時則以舉砲為號是雲氣昏
塞不足以隔我之應號也至於每夜舉火為
號必以五起五落為準待彼相應方始住火
是商舟舉火不足以亂我之應號也它如孤
嶼數兵慮遭賊手則於海山諸處增其人數
選其膂力授之兵器使之可以相衛是盜賊
之患亦可無慮所謂立烽燧於海洋之中潛
固已悉為之處矣然置烽立屯規模措置與

近日

密劄坐下澈浦所置烽燧之處及許浦所申
隄防捍禦之處皆不過在吾境數百里海洋
之間而已迺若巨浸滔天茫茫無際目力之
所不接兵力之所不及固當防之於藩籬之
外如待其入吾腹心而圖之則晚矣且以賊
人自新舊海州入海言之則其所經由者有
三路所謂三路者賊欲侵擾淮東則自舊海
發舟直入贛口羊家寨迤邐轉料至青龍江
揚子江此裏洋也若欲送死浙江則自舊海
發舟直出海際緣贛口之東杜苗沙野沙外
沙姚劉諸沙以至徘徊頭金山澈浦此外洋
也若欲送死四明則外洋之外自舊海放舟
由新海界分東隄山之表望東行使復轉而
南直達昌國縣之石衙關畧然後經岱山岑
江三姑以至定海此大洋也凡此三洋其源
頭皆自新海東西隄山之表裏所謂防之於
藩籬之外者或其在此上下乎惟是潛職分
所在責在大洋所以擺布悉從定海而始但
目今軍分出戍既多在寨無幾又前此主兵
官不得其人如軍器之類無一旗一矢之藏

方此兩年旋為之備一番調遣又覺單虛潛自當極力趲補不敢縷陳私復惟念賊若不由大洋以窺定海則或轉料從裏洋而窺揚子江否則由外洋徑窺浙江其由轉料從裏洋而窺揚子江則有許浦水軍其由外洋而窺浙江則有澈浦金山水軍但轉料一說恐非敵人行軍之徑路蓋海商乘使巨艘滿載財本慮有大洋外洋風濤不測之危所以緣赴西北大岸尋覓洪道而行每於五六月間南風潮長四分行船至潮長九分即便拋泊

留此一分長潮以避砂淺此路每日止可行半潮期程以為保全財貨之計若賊舟窺伺叵測豈肯曠日持久迂回緩行使人知而避之此轉料從裏洋入揚子江一路潛以為決不出此然則稍減料角一帶之備而趲出三兩層增加東西隙上下一帶之備以遏其源頭夫亦可為愚者千慮之一乎若論二洋形勢則外洋尤緊此潛所以新置向頭一寨與金山澈浦相接實為

行朝密布第二重門戶蓋已在邊遽未急之

先矣并陳梗槩須至申者

探望

定海水軍舊例月差軍兵出洋其目有三曰三洋巡遼曰北事探望曰港口守把異時差卒不多率應故事不支口券俾就食本身月請居者需贍給行者仰資糧皇皇無所愬諉曰港口守把者去寨近更番歸哺不過勞勤而已若巡遼則自烈港轉蘇州大洋遠至許浦若探望則自神前等處遠至海驢礁脫阻風迴程不可期糧且乏絕何暇悉心 國事

續志卷五

三三

大使丞相分閩以來各項差兵倍撥人數且不問遠邇每兵令項月給生券錢七貫米七斗三項凡三百七十六人歲支錢三萬一千五百八十四貫文米三千一百五十八碩四斗皆於措置酒息錢及外郡糴到米內支撥士飽而歌人百其勇竭勞巡覈奸慝汛清三年之間滄溟晏然蒲葦不驚其利弘矣

四明續志卷第六

三郡隘船



明為左馮翊而州瀕於海疆波吐吞渺無津涯商船之往來於日本高麗虜舟之出沒於山東淮北撐表拓裏此為重鎮嘉熙間制置使司調明溫台三郡民船防定海戍淮東京口歲以為常而船之在籍者垂二十年或為風濤所壞或為盜賊所得名存實亡每按籍科調吏並緣不卹有無民苦之寶祐五年七月大使丞相吳公慨然曰人心固則天險固根本動搖奚恃無恐乃立為義船法白于

朝下之三郡令所部縣邑各選鄉之有材力者以主團結如一都歲調三舟而有舟者五六十家則眾辦六舟半以應命半以自食其利有餘貲俾蓄以備來歲用凡丈尺有則印烙有文調用有時井然著為成式且添置幹辦公事三員分泄其事三郡之民無科抑不均之害忻然以從船自一丈以上共三千八百三十三隻以下一萬五千四百五十四隻又下而不堪充軍需者或謂飄忽去來於滄

溟汗漫之中呼儔嘯侶亦得以貽吾憂併爲之印籍陰寓防閑公先事而慮銷患未形至是無遺筭矣

省劄

本司自嘉熙年間準

朝廷旨揮團結温台慶元三郡民船數千隻分爲十番歲起船三百餘隻前來定海把隘及分撥前去淮東鎮江戍守夫以百姓營生之舟而拘之使從征役已非人情之所樂使行之以公加之以不擾則民猶未爲大害柰

續心卷六

二

七

何所在邑宰非貪即昏受成吏手各縣有所謂海船案者恣行賣弄其家地富厚真有巨艘者非以賂囑胥吏隱免則假借形勢之家拘占惟貧而無力者則被科調其二十年前已籍之船或以遭風而損失或以被盜而陷沒或以無力修葺而低沉或以全身老朽而弊壞往往不與銷籍歲歲追呼以致典田賣產貨妻鬻子以應官司之命甚則弃捐鄉井而逃自經溝瀆而死其無賴者則流爲海寇每歲遇夏初則海船案已行檢舉不論大船

小船有船無船並行根括一次文移遍於村落乞取竭於雞犬環三郡二三十里之海隅民不堪命日不聊生待至起到舟隻則大抵舊弊破漏不及丈尺貢具則踈略梢火則脆弱亦姑以具文塞責而已民被實擾官虧實用且天險之防以人心為本而先使百姓憔悴根本動搖脫有緩急何恃而亡恐臣已結為義船法謂如一都每歲合發三舟而有船者五六十家則令五六十家自以事力厚薄辦船六隻船身必堅耐貢具必齊整梢火必

強壯歲發三舟而以三舟在家營生一歲所得之息則以充次年修船辦貢具招梢火之用立以程限守以信必每歲遇當把隘之日則如期駕發以至軍港聽候調遣於是有船者無倖免之理無船者無科抑之患永絕姦胥猾吏賣弄乞覓之苦永銷濱海居民破家蕩產之憂人心固則天險固三郡邊海之人莫不欣然聽從行將就緒實為海道無窮之

利

朝廷照得義船結約若果民戶樂從則速與

行下但船久則有損弊民戶它日寧無貧富
不齊須與入細立為經久不廢之規使官司
民戶兩便方可行

聖旨依劄送沿海制置大使司關牒施行

慶元府六縣共管船七千九百一十六隻

一丈以上一千七百二十八隻
一丈以下六千一百八十八隻

鄞縣六百二十四隻

一丈以上一百四十隻

一丈以下四百八十四隻

定海縣一千一百九十一隻

續志卷之六

四

五

一丈以上三百八十七隻

一丈以下八百單四隻

象山縣七百九十六隻

一丈以上一百二十八隻

一丈以下六百六十八隻

奉化縣一千六百九十九隻

一丈以上四百一十一隻

一丈以下一千二百八十八隻

慈溪縣二百八十二隻

一丈以上六十五隻

昌國縣三千三百二十四隻

一丈以下二百一十七隻

一丈以上五百九十七隻

一丈以下二千七百二十七隻

温州四縣共管船五千八十三隻

一丈以上一千九十九隻
一丈以下三千九百八十四隻

永嘉縣一千六百單六隻

一丈以上二百五十九隻

一丈以下一千三百四十七隻

平陽縣八百單九隻

續云卷下

五

平

一丈以上三百隻

一丈以下五百單九隻

樂清縣一千六百八十六隻

一丈以上三百七十一隻

一丈以下一千三百一十五隻

瑞安縣九百八十二隻

一丈以上一百六十九隻

一丈以下八百一十三隻

台州三縣共管船六千二百八十八隻

一丈以上一千單六隻
一丈以下五千二百八十二隻

寧海縣二千八百單九隻

一丈以上二百八十八隻

一丈以下二千五百二十一隻

臨海縣一千九百七十四隻

一丈以上五百五十二隻

一丈以下一千四百二十二隻

黃巖縣一千五百單五隻

一丈以上一百六十六隻

一丈以下一千三百三十九隻

一丈以下二千三百三十九隻

一丈以上一百六十六隻

黃巖縣一千五百單五隻

一丈以下一千四百二十二隻

一丈以上二百八十八隻

臨海縣一千九百七十四隻

一丈以下二千五百二十一隻

一丈以上二百八十八隻

寧海縣二千八百單九隻

出戍

祖宗時內而三衙外而諸指揮皆禁旅也

南渡初新置江上諸都統內不允三衙之數外不損諸指揮之額於是禁軍之在諸郡豢養驕侈坐糜厚稍而三衙乃間有出戍者大使丞相吳公深病之故凡出鎮藩閫每欲昭明此意及制置沿海三年無日不申倣之至寶祐六年

密院調遣之初諸郡至有相顧睥眄者獨慶元曾不移時如漢合節翕然報應了無稽違迨其還歸終始就律遂為諸郡之冠蓋公信義素著恩威兼行固有不疾而速不行而至者于今邊戍未撤甲兵之問日至廟堂是不可不詳紀以詔來者

寶祐六年八月準

密劄節文勘會近京湖沿江副制司之兵節次遣調戍廣戍蜀戍沅靖動數萬計竊恐沿江防守單弱權宜於內地禁軍量摘內慶元府選揀五百人時內郡紀綱積弛尺籍積驕弓矢干戈積廢不治獨慶元自

大使丞相吳公開藩以來撫御閱習紀律素嚴淬礪繕修器甲素備 命下不兩日點集遣發軍容整肅命計議洪易簡部之自越而昇見者莫不起色若軍裝則隊身衣甲五百副紅布衲襖五百領皮束帶五百條抓角頭巾五百頂雨傘五百柄鞦鞋五百輛若軍器則滴油箭一萬二千隻長鎗一百二十八條腰刀一百七十柄弩二百枝腰斧三百柄短鎗三十條麻札刀一十柄箭葫蘆一百二十筒油絹弩袋一百二十箇小陣鼓一十二面

鑼四面梆子四條若旗幟則慶元府將兵旗一面轉光旗三十面長鎗旗一百八十面攔前後旗二面擁隊押隊旗二十四面額外管押訓練肅靜旗三面令牌二面隊教頭旗一十面若火隊器具則鐵鍋六口水桶一十二隻羹桶一十二隻飯籬一十二隻飯升六隻爪籬木杓一十二副飯栲栳二百九十八箇撈米箕二十隻鋤頭一十二柄鍬一十二柄盛米布袋四十隻匾擔六十條麻彈索四十條此役也總轄官劉永搗三百貫攔前後將

官二員各一百貫本部將官二員每員各八十貫撥發訓練官五員每員各七十貫合干人七十七人每名各六十貫隊身官兵四百二十七名各五十貫外科軍醫一名一百貫方脈醫人一百貫扛令牌軍兵四名白直二名每名各二十貫帶行白直一十二名每名各一十五貫遣發次再奉 鈞旨出戍軍兵恐或病患支二千貫專充收贖藥餌續又發所差雇烏頭船二十隻乘載官兵衣甲軍器錢糧等物至西興每隻照例支雇錢一百

五十貫共三千貫又自北關門雇大航船二十隻至鎮江府每隻照例支雇錢五百貫共一萬貫其間出戍死亡之人奉 鈞判各家優支家糧五月併給春衣更支一百貫追薦津送續戍兵已滿一季又復存留再奉

鈞旨等第支攜共官會一萬三千九百三十五貫賚赴戍所至仲冬嚴寒

大使丞相深念采薇之戍必動鄉尊之恩專差將校賚官會五千五百四十五貫江蠶一千四十九箇郎君魚五百六十五斤石首鮫

五百六十五斤分犒戍所官兵總轄官劉永
三百貫部轄將佐二員各五十貫江蠶二箇
半石首燹二斤郎君魚二斤撥發官一員一
十五貫江蠶二箇半石首燹二斤郎君魚二
斤訓練官一十員各一十五貫江蠶二箇半
石首燹二斤郎君魚二斤押擁隊壕寨官至
諸項職掌人共三十九名各一十三貫江蠶
二箇半石首燹二斤郎君魚二斤官兵四百
五十九人各一十貫江蠶二箇石首燹一斤
郎君魚一斤職醫二人兩相交替共三貫江

蠶一箇石首燹二斤郎君魚二斤兵士激烈
恩遇以至感泣蓋說以使之忘其死矣開慶
元年四月二十日劉永自鄴回戍犒一千貫
酒一十瓶副部官董偉犒一百貫酒四瓶撥
發壕寨司屬訓練官擁押隊四十人各犒六
十貫酒六升錢糧火隊司押教諸色教頭二
十三人各犒五十貫酒五升隊教頭旗頭隊
司五十人各犒四十五貫酒三升隊身官兵
三百八十二人各支四十貫酒二升共計支
錢二萬三千六百八十貫酒四百三十七瓶

水閱

舟師東南長技自紹興二年沿海置司以來蒐練之術甚踈然用之懾伏海盜尚足爲當道之老熊也淳祐間始遣戍上流而兵備分於是委樓艦艘艦廢而不理而主兵者方日以培剋苞苴爲事

大使丞相加意團結瀕海諸郡既藉以增壯遂於三江合兵民船共閱之蛟龍在淵網罟不施東盡遠海一目無際公之意遠矣

寶祐六年十月十二日奉

續志卷六

十一

四

大使判府大觀文丞相樞使國公批牌鈞判朝廷日嚴海道之防但調遣兵船猶不暇給內地豈容空虛又準

朝旨一面團結温台明越巨舟以助官司之所不及今差人抄割到自來商販上戶之家出等大船二十二隻送專行司只今差官拘點每船以五十人爲率每名本府月支錢五十貫米一石二斗上項船專留江下不時輪番下海巡遘以鎮壓鼠狗之盜限一日條具合行事件申未及奉行而船戶莫不響應各

以保護鄉井為心競出大舟分泊府岸於是
得大料船共二十四隻分為兩部又招募到
駕船水手一千二百人給口券養之自十月
朔為始至明年三月晦終焉首尾五月總支
錢二十五萬貫文自團結以至放散其間不
時激糶約十萬貫共用錢三十五萬貫文米
六千石其錢本司自行撙節措辦惟米無所
從出竊攷前權郡余通判元借

朝廷義倉米七千石見行拘監填補遂申

尚書省乞就此米應副水手支用十月二

十九日三省同奉

聖旨特依遂差本司計議官洪易簡充提督
帳前水軍統領充錢糧官并各支撥官錢鼎
造軍器旗號及水手軍裝亦用錢十餘萬緡
繼檄定海統制邢子政選駕軍船一十隻並
赴府港赤馬白鷄在焉以十二月三日

大使丞相就下卸門外江館按眎教閱先一
日雨徹旦翌曉晴霽迨午風起雲揚潮勢增
壯舟船上下旗幟精明砲擊檣衝觀者如堵
以為自有沿海制司所未見也復就委邢統

制統率上項軍民船於次日出海上至澈浦
下至神前石衙迤邐出放大洋巡遶至二十
三日自海回府仍擺府岸環海聞之肅懾已
申密院照會續以邊報未靖至四月中方
行放散水手頭目以下等第支犒約三萬緡
其民船二十三隻並令從便惟王紹祖一船
面闊三丈五尺元係獻助防海嘗申
朝廷奉省劄行下拘椿本司聽候
聖旨差撥

作院

除戎器戒不虞聚而有防也

大使丞相吳公旣建武藏以藏兵敕乃甲冑
敵乃干無敢不弔遂以慶元府甲仗庫帳前
庫應管軍器並改隸制置大使司院十有三
作曰大爐作曰小爐作曰穿聯作曰磨鏗作
曰磨擦結裹作曰頭魁作曰熟皮作曰頭魁
衣子作曰弓弩作曰箭作曰漆作曰木弩椿
作曰木鎗作曰役軍民匠

人軍匠日

支錢三百文米二升酒一升民匠一貫五百

續志卷六

市

歲

文諸軍子弟匠五百文米酒視軍匠之數以
民匠勞逸不均則下定海奉化鄞縣照籍輪
差每四十日一替起程錢各五貫回程十貫
繇是人皆樂赴其役軍需物料官給直無取
於民院有受給庫而又有子庫以受日造之
物凡創造到諸色軍器衣裝等物總十一萬
九千五百件繕修者不與焉鶴膝犀渠武庫
森列蓋百年之所未見孟明之言曰鄭有備
矣其斯之謂與訓工程作於寶祐六年之十
月迄開慶元年五月支過錢

鐵甲頭魁披膊壹阡伍伯單肆副
紅槍叁阡陸伯叁拾柒條

紅衲襖并腿裙壹阡副計貳阡件

黃布衫玖伯領

黃布軟纏伍伯肆拾伍領

紅布衫柒伯肆拾貳領

續卷六

十五

皮條壹阡壹伯陸拾肆條

頭巾伍伯單伍枚

吞項壹伯肆拾肆箇

雜色旗幟陸伯捌拾捌面

朱紅笠頭伍伯肆拾玖頂

黑漆筋角弩壹伯枝弦索全

黑漆筋角弓貳伯張弓絲弦壹百條

木弓壹伯張并弦

木弩叁伯枝弦索全

弓箭叁阡隻

白皮箭韞伍伯玖拾伍箇

滴油箭貳萬壹仟叁佰隻

滴油箭盪肆伯捌拾玖箇

遮箭牌叁拾面

雜色义肆伯貳拾管

雜色鎗壹伯柒拾柒條

梭木棒叁伯肆拾叁條

刀鞘捌伯捌拾玖箇

弩椿肆伯貳拾壹口

腰刀壹仟肆伯叁拾玖柄

續志卷六

十六

指

斧頭肆伯伍拾貳柄

雜色弓弩箭頭柒萬伍仟陸伯伍拾隻

划車弩椿伍拾捌口

木槍桿叁伯肆拾玖條

鎗鑽頭壹伯捌拾貳管

戰鼓壹拾肆面

陣鼓貳拾面

鑼壹拾肆面

皮馬甲壹副

黑漆光羹桶伍拾副

紅油水桶伍拾隻

紅油吊水桶貳拾伍隻

鐵鍋伍拾口

紅油飯箠伍拾隻

米斗貳拾隻

米升貳拾隻

飯升篋貳拾隻

瓜籬叁拾箇

船艙壹拾伍條

雨傘壹佰肆拾伍頂

續志卷六

隔箭布條肆片

武藏

武藏即甲仗庫也先是置於設廳前二廡之閣上下眎為文具歷三十年無一器一甲之增暇日閱之矢無鏃鎗無銚鼠穴蟲蠹積塵幾尺蓋作院之政不修悠悠汨汨狃於宴安其號為脩治者又不過困於科斂兵食諉其事於水軍而已

大使丞相九開藩閫所至繕甲治兵其來鄞也日討而申儆之未幾所積既富日贍月衍遂度地酒庫之北教場之南東阻郡圃西抵

子城為樓屋二十四間大門七間隨廊十間並棧之以閣櫺窻踈明半板半簷風日迥透而蒸醖不侵分為六庫庫各有目榜之曰武藏藏之為言藏也蓋公以文事必有武備又不欲暴之群目睽睽之所故欲人不得其門而入而藏諸此且世之玩愒時日懵不知修車馬備器械者固不足道至有經意於此者率皆表襮夸詡眎古人藏武不用者則又有逕庭公之備也豫而公之藏也密吁旨哉武藏大扁乃公所自題而所藏兵器舊既無管

今具載作院新造之目去

續志卷六

十九

今具揮刻碑誌目去

小教場

小教場舊志書射亭在九經堂後而限桃源洞於北每習射無以過憧憧往來開慶改元春庶政咸理乃遷舊圃於府堂後而取蒼雲臺之比為小教場然後自府堂而郡圃自郡圃而教場各適其便教場門不易舊而取徑以達則大人堂門在徑之東新桃源門在徑之西自大人堂接閱武廳為屋十三間以處士卒而前為節廡名類箭所教場之內東為閱武廳三間軒峙其下後居以室屏刻師卦西為霸王臺前棲鵠焉武藏之門實居其南教場東西相距五十五丈墻高一丈九尺視舊觀開廣明敞矣時帳前多江淮將校步驟其中意若矜壯焉

帳前撥發壕寨官舍

撥發以授師律壕寨以飭頓舍所在制府必先之蓋所以重元戎也沿海設垣左馮承平時議不及兵凡軍政皆相安簡陋而已

大使丞相建閫以來中權振厲武備修明部曲秩然分隸戲下迺即儀門外之東西創添撥發壕寨以次官舍十有八間凡器具無一不備於是油幢氣象益嚴肅焉

東廊

都撥發官房三間軒屋一間

續志卷六

三

正

撥發官房一間 撥發司房一間

押教房一間 教頭房一間

金鼓教頭房一間 雜職房一間

西廊

都壕寨官房三間軒屋一間

壕寨房一間 壕寨司一間

制司將佐房一間 局兵房一間



〔開慶〕四明續志

四

四
明
續
志

卷
七

馬
八

四明續志卷第七

排役

差役法肇於唐武德

本朝因之以九等定役上四等則充下五等則免

祖

宗優恤下戶之意槩可見矣自義役創於處之松陽天下多倣行之初意甚善歲久弊滋富民因以售利已害人之奸此朱文公四弊之奏亦歸之役首收田租排名次之不公也

續志卷七

一

辰

大使丞相吳公入相出藩凡田間利病民情隱微不啻燭照龜卜判慶元之明年目擊六邑義役之弊其間有使細民執充一日半日而田連阡陌者反得免公謂非

祖

宗意昭揭曉示分委僚屬覈物力之高下定征役之遠近或置莊率田或裒金鳩穀或雇募代役或隨月輪充一界七年周而復始守之堅如金石行之信如四時富者不得以不義害弱者遂爲邦民悠久無窮之利役籍藏

於郡邑詳且明此不復書

行移始末

寶祐五年十二月初三日奉

鈞判照對

國家差役之法最爲明備緣世降俗末人情
姦狡詭計橫生於是義役之說興焉本所以
救差役之弊不知義役乃所以大不義細民
受害更重於差役此天下之通患而其患未
有甚於慶元者大抵義役必有役首非各甲
上戶不能主役柰何只知利己更不恤人謂

如一甲之中有上戶二十家律以正差役法
及倍法自合輪流充應却與此二十家結爲
一黨派及下戶有勒充一月者半月者十日
者甚至有三日一日半日八分四分者不知
出何條令縣官惟胥吏之聽胥吏惟上戶
之聽私立甲簿視同官司文書小民只得俛
首聽命間有經官陳訴者則上戶率錢賄吏
吏頓指縣官或訊或杖或監廊或繫獄必使
下民依應而後已不幸適有殺傷煙火盜賊
及一切不測追捕之事役首又操縱其間隨

役戶之囑託事在昨日或移在今日事在上
半日或移在下半日使當役細民應辦官司
支吾巡尉數畝之田不了貨賣結拆數口之
家不了拋離分散官吏肥上戶肥而細民則
日就窮困滅絕其強壯則流而為盜賊故所
謂義役者特專為上戶躡避差使之地而已
不義孰甚焉且官司與上戶所恃者民耳民
困則上戶亦豈能自立官司亦豈能自存胥
吏正猶豺狼只欲藉此吞噬固難責辦如上
戶多是衣冠讀書赴舉仕族亦但知目前我
有田園我有貲財可以計會胥吏可以囑託
官員細民何異螻蟻不妨儘儘欺凌實是不
曾思量到底若見本府開說許多道理亦必
省悟今本府痛察細民之苦合與扶持一番
應民役義役各縣委官重與整頓

各仰

先備榜曉示如民戶無詞即仍其舊如有不
公不平去處即照本府約束將鄉司寄收縣
獄責決配戡手罪狀從公開具各都各甲的

實當充上戶凡民役義役各與排定七年自
新年爲始上戶照條充應一年其次人
戶許兩戶或三戶共充一年庶使七年之間
細民得以安居田里安養生息其於

國家根本關係不小各縣風土事宜本府亦
有未能盡知者仰條具申聞務歸於當以便
百姓仍委各縣知縣提督并備榜府前市曹
各縣曉示續改委專官下縣置局排結諸鄉
各都攢造籍冊每都三本取押用印一留府
一留縣一留都以七年爲一界役冊則委司

法廳掌之

樓店務地

紹興經界內該載樓店務地計二萬九千九百三十丈二赤五寸及分等則今略具如后

第一等地

上則東安鄉自府前街兩岸取四明橋自能仁寺前市廊西街北岸至貫前巷口自貫前巷口市廊南北岸止永濟橋

上則武康鄉自能仁寺巷口市廊取東渡門南北岸及自稅務橋阿滿門首取蠶團內歸西止團橋林保門前住并靈橋

續志卷七

五

連

門直取宋端仁舊食店今施崇住及自車橋北巷口入兩岸取鄭允客店今吳獻可住

中則東安鄉自貫前南西兩岸取市心橋自南湖頭西取舊酒務橋自四明橋南取行衙前至君奢橋并舊瓦子內自永濟西街南北兩岸直取朝京門住

中則武康鄉自貫橋南東岸一帶直取市心橋復回東向南北兩岸至廣惠寺橋曹承富門前住對南岸是周孚門首并

自縣南街東西兩岸至大梁街巷口西岸係史武翼賃屋門前東岸街止天慶觀橋及自丘家橋北至車橋南趙漳門前并自宋端仁舊食店門前取新排橋下則東安鄉自君奢橋南取倉橋自甬水門取威果營前細湖頭至奉化橋自花行至飯行五通巷新瓦子自太保衙前寶雲寺前至新排橋自貫前巷北法場東西岸至能仁寺西巷以王彥升門前直至寺前西岸西至東僉判衙前廟住

下則武康鄉自貫橋取東河下南北兩岸直至鹽蛤橋曲轉取鹹塘街東西兩岸東至吳獻可客店元係鄭允屋并自蕭家橋南街東西兩岸直取廣惠橋下曹承富門前復轉曲西取縣學前南北兩岸至巷林岳賃屋及林家小巷縣西河下并自新排橋東取景福巷口

第二等地

上則東安鄉自奉化橋北西岸至市中心橋自舊酒務西曲取天寧寺橋自添差僉

判廳鑿街西岸至鑿橋自渡母橋東岸
北巷沿河東西兩岸直至廣仁巷口南
岸住

上則武康鄉自後團翁仲門前歸東取南
直至市舶司後橋住并自清水碛西取
蓋家橋曲北兩岸至鹽蛤橋西岸河下
住油車巷及自市廊能仁寺巷陳康時
門前東岸取北曲東西兩岸直衝魏家
巷肚并自市中心橋南取新橋南王居隱
賃屋及自塔下橋方安仁門前大梁街

續志卷七

七

括

巷口方安仁賃屋

中則東安鄉自四明橋下取竹行河下至
章耆巷口曾家匯一帶自蔣家帶取福
明橋及倉橋頭自永濟橋西岸北沿河
下東西兩岸直至東上橋自河利橋西
岸北街兩岸至方家橋自天寧寺後巷
南北兩岸方家橋至李明橋住

中則武康鄉自廣惠橋南戴述門前取東
西兩岸直至天慶觀前止棺材巷并自
廣惠寺後橋蔡涇門前入小梁巷兩岸

至邊太丞屋後住及自陸博橋取東北
兩岸至新河頭小洞橋住并隱仙橋下
及天慶觀後街取紀銳香店後住孔家
巷口牢城營巷內許家小屋并新橋南
楊從政賃屋前取樓宗博宅前并取塔
下西岸黃卿賃屋及泥橋下取新河頭
戚新門前住

下則東安鄉自章耆巷醋坊巷新橋南河
下褚家巷自西岸自甬水門裏河下北
岸直取河一帶止四明嶺後自舊酒務

西南街取保聖橋自廣福巷取不隸將
營後取君奢橋能仁寺前巷東取西曲
北取阮家橋并添差僉判廳後巷方家
橋至西上橋孝文巷直至西河頭南北
兩岸虹橋五通巷東西兩岸取壯城營
王通判宅前周真家後天寧寺橋下南
岸沿河取王參政府後曲南取州社壇
并朝京水門

下則武康鄉自姚家巷穿庵廟巷并自新
橋南蔣璉解宇屋頭小巷屋底及自新

橋南西壽昌巷入王中大解宇屋自福
明橋下直取樓宗博宅後巷自祥符寺
前取景福寺鄞江門止丘家橋自戚喜
門前止南寺後門周信門前自車橋下
北取楊安常庫前小橋下巷取全捷營
前

第三等地

上則東安鄉自福明橋西取普照院巷至
戒香寺縣社壇自保聖橋取湖橋頭自
韓家橋裏鑄冶巷勞家橋自小頭湖取
水月橋自鑿橋東巷口取石硯頭毛慶
家住自鑿橋西至桃源洞後并州學西
西河頭林迪功宅西四家元係第二等
下則無出入路降入此等

續志卷十

九

楷

上則武康鄉自魏家巷口入本巷西岸至
巷底祝昉門前住自洗馬橋東取北雙
營前橋下取新寺後門巷口直取西巷
口自北八營前入缸井巷止南寺後門
河頭轉取張童巷

中則東安鄉自崇教寺巷一帶鑿橋北巷

并州學河東岸直至鹽倉橋能仁寺東巷街西岸直至石磧頭橋槐陰巷并河岸土地橋石版巷西曲取興聖院東小路及曲取孝文巷取白塔巷西曲南至西河頭兩岸

中則武康鄉自後市邊家客店前西取縣後至石磧姚振門前取南至能仁寺巷東住廊頭草營巷自景清寺前東取興教寺巷口西取景德寺後街巷口轉取小巷魏璿門前北取泥橋下自波斯團止酒務營前轉取立家橋直取石版巷取白塔下朱惠屋後取程房門前取郁家巷

下則東安鄉自保聖寺西河下取王參政府西取州社壇自聖功寺前取橋頭西畔取袁登仕宅前自鹽倉門西取達信門轉取雄節營前曲取教場東巷至州後匯頭自白塔巷西巷口北岸取鄭堰門頭東取舊法場威勝營前取東村富家後自杠橋北岸巷曲西小五通巷曲

取應家巷宜秋巷自興聖院東并院于
後沿墻下直取鄭堰門頭

下則武康鄉自陸家巷夏家巷張秀才巷
并獅子橋取秋家巷後周信屋後轉取
奉聖院前曲取開元寺後

未則東安鄉自觀音寺前取鮑知府宅前
自甬東門墻下延慶寺前自達信門裏
西沿墻取北郭舊法場自大教場後至
此墻下自興聖院前福田院直取應家
巷宜秋巷頭毛慶家至蜃池頭曲取鹽

倉橋

續志卷一

二

卷

未則武東鄉自石磧頭取蜃池頭資聖院
園地曲東小路官城脚下自陰溝巷入
取范玲屋後自延慶寺水月橋南河城
下取東曲轉北

寶祐六年十二月有告于郡者以爲本府樓店
務地自來有租賃官司地段全不納官錢而
私以轉賃於人白收賃錢者有止納些少賃
錢而影射者有十餘丈地而歲納官錢不能
十數文者有坐據要鬧之地三數十丈而分

文不納者有連薨接棟跨巷涉里號為府第之地而不敢過而問者遂使貧者日償賃錢而富者白享厚利遂監樓店務吏取索自來納錢底籍及所管等則並無稽考不得已行下諸廂抄具及會紹興府例給由發下府西甬東兩廂挨究總計二萬四千四百六十四丈六尺一分四釐比紹興經界實虧五千四百六十五丈六尺四寸八分六釐然紹興經界初不具府西甬東二廂也今除府西甬東所得之數比紹興經界實虧一萬三千二百

十七丈一尺二寸九分六釐形勢之家隱瞞胥吏相為茫匿百年之間虧折如許方欲行之見底則謗議所積如山經曰普天之下莫非王土又曰有土此有財有財此有用既居王土必輸王賦此法也亦理也為有司者不過奉法循理而已今天下州郡王土有二一曰稅地稅地有和買役錢有本色折變有科敷差役一曰樓店務地並不輸納諸色官物亦無差科敷役等事止納一項官地錢而已比之稅地實為優輕若又隱匿規避則不復

有人心矣

大使丞相深燭其姦復寬其事大要欲使人知居王土則當輸王賦非藉是以圖增衍也今據抄到地數較之紹興年間虧折甚矣姑以鄰郡等則給由輸租每年共得錢一萬三千七百三十八貫九百一十一文元係省錢續準鈞判節文竊恐人戶欺官匿賦之久不以本府為奉法循理而以為加賦苛征特從優卹自上等以至末等其合納官省錢並與作十八界輸官以官會而代輸見錢公之仁心仁聞至矣民始信公非欲增課羨直欲正紀綱耳見錢折納官會於官實虧十二萬二百一十五貫四百九文十七界今具地段錢數于后

東南廂

總地三千五十三丈五赤六寸六分

年納官錢一千九百四貫六百八十五

文十八界

東北廂

總地六千一百八十八丈四尺六寸三分

年納官錢三千九百七十八貫三百九十三文十八界

西南廂

總地三千七百二十七丈九尺七寸三分

年納官錢二千五百二十二貫八百九十九文十八界

西北廂

總地三千七百五十一丈一尺一寸八分四釐

續志卷一

十四

志

年納官錢二千二百六十二貫八百八十八文十八界

府西廂

總地二千六百六十五丈四尺二寸三分

年納官錢一千五十五貫九百五十四文十八界

甬東廂

總地五千八十六丈五寸八分
年納官錢二千十四貫一百文十八界

府倉斗斛

按周禮稟氏爲量必先改煎金錫不耗然後權之準之量之以爲黼鄭康成註謂四升曰豆四豆曰區四區曰鬴六斗四升也鄭蓋祖晏子論陳氏豆區釜鍾之說耳至班孟堅始有十龠爲合十合爲升十斗爲斛然則斛即鬴也一謂六斗四升一謂十斗或者今世所謂省斗足斗之異歟然嘉量之銘曰時文思索允臻其極蓋謂爲民立法者作此以至於道之中也後世所在郡國取盈斛面雖曰聽民自槩而加耗之數率是斗級數弄手法以求羨餘嘉量之意不復有存矣

大使丞相吳公平昔踐履大學絜矩均齊平一之義嚴揭榜示悉蠲倉教苛取之弊不仰出刺不許堯撮如罰籌加點舊例一切禁截因舊斛脫壞不可用俾都吏攬戶軍頭同共監造新斛一隻一依文思舊製且令人戶自行槩盪斗級等不得高下其手至如職田一項於晚增米內每碩蠲減一斗仍更不別添下數抹單錢九百文亦與除減四百此則

寶祐四年十月之榜也

蠲汝官賦

按四明志曰正稅曰和買曰折帛曰折麥折鹽實催絹四萬四千三百七十九匹紬五千六百五十九匹綿七萬六千六百九十三兩各有奇曰苗米曰折糲曰折鹽實催九萬八千餘碩先是郡計不贍莫有寬之一分者

大使丞相吳公建聞於寶祐四年之九月吏以元年後八料稅色呈催公曰嘻豈以是膠吾民也哉乃首蠲鄞定象奉慈五縣元年二

料二年夏料共五十八萬七千七百三十二貫四百八十文明年以季商

肆青有日除二年秋料三年折帛已陸續放免又先期住催六縣三年夏秋綿絹役錢苗米湖田職田諸色價錢共四十萬九千六百七十六貫五百一十二文九月以本任贖剩到一百四十七萬三千八百五十五貫文爲六縣官民預期代輸六年折帛明年復住催五縣四年二稅等錢二十四萬六千六百八十四貫四百一十九文開慶元年四縣欠五

年夏稅錢八萬五千七百八十二貫九百四十四文並從倚閣蓋自公來鎮于鄆弛以予民者無虛歲家至戶到靡不被其澤益之彖曰損上益下民說無疆吳公有焉

奏上
璽書褒嘉恭錄于左

寶祐四年九月十二日任催元年夏秋二

料二年夏料

鄆縣三十二萬八千二百三十三貫一

百八十四文

續忠卷七

十一

廣

元年一十七萬一千九百一十貫四

百七十七文

二年一十五萬六千三百二十二貫

七百七文

定海縣六萬五千五百九十五貫三十

文

元年一萬六千八百九十七貫五百

六文

二年四萬八千六百九十七貫五百

二十五文

象山縣五萬三百一十貫七百五十二

文

元年二萬七千五百三十三貫二十

五文

二年二萬二千七百七十七貫七百

二十八文

奉化縣六萬九千六百四十八貫五百

七十三文

元年一萬九千一百五十五貫六百

五十六文

廣

大

廣

二年五萬四百九十二貫九百一十

七文

慈溪縣七萬三千九百四十四貫九百

四十二文

元年二萬八千八百八十二貫四百

四十四文

二年四萬五千六百二貫四百九十

八文

寶祐五年七月十二日於

明堂赦前兩月先住催三年夏秋綿

絹役錢苗米湖田職田等錢

鄞縣一十八萬八千六百八十九貫一

百一十二文

定海縣七萬一千四十七貫一百三十

八文

象山縣一萬九千二百四貫二百四十

五文

奉化縣五萬三千六百三十三貫六百

一十五文

慈溪縣七萬七千八十二貫四百二文

續志卷七

元

春

昌國縣二十貫文

寶祐五年九月十五日將本任內趨到錢代

為人戶積納六年折帛

鄞縣六萬二千二百九十九貫文

定海縣二萬六千一百三貫五百文

奉化縣四萬二千二百三十五貫三百

文

慈溪縣二萬九千九百三十五文

象山縣七千九百七十八貫八百文

昌國縣一千一百七十八貫四百文

寶祐六年五月十日住催四年夏秋綿絹折

帛苗米湖田職田折價等錢

鄞縣一十三萬一千四十四貫六百三十

四文

定海縣四萬五千一百九十九貫四文

象山縣七千二百二十三貫七百三十一

文

奉化縣二萬六千九百九十四貫七百文

慈溪縣三萬六千二百二十三貫四十三

文

續卷之二

下

禾

開慶元年四月五日住催五年夏秋綿絹苗

米湖田職田折價等錢

鄞縣六萬五千一百四十八貫一百四十

六文

定海縣八千七百八十八貫七百七十四

文

慈溪縣九千三貫四百四十五文

象山縣二千一百四十二貫五百七十九

文

奏狀

證對日一介庸陋風謨

東知自館職而至宰輔爾來三十餘年矣惟其事

陛下最久故熟知

陛下德意志慮

念念在民是以日屢分藩閩所至必以撫摩培埴爲第一義無非推

陛下之德意志慮而致之民也歲晏力疲復被

親擢俾牧東藩感畏

恩威罔敢辭避領郡之初即將寶祐元年二年四年四料苗稅及三年折帛錢並與倚閣近又於

明裡三月之前將三年苗稅悉行蠲放以至存養鰥寡孤獨扶持無告窮困亦曰不負所學以不負

陛下而已然州縣之弊日深吏胥攬戶之姦滋熾前後所弛征賦雖幾六百萬猶恐在猾吏頑攬之家者多而及民者少若非將向去

未起催官物預行寬恤則實惠豈能周徧田里臣祇役踰年苦身節用幸有餘積契勘所管六縣折帛錢一項以寶祐三年催到數目計之見錢十八界會子各計七萬八千六百單五貫六十文共細計十七界一百四十七萬三千八百五十五貫文日見將本任內攬到錢物撥出上項錢令椿庫眼代爲六縣百姓輸納寶祐六年折帛錢一項庶幾少副聖主惠養黎元之意而日亦粗逃芻牧之責除已鏤榜下六縣曉示人戶外謹錄奏

聞伏候

勅旨

褒詔

粵從分牧恪奉寬條旣屢蠲往歲之逋租復代納來年之常賦廉然後能無取公爾可見忘私良用歎嘉所請宜允

四明續志卷第八

蠲放砂岸



砂岸者瀕海細民業漁之地也浦嶼窮民無常產操網罟資以卒歲巨室輸租于官則即其地龍斷而征之或興或廢寶祐四年秋

大使丞相吳公之開闢也人謂砂岸廢而民無統寇職以肆公因民之欲而奏復之越一年人又謂主砂者苛征而相吞噬者則滋訟公知其擾民也亟奏寢之或止或行悉因民欲民亦知公之心無他也舊所收砂租錢初以供郡庠養士貼廚水軍將佐供給新創諸屯及出海巡遶探望把港軍士生券本府六局衙番鹽菜錢之費今砂租既蠲則以興復翁山十五酒坊所收息錢補之

乞蠲砂租奏請

臣前歲之秋冒膺瀛閩上事之日適當海寇披猖之餘遂行攷究本末多謂因沿海砂岸之罷海民無大家以爲之據依因澥浦胡家渡稅場之罷盜賊無官司以爲纂節奪攘矯虔因得自恣臣遂具奏

聞之行興復就以砂岸稅場所入歲計二十萬九千六十五貫八百單五文爲慶元府幫支郡庠養士廚食錢十三萬六千二百貫文爲定海帳前水軍幫支又閣制領將佐每歲供給錢九萬二千五百貫爲定海水軍創支駕船出海巡連探望把港軍士生券錢四萬一千貫文爲慶元府六局衙番幫支又閣每歲鹽菜錢一萬五千貫文爲慈溪縣管下新創夜飛山防遏寇盜屯戍水軍歲支錢米五萬六千六百貫文爲象山縣管下邊海陳

山東宿渡新創軍船載渡民旅防遏寇盜水軍歲支錢米二萬一千一百二十貫文爲定海縣管下新創浹港防遏寇盜屯戍水軍歲支錢米六千二百八十貫文已上共計三十六萬八千七百貫文前所謂砂岸稅場之入不足以當其半則以慶元府經常錢補之亦既踰年于此矣但臣始者之興復砂岸稅場不過欲爲清海道絕寇攘之計今已將應干砂岸諸舉並行團結具有規繩本土之盜不可藏往來之盜則可捕又浹港既有戍卒則

胡家渡澥浦一帶不至空曠防閑備禦粗爲
周密於是昨來興復砂岸稅場所入之課利
仍可盡弛以予民矣但前來養士餉軍之費
一孔以上皆不可闕則臣見照常平條法
召募土着上戶措置係額坊翁山等十五所
歲入二十八萬四千貫文又措置慈溪縣係
省官酒務歲收息錢七萬三千貫文總兩項
爲錢三十五萬七千貫文以抵前諸項之費
尚欠一萬一千七百貫文則就本府醕酒庫
息錢內支撥庶幾利之弛於民者可以徧及

海陬而養士餉軍之需又不至於違誤而爲
慶元一郡經久之計臣除已一面備榜將砂
岸及胡家渡澥浦稅務照端平淳祐年間已
降指揮並行住罷仍割慶元府將翁山等坊
慈溪酒務每歲息錢專充前項養士餉軍經
常支遣外欲望

聖慈降付尚書省給降省劄付本司慶元府
逐一遵守施行不許違戾謹錄奏

聞伏候

勅旨右劄送沿海制置大使司照應寶祐六

年五月空日

榜

當使前歲領郡之初人或謂近年海寇披猖如三山小榭等處有登岸焚劫之事皆起於罷砂岸而沙民無所統率之故遂具申

奏及行興復既復之後雖藉所收錢物以助養士恤軍等費然或又謂大家上戶不能不因此培剋沿海細民又且詞訐迭興更相吞併殊失本司興復之初意又胡家渡解浦二稅場人亦謂住罷之後官司更無纂節因此

續志卷八

四

源

數十里之內莽為盜賊出沒之區亦遂具申奏乞行興復繼而議者又謂於公家利益甚少而稅場為民害者不貲徐而察訪言亦非虛當使於是復思變通之術將見措置翁山十五坊及慈溪縣酒務歲收息錢抵偃所收砂岸錢及胡家渡解浦兩稅場之入又將砂岸諸輿差官團結使本境之盜無所容外境之盜不可入則前所謂砂岸無所統率而盜賊縱橫之事不必慮矣又於浹港置立小屯則前所謂數十里之內官司並無纂節而莽

為盜賊出沒之區者不必慮矣遂行具

奏乞將砂岸兩稅場仍舊住罷庶幾除害而
弛利可以為此郡悠久之計今春簡夏網已
行了畢砂岸之家已收一年之利住罷正當
其時其詳備載之 省符但歲支養士及諸
屯券食并將校添給兵番鹽菜等錢計三十
六萬八千七百貫文一孔以上不可違欠全
藉翁山十五坊及慈溪酒務所入制司所當
常加意點檢使所入常足以支所出方無闕
誤案備榜府前市曹有砂岸縣分及翁山諸

坊慈溪縣酒務張樹曉示

蠲免抽博倭金

收養 飄泛 倭人 附

倭人冒鯨波之險舳艫相銜以其物來售市舶
務實司之然藉抽博之入以裨 國計疏黃
板木而已金非所利也倭金懷袖所携銖兩
幾何而官吏之虐取牙僧之控扼卒使之乾
沒焉非

朝廷懷遠意

大使丞相吳公力陳于

上請弛其禁勿征願代輸之

上可其奏取歲額之酌中者為準制司歲抱
解三萬六百五十六貫文於歲收市舶司回
稅錢內支撥就牒赴市舶司交管起發自寶
祐六年始公又念倭人之流離於海上者多
阻飢併請就本司人各日給米二升舶司日
支錢一貫五百文候次年歸國日止
朝廷從之世未必有知公用意之深者

奏狀

臣竊見

朝廷行下仍放倭商赴市舶務抽博深得時

續志卷八

六

祐

措之宜但有一事於

朝廷歲不過捐十七界一萬餘緡之楮而可
以深得遠人之心者不敢不以

上聞照得倭商每歲大項博易惟是倭板硫
黃頗為國計之助外此則有倭金商人攜帶
各不能數兩未免深藏密匿求售於人蓋其
所販倭板硫黃之屬多其國主貴臣之物獨
此乃倭商自己之物殊為可念緣舶司例合
抽解多為此間牙人啜誘謂官司有厲禁當
為汝密行貨賣遠人不察其偽多以付之姦

牙輒爲所匿且脅以

本朝法令之嚴倭商竟不敢吐氣常懷憾而去日叩之舶務四年博買之利所收止八千餘緡五年博買之利所收止一萬餘緡

朝廷以萬餘緡十七界之利而失遠人向化之心必所不肯特前後官司未有以

上達者爾日除已關報市舶司今次倭船到岸免抽博金子如歲額不可闕則當以最高年分所抽博之數本司代爲償納伏望

聖慈即賜

續志卷八

七

正

睿旨行下舶務免將倭商金子抽博施行所損無毫釐而所益何翅丘山伏候

勅旨

申狀

本司照得每歲舶務抽博倭金之利多者不過二三萬緡舊楮而羅織漏舶之金極不過十數兩惟寶祐五年分前官葉檢閱體國生財之意太重比之常年檢察倭商漏舶之金爲數獨多遂有六萬七千二百餘貫無藝之入然在

朝廷何翅萬牛之一毛而使倭人怨之麗人傳之其在四方承平之時尚可其在海道多虞之時則斷斷乎其不可也欲望

朝廷特賜詳察拖照前申罷倭人抽博之微息弛倭人漏舶之厲禁以示

朝廷懷遠之恩其所關繫實爲不細仍乞速賜行下舶務及本司照應如

朝廷未以爲然即乞就其中擇抽剝利息最高年分容本司抱解施行伏候

指揮

續卷八

八

者

再申

照對本司近具奏申乞將倭人之偶爲風水飄流者本司日給白米二升市舶司日給十七界一貫五百文候次年歸國日住支已蒙朝廷從申割下又一項乞免將倭金抽博以寬其一線營生之路以免其數十年爲官吏牙僧欺騙之害

朝廷歲失課利不過十七界一二萬緡而可以收遠人之心未準

朝廷竟行從申潛實非好異以損舶司課利

蓋緣倭與高麗爲鄰已服屬於韃賊萬一賊謀姦狡謀我者無所不至風聲扇誘轉而至干倭則中國之憂實未可量所以小小羈縻微微存恤使知

朝廷之仁心仁聞則遠人愈將向慕中國此正潛區區之微機也今準

省劄備坐提領所申每歲抽博倭金數目大率增擡且以舶務每歲官吏牙僧羅織倭人指爲漏舶白行罰納之金袞爲歲課此正失倭人心之大者官吏不知大體積以爲能特未有以告之

續志卷八

九

慶

朝廷者潛忝預舊弼况當海道警備之時而隱情不言其罪大矣况每歲正抽博之金實不過一二萬緡課利而所謂騙取漏舶之金亦極不滿一二萬緡此何止千萬牛之一毛哉謹別具狀開申欲望

朝廷詳察事體亟賜行下本務免行抽博永以爲例庶幾海道密享懷遠之益忱非小補

市舶所申準 都省送下沿海制置大使司申

云云

奉 鈞判送所區處申本所契勘各年

抽博漏舶實解到金分兩價直并抽博淨息
錢數本所主管文字趙與毗擬照得慶元舶
司每歲所收倭金除漏舶外抽博之數固自
不多 吳觀文申乞免抽博就其中擇抽博
年分抱解欲照所申具申

朝廷乞割下制司每歲倭船到舶照酌中年
分寶祐五年抽博息錢從本司抱解三萬六
百五十六貫十七界令項解發施行割送沿

續志卷八

十

堅

海制置大使司從市舶所點對事理施行

收養麗人

公既請于

朝收養倭人之流離者矣寶祐六年十一月
水軍申石衍山有麗船一隻麗人六名飄流
海岸公命帳前將校取之來詰其所以張小
斤三則麗之李樞密藏用家奴也金光正金
安成金萬甫盧善才則麗之萬戶土軍也金
惠和則麗之還俗僧也各因本國遷發把隘
駕船往白陵縣收買木植是年十月十三日

在海遭風不知所向飄流至石衙山具言自癸巳歲麗主避韃徙居海島之江華縣島闊三百餘里其去陸岸之程亦三百里僅存南計北計十七州韃歲一哨則事之以寶貨間遣使至新都延之承天館饋遺豐甚自戊申後韃使不屑渡海麗主躬帥其屬往承天府禮逆之祈免掣掠彼必欲麗主復歸舊都此懼其給已卒不從韃於是連年圍海岸逼新都境土就荒米價翔踴銀瓶一斤易粟三石

準中國一碩

民殍死者衆韃退麗人始還舊巢採

續志卷

十一

作

粟以充飢取松實以售商賈有崔令公世積金穀今年四月八日令公出禮佛麗主遣人乘間誅之盡發所藏賑軍民國粗定又言有向上頭目人洪服良因在邊背麗歸韃今麗有貢必遣往服良所因以轉致于韃自江華至服良所約七日自服良所至韃遠近則不可知也麗有三窟曰早窟曰山水窟曰袞袞窟俱爲韃蹂躪兵弱晝不敢與韃戰夜僅能偷劫勢終弗支今兵船之在海岸者號三十九領領二隻又都兵馬大船十二隻大船面

闊三丈長亦如之狀如箕織席爲帳便於正
順風而已公以其事上聞且從本司日支六
名米各二升錢各一貫及歸國則又給回程
錢六百貫米一十二碩公於懷遠禦外周且
密矣

收刺麗國送還人

開慶元年四月綱首范彥華至自高麗賫其國
禮賓省牒發遣被虜人升甫馬兒智就三名
回國制司引問馬兒者年二十六揚州灣頭
岸北裏解三也十二歲隨父業農秋時爲韉

續志卷八

十一

廣

掠去至韉酋蒙哥叔宴耻達大王所撥隸鶻
辣海部下牧馬剝作三搭髮取名馬兒年十
五時又見虜至一人即今升甫也升甫年二
十四本姓馮名時臨安府人生七歲父以庄
田在淮安州鹽城往居焉淳祐九年爲韉所
掠亦隸鶻辣海智就者年三十八德安府人
黃二也家市縑帛有莊在城外之西羅村十
四歲金國投拜人楊太尉仕于德安陰結李
全妻小姐貳于韉以叛黃遂爲韉所虜韉
主第三兄使往沙沱河牧羊凡三年異州種

田允十二年咸平府運糧允六年寶祐五年七月頭目人車辣大領貳萬人出軍馮時解三皆以牧馬從允兩月至麗界首東路屯于和尚城麗師不出及十一月久雨馬多凍死人且餒馮解謀逸歸

本朝匿深山中師退麗人取以歸寘島上六年正月入麗京拜國主月給米養之旬餘黃二亦至皆在漢語都監所宿食三月發入苑彥華船又逾年三月船始歸制司即備申朝廷以各人本貫並無親屬欲收刺廂軍續

準

省割從所申收刺解三取名解福馮時取名馮德黃二取名黃恩並收刺崇節指揮專充

看養省馬着役

麗國省牌附見于後

高麗國禮賓省牌上

貴國人升甫馬

兒智乾等三人女披狄人捉擊越前年正月分逃閑入來動加館養今於綱首范彦

碩俞昶等合網船放洋還今仍給程糧三碩付與送還請照悉具如前事須牒

大宋國慶元府照會施行謹牒未三月日謹牒注簿文林郎金之用注簿

文林郎李孝悌丞文林郎金光遠丞文林郎潘吉儒試少卿入內侍文林郎

李斌卿朝議大夫任柱判事入內侍通議大夫三司使太子右庶子羅國維侍

判事正議大夫監門
衛攝上將軍奉君用

續志卷八

十四

賑濟

富韓公鎮青州廩民之老弱病瘠者活五十餘萬人人到于今稱之

大使丞相以韓公之心爲心允鰥寡孤獨困窮振貸無倦色寶祐四年九月至鎮十月濟一萬七千六百九口支錢四萬七千五百四十五貫米一千四百九十八碩八斗五年十二月濟二萬三十四口支錢三萬四千二百六十二貫文米一千七百一十三碩一斗六年二月濟糶一萬七千六百五十口支米二千二百一十三碩開慶元年四月濟二萬四百三十九口支錢七萬二千五百五十八貫文米一千六百五十九碩九斗公有實德于艱歌之者曰膏雨吾土襦袴吾人其惟吳公乎

續纂卷八

七五

慶

寶祐四年十月濟惠字號人戶

東南廂

大人二千五百八十一口每口錢三貫

文米一斛

小兒一千二百四十口每口錢二貫文

米五升

東北廂

大人二千九十一口每口錢三貫文米

一斛

小兒八百二十一口每口錢二貫文米

五升

西南廂

大人三千三百一十三口每口錢三貫

文米一斛

小兒一千五百一十八口每口錢二貫

續卷六

十一

垣

文米五升

西北廂

大人三千一百三十七口每口錢三貫

文米一斛

小兒一千一百七口每口錢二貫文米

五升

甬東廂

大人五百六十二口每口錢三貫文米

一斛

小兒二百五十八口每口錢二貫文米

五升

府西廂

大人六百四十三口每口錢三貫文米

一斛

小兒三百三十八口每口錢二貫文米

五升

寶祐五年十二月濟惠字號人戶

東南廂

大人二千四百八口每口錢二貫文米

一斛

續志卷八

十二

祐

小兒一千二百七口每口錢一貫文米

五升

東北廂

大人一千三百四十六口每口錢二貫

文米一斛

小兒一千二十八口每口錢一貫文米

五升

西南廂

大人三千九百六十六口每口錢二貫

文米一斛

小兒二千二十九口每口錢一貫文米

五升

西北廂

大人二千七百三十三口每口錢二貫

文米一斛

小兒四百七十六口每口錢一貫文米

五升

甬東廂

大人二千一百七十八口每口錢二貫

文米一斛

續志卷八

英

小兒七百四十口每口錢一貫文米五

升

府西廂

大人五百九十七口每口錢二貫文米

一斛

小兒三百二十六口每口錢一貫文米

五升

寶祐六年二月濟糶敏字號人戶

東南廂

大人一千五百二十九口每口米二斛

小兒六百三十口每口米一斛

東北廂

大人一千八百九十三口每口米二斛

小兒七百二十八口每口米一斛

西南廂

大人二千二百六十七口每口米二斛

小兒一千四口每口米一斛

西北廂

大人一千七十二口每口米二斛

小兒三百五十六口每口米一斛

續志卷八

十九

五

甬東廂

大人四千七十三口每口米二斛

小兒一千四百六十四口每口米一斛

府西廂

大人一千六百八十六口每口米二斛

小兒九百四十九口每口米一斛

開慶元年四月濟惠字號人戶

東南廂

大人二千二百六十口每口錢四貫文

米一斛

小兒一千二百二十五口每口錢三貫
文米五升

東北廂

大人二千三百口每口錢四貫文米一
斛

小兒一千二十八口每口錢三貫文米
五升

西南廂

大人四千九十七口每口錢四貫文米
一斛

續志卷八

二十

視

小兒一千九百二口每口錢三貫文米
五升

西北廂

大人三千二百三十二口每口錢四貫
文米一斛

小兒九百七十七口每口錢三貫文米
五升

南東廂

大人九百七十八口每口錢四貫文米
一斛

小兒五百三十八口每口錢三貫文米

五升


府西廂

大人六百四十四口每口錢四貫文米

一斛

小兒四百八十九口每口錢三貫文米

五升



大人三百三十二口每口錢四貫文米
小兒四百八十口每口錢三貫文米
小兒九十七口每口錢三貫文米
大人六百四十四口每口錢四貫文米

府西廂

大人三百三十八口每口錢四貫文米
小兒四百三十八口每口錢三貫文米

祈禱 龍見附

寶祐五年夏六月不雨

大使丞相焦勞精禱靡所不至延延廣仁院
白衣大士若靈應廟神祠山城隍諸像列公
堂而祈焉一日亭午驕陽如焚公方露香禱
于庭俄密雲起南方有黑龍見蜿蜒飛動萬
目駭視雨隨下如注四郊霑足歲事獨稔於
旁郡六年三月種未入土彌月旱亢人情皇
皇公齊心禱祈如前望日迎天井山蜥蜴神
雖間霖霖卒未大應公謂民命近止雨少緩

續志卷八

二二

又

則不及事即齊宿真隱觀設碧玉醮以告于
帝時夜半焚章雷雨沛然徹旦未休黎明公
還府夾道呼相公雨歡聲如雷河流洋溢農
皆荷鍤乃亦有秋民不乏絕者公之力也開
慶元年五月苦淫潦不止低田九三時秧渰
沒而偃民搏手無策禱禳無所不用其極公
曰虛文非所以格天也乃命僚佐決府縣三
獄訟出繫囚盡蠲五年以上苗稅減放諸酒
庫一分息著為額令下百姓鼓舞陰雲解駭
天日清明公又慮積水之害禾也委官周行

田野徧啓諸閘有礙堰所不能泄者則決之
水旣疏苗之仆者興焉越兩月雨復愆期公
禱輒霽歲卒大熟蓋三年之間常賜苦雨無
歲無之公一忱所格如響斯應民雖至迫切
亦恃公以無恐公詩有云數莖半黑半絲髮
一片憂晴憂雨心念慮未嘗不在畎畝間也
傳曰閔雨者有志乎民者也喜雨者有志乎
民者也其公之謂乎天井山蜥蜴神公爲請
于

朝元年七月已侯封者加二字未封者悉侯

之蓋以旌龍見之靈云

瑞麥

淳熙三年 皇子魏王判明州時象山縣麥穗
兩岐王聞于

上刻石鄧山堂可攷

大使吳公以舊弼判慶元府開慶改元四月
奉化縣聖姑亭山產三穗麥眎昔過之異瑞
休符驚耀羣目意者視飢由已天以是答今
之后稷歟公雖偃藩每以四方水旱盜賊為
隱憂不言祥瑞蓋古大臣用心去





〔開慶〕四明續志

五

毅父吟藁

四明續志卷第九



吟藁上



金陵 吳潛毅父

登鎮海樓



鄭山深處古明州新有江南客倚樓鳳闕天連
便望日蛟門海晏不驚秋頭顱已迫殘年景身
口聊為卒歲謀蕭颯西風吹敗葉滿眶清淚自
難收

對黃花

當年脫却戲衫回又被官差喚出來疾惡念
緣練歷好名心懶為衰摧莫愁白髮家千里
對黃花酒一杯信美江山非我土倚空凝竹更
徘徊

呈蕭山知縣

丙辰九月旦日絕江
蕭山老懷萬感偶成唐

律一首呈
邑大夫

八年兩喚浙江船吳越青山相對妍長愧
主恩難報答不知人事幾推遷香浮菊桂秋將
暮景迫桑榆歲可憐荒縣今宵孤館夢四千里
外楚雲邊

分定

丁年曾授此東州慳慳賤天得罷休七上八下

忽九閨十洲三島終一遊人言官貴體當重自
笑兒癡病未瘳只爲

君恩深莫報明年春盡得歸不

自嘆

門槌柏板久收藏又向棚頭弄一場束縛冠裳
新上舍經營粥飯舊街方亂鷓啼處客面首落
鴈聲邊人斷腸堆案文書銷永日誰云燕寢凝
清香

曉兒輩

諸兒憐我太焦熬我把真機告汝曹外白內黃

吟卷上

二

文

常抱守出朱入墨任紛撓治齊固有曹參逸理
蜀寧無諸葛勞畢竟食焉而怠事天刑人禍恐
難逃

閱城壁

內江外海四周圍正是綢繆戶牖時北瞰登萊
山不礙東漸倭麗汛難期未須鷓鷯增威勢已
覺狂慄受指麾敢謂虛名彈壓得多應一念老
天知

歲晏無聊收 叔氏訊

蓼成凋郡力難任雪上加霜兩鬢侵四五更頭

猿鶴夢數千里外鵲鶴心老來倍覺光陰促休
去方知意味深休去禪家話陶白邵詩消遣具晚
無事且微吟

朝謁歸省文書

面擁旌旗鼓樂隨誰知錦被裏瘡痍吏那秋斂
充春賦兵待朝輪作暮炊縮手判支窮措大攢
眉書準老沙彌此是復翁新活計鴈書多報故
人知

喜雪

黃竹歌中百姓歡去天近處雪花乾蔡涓事業

吟卷上

三

七

方歸度剡曲風流欲訪安便覺光輝生萬里定
知潤澤被三韓衰頹老守煨殘芋白戰猶堪上
將壇

元冥去歲失其官今歲誰云補過難謝院撒鹽
飛瑣瑣隋堤剪帛散交交簷儲宿肉喧山鵲路
沒遺蹤走野豕管取明年書大有飽抄雲子飯
加餐

再賦喜雪

黑風剪水作瑰琦散落人間賤似泥萬象直教
還朴素千岐何幸盡平夷征人遶路昏投店戍

士乘城夜守陴不識艱難惟党二銷金帳底飲
羔兒

夜深如水潑衣衾曉看皚皚冒碧岑以潔藏污
窺物理由仁行義見天心但教南畝多呈瑞何
必東夷屢獻琛麥熟吾時歸印綬不能者止念
周任

喜雨

雷使巡行徧五方夾秋不怕旱爲殃人間祥瑞
三伏雨枕上吟哦終夕涼已卜晚青催出穗且
將早赤急舂糧有司不損應言損隨分蠲租助

吟藁上

四

任廷

蓋藏

莫嫌暴凍勢如歎此是家家老飯盆雨足蛟龍
應得謝秋登雞犬亦蒙恩頻年已喜稼無賊今
歲尤欣禾有孫回首江南田谷口西風颭颭倍
消寬

再用前韻

行雨龍公屢易方魃妖誰敢扇餘殃田疇接得
三年熟枕簟供來幾夜涼更喜征夫無減竈定
應行旅不賫糧寄聲鄞土黃承事有粟何須更
窖藏

不假焦仙把酒歡須臾澍雨若翻盆官應可了
劬農事天豈終慳及物恩無復絕糧憂魯叟何
須進食念王孫只愁撩得秋聲動老客宅鄉易
斷竟

再用前韻各賦三解

九天膏澤沛羣生盡掃螟蝗蝥蝻殃即刻焦煩
成爽塏何時繁富換荒涼滌場定是多遺秉樓
畝爰知有剩糧却笑華門窮措大瓶罌脫粟正
深藏

神虬捲水向空散溝澮充盈到盎盆天上只消

些小力人間知受幾多恩江沱樂意魚夫婦淇
澳生涯龍子孫無限槁枯皆被澤阿香一擊尚
驚竟

密雲能雨自西方不假巫尪解息殃地產固應
滋物產天涼那更挾心涼未憂懸釜供蘇爨何
事量沙作糗糧臨得顏公乞米帖從今歲歲只
珍藏

赤米炊香兩臯歎白鹽不用置牢盆家家已了
收藏計物物何知造化恩衣褐寬來姑喚婦垣
墉補處祖將孫江鄉此際雞豚社俚舞村歌入

夢竟

先生粗有辟邪方不怕鱖魚解降殃今雨收功
真溥博早秋得勢已淒涼幽場栗栗方登穀漢
甬陳陳可峙糧此是邊籌居第一賈生表餌且
韜藏

床頭酒熟氣蒸歡嘉飯何妨置瓦盆醉飽不知
身世事思量難報后皇恩垂髫牧子行牽父戴
白山翁坐擁孫却笑東征西討客龍堆萬里欲
飛竟

喜雨

吟葉上

六

茂

古佛爐前一炷香神龍夭矯掛空蒼人間祥瑞
六月雨枕上吟哦終夕涼不待白渠紛畚鍤俄
驚赤鹵屹倉箱自慙太守無功德帝力惟知荷
聖皇

西抹東塗老不禁芙蓉洲畔更浮沉數莖半黑
半絲髮一寸憂晴憂雨心烏撒且欣將浙玉紅
蓮何翅已抽簪小臣獻穀龜嘗了深密山林可
訪尋

晚上危樓望碧岑雲煙開闔弄晴陰見前鷗鷺
移心法何處鷓鴣巢過耳音好雨十分催暑駕涼

風一宿動秋砧誰憐老子思鄉淚滴向鄞江未
是深

再用喜雨韻

古說雲香雨亦香天工豈是色蒼蒼寸瓢假手
何煩靖斗酒開眉不換涼穠穠已欣登杵曰綰
締漸可納巾箱擬賡周雅魚麗什堆案文書未
暇皇

熱惱煩蒸正不禁火輪忽向半空沉屯中信有
雲雷象復覩方知天地心便擬新秋先上印何
須晚歲始投簪江山信美非吾土栗里時從蝶

夢尋

雨脚如犇冒遠岑須臾六合變層陰坐回物物
昭甦意想見村村喜笑音翁詫稻梁管米棧婦
思裘褐拂衣砧定知一熟酬諸願擊壤歌中此
感深

三用喜雨韻

雨缶雲瓶剖阿香瀾漫何處辨玄蒼衰翁顛顛
憂三伏古佛慈悲賜一涼但願有緣乘款段豈
應無夢駕偏箱西風谷口秋田熟休問竒章與
贊皇

虬龍未必要呵禁，久暘無緣便陸沉。未遂明農歸老計，且寬憂國願豐心。披襟雅稱琉璃簟，散髮何銷玳瑁簪。只怕門前多雜蘖，文書銜袖苦相尋。

雷掣金蛇跨列岑，秋陽翁忽轉秋陰。俄驚石鼓無停響，坐聽簷花不斷音。玉秫已堪供甕釀，紫螯漸可付庖砧。一年好處相將近，分外鄉情此際深。

四用喜雨韻

吟集上

八

園林過雨宿荷香，猶掛輕綵佩水蒼。老去只應休去好，秋來方是晚來涼。倦翎網已離三面，病穎車難服兩箱。多幸時和歲豐美，只將心念報虛皇。

昔人歲月苦難禁，烏兔相追互起沉。點檢平生如夢事，保全晚節是真心。圍腰減削那勝帶，種髮蕭疎不上簪。久悟盈虛消息理，香山蓮社擬追尋。

北岑飛雨過南岑，遠嶂晴明近嶂陰。老檜婆娑方午色，孤桐搖落忽秋音。庭稀鴈鷺飛符檄，海絕鯨鯢伏斧砧。此是老臣聊報國，仁聲敢謂入

人深

五用喜雨韻

黯雲潑雨土生香不假琮黃與璧蒼天道從來
闢感應人間此際換炎涼青燈可近聊凭案細
帙堪翻謾啓箱牕外候虫聲更急坐看斜月照
堂皇

癡風盲雨驟難禁撼壁掀牕夜向沉百種已灰
當世念一團都是故鄉心伏駕撲墮床頭慢飢
鼠銜翻鏡上簪閑打無爲坐空寂譙樓五鼓已
侵尋

吟卷十一

九

文

家家穫稻積如岑不問山椒與谷陰沽去村醪
醺醪味吹來隴笛筦絃音舖兒喜笑迎郎罷盃
婦謹欣就藁砧雨玉雨珠無此景須知造物用
情深

六用喜雨韻

午牕隨分理殘香掃地關門付小蒼連夜月無
昨夜色今朝雨有幾朝涼白頭凝望家千里黃
耳寄歸書一箱徧問西疇全熟否還鄉百口免
憂皇

母煩符祝不祥禁并遣商羊旱魃沉自詭何關

太守力誰知最切老婆心苦身見說湯誅髮沾
體曾聞禹墮簪乾溢兩無年大有

君王德澤海千尋

雲霾幾日障危岑戶牖綢繆要背陰又是撩空
孤鴈唳那堪穴壁亂蛩音潘郎寂寞嗟輕楚
女淒涼起斷砧大抵人生嫌老大一回秋思一
回深

七用喜雨韻

崑觀初聞九里香小山幽桂老尤蒼縱然有少
殘零熱自是無緣頓既涼似覺衣襦嫌楚葛便
教床榻卷巴箱虬龍雨足當休謝誰與飛牋叩

玉皇

頽年寒暑不能禁休較玄枵與實沈自古難銷
兒輩口從來幸契老天心農登稼穡多儲寶盜
息荏蒲罕竊簪持此効

君強曝背庶幾三徑許歸尋

闌干小倚望遙岑曉霽朝朝換午陰越鷺已收
天外影吳鳩尚帶雨中音海瀕客子秋銜袖塞
上征人夜拊砧都是一般無意緒閔勞爭奈
主恩深

八用喜雨韻

飯抄雲子得能香秋賽村村答上蒼雀集田疇
營宿飽牛閑籬落卧新涼棲棲底用干鄰粟翼
翼惟應詠我箱一稔居然寬百慮不須禹稷更
皇皇

殘暑如烝尚不禁坐鄰三鼓斗杓沉雨調可是
月離畢時熟元來歲在心筋力不堪凭几案頭
顛惟便卸冠簪呼童火燎焦冥種投隙藏虛未
易尋

礫石何分埠與岑神功且幸景多陰願聞慶義
空中語喜聽子期巖下音南圃壁懸居士杖西
鄰床撼女郎砧消磨鄉思憑杯酒力不能任莫
放深

九用喜雨韻

何消黍稷薦馨香三尺擡頭即昊蒼雨缶決來
如此溢風車輸與自然涼問他金玉堆成塢更
使珠璣積在箱逢却年饑堪煮否移民移粟定
旁皇

倒甕翻盆勢莫禁旱灘焦磧盡低沉定知此喜
非常喜只是將心去比心人樂和豐方賣劍誰

貪遺滯忽云簪村翁曳杖前山去丁祝孫來酒
戶尋

家鄉千里隔千岑想見飛鳴鶴在陰留滯又煩
山寄檄平安且幸竹傳音謾誇齋靜香凝寢但
覺簷高響發砧若把悲愁情緒較蚤秋不似暮
秋深

十用喜雨韻

江南九月菊花香獵子牽黃與臂蒼歲幸豐登
連楚越地非磽薄比渠涼雨收甘澤歸三印雷
斂神功入五箱作解工夫都了畢不須赤子更

回皇

吟藁上

十二

荷

喜極夫何恨不禁五更霜角夜聲沉滴殘塞北
征夫淚點碎江南遊子心久客情懷愁似織休
官時候夢非簪寶陔老子相憐否苦海應援綆
萬尋

覽輝儀鳳下高岑有道朝廷夬決陰宣室禮成
熙洽象明堂樂奏治安音嘉祥已慶連金穎盛
事還祈獻石砧只道太平無以報誰知
堯德舜功深

劭農

朝廷差下勸農官同向郊原點檢看場圃事興
把扒冗田疇功畢桔槔殘上租郎主坵坵定輸
米官司粒粒乾雖是太平今有象願陳七月述
艱難

因見他鄉黍稷收令人鄉思轉悠悠新篛白酒
雞豚社旋摘絲蓴鱸鴈洲好處光陰長是客老
來情緒更逢秋堯夫六十三休致前輩風流可
繼不

名園乘興小留連洛社風光在眼前突兀樓臺
多占水陰翳花竹小窺天建封已去悲春燕樊
素何之咽暮蟬人事廢興渾若此憑欄對景一
凄然

吟藁二

十三

壬亥

出郊用劭農韻

連櫛載米去輸官只得將爲樂土看餉互豚蹄
秋願了飽均雞犬午春殘門前掃刮犁鋤淨屋
上鋪添稟結乾識字田夫充長吏了知圖易在
思難

水光山色盡兜收老子穿林興尚悠眼底有詩
皆錦野心頭無事即瀛洲鷄鳩豈較物和我蠅
蛄何知春與秋所謂人生行樂耳如斯逝者可

追不

怕見書空鴈字連，
可堪清淚落尊前。
謾因上澣休問日，
出見初秋瑩淨天。
人正慕羶爭似蟻，
誰能換骨蛻如蟬。
細思回客吾徒爾，
而我何爲獨不然。

聞同官會碧沚用出郊韻

碧沚堂前瞰水官，
只應喚作玉壺看。
頗聞秩秩玳筵展，
莫遣匆匆銀燭殘。
酒付別腸寧怕窄，
詩由廣舌不憂乾。
老夫孤坐三更月，
欲往從之良獨難。

吟藁二

十四

佳處

萬頃蟾光浩不收，
汀竹嶼思悠悠。
黃公所隱知何地，
賀監宜歸乞此洲。
良夜最佳惟午夜，
今秋偏好是中秋。
舉杯酒露月同吸，
仰面青天可問不。

暝色偏宜水色連，
橫陳好景向尊前。
是人享用無遮月，
誰子裝褫不染天。
細閱人生幻泡影，
了知世事雀螭蟬。
賞心樂事休空擲，
邂逅相逢不偶然。

出郊再用韻賦三解

此時尉候迭專官，
木落郊空最好看。
海檜不爲

時節改巖花未覺色香殘明堂柱下捐樗散清
廟籩中薦豆乾天地無私能物物飛蚤終自負

山難

山朋水友訊頻收怪我明農事轉悠南野麋猿
專一壑東溪鳧鶩據三洲人間顛倒舟移夜客
裏淒涼坐閱秋六十餘翁何所戀金雞赦了可
歸不

見說蓬瀛上界連誰知只在眼睛前但須牢踏
脚根地更要放開心裏天世事可憐旋磨蟻人
情爭慕隼冠蟬若教禁鬻曾知味不似魚羹飯

四十五

三五

茂

泰然

平生慣作牧民官不作朱轡畫戟看惟有寸心
存惻隱誰憐隻手補剗殘樹蔬人要畦畦潤種
麥農便隴隴乾乍雨乍晴都恰好老天誰道叫
呼難

空綃圖畫幾曾收樓外蒼林遠更悠日暮羣鳥
投檝社天長數鴈落蘆洲為諳世上空花景最
喜山中落葉秋官事漸稀農事了携壺挈榼可
容不

水聚山環旺氣連榮華富貴各攙前劫從無始

認爲我數到有終還是天曉月園林空唳鶴晚
風亭樹謾鳴蟬寄言世上耽迷者所美當知非
美然

老大頭皮捉出官轉頭重九又看看莫愁客裏
黃花負只恐算前白日殘喜得賜封天燧息願
他入塞帝巴乾

聞韓首有送死淮堧之報故云

豐年喜色眉尖

上一笑相携肯作難

午香一縷篆煙收欹枕方床此景悠便覺夢尋
桃葉渡不知身在菊花洲簿書堆裏挨排日砧
杵聲中斷送秋坏戶蟄虫猶識候人生知覺似

吟卷二

十六

昔

渠不

認草池蓮樂意連一帆直到太虛前拈來瓦礫
無非道觸處鳶魚共此天鶻固珍羞元是鼠蜚
雖穢物却爲蟬神竒臭腐相更禪妙理誰知所
以然

再用出郊韻似延慶老

菩提只在攝心官日觀元同月觀看萬種因緣
都是結一花根蒂幾曾殘祖師曾誓瘡膿壞講
主能參朶椹乾百頭麻油攤樹上得來元不見
難難

工夫全在放時收鷄過新羅路太悠世網愛河
千渤泡人寰苦海一浮洲要知坐卧并行住只
在春冬與夏秋昨日亭前栢樹子分明說法聽
聞不

普殊難葉一鈎連勘到釋迦文佛前口裏巴巴
緣十地眼中眈眈是諸天泥涂爛處藏頭鼈高
樹梢頭脫殼蟬各自身軀各自性誰知各自本
同然

登延慶佛閣用出郊韻

東西南北幸同官休作班荆解后看一笑喜逢

吟葉上

十七

源

粳秫賤相攀莫待菊茱殘沙鷗點點投波沒簷
鵲聲聲帶日乾美景良辰同賞樂四并誰道古
來難

高閣都將萬象收凭欄睇望興何悠張郎遁世
誰家谷孫子成仙何處洲風雨喜無臨九日江
山幸有答三秋年豐市井多歡笑老子婆婆亦
可不

遠嶂近嶂似環連擁翠排青到面前可聖可賢
桑落酒不寒不暖菊花天吐吞湖海耐金兕批
判煙雲揮玉蟬此客坐中應不欠逢場何惜一

甞然

再用出郊韻

父老休驚作長官只將田畷一般看汝應西野
功將畢我亦南柯夢向殘夕照拖雲楓影亂秋
風掃地葉聲乾瀛仙島客知何處策杖相從正
不難

遠山空處斷雲收一段秋光野思悠鷹隼不妨
侵碧落魚鳧自覺得滄洲桑榆晚景能多日桂
菊他鄉又一秋聊把清尊澆眊眊茲遊還可再
尋不

吟卷二

六

佳處

屈曲蜂房蟻戶連簷箬羯鼓綠牕前儘教迫窄
無餘地誰道虛空有剩天是處畫堂餘燕雀幾
家高屋畫貂蟬閑堦細草蛩聲急極目煙波正
渺然

三用出郊韻

從來此地出高官綺屋連雲畫裏看十里湖光
多樣好百年人事幾回殘菰蒲帶露枝猶濕穉
柳逢晴把便乾樂歲何妨歌樂職簿書纏縛敢
辭難

高橋第一戰功收從此江沱歲月悠顧我壯懷

成槁木令人老
淚落荒洲西風何處雞豚社
東里此時魚蟹秋
一笑回頭便今古
賞心樂事可重不

金屋無人喚阿連
碧桐依舊綠階前
境瞞眼處非關物事
換頭時即是天
秋水岸邊凝鵲鷺
晚風枝上沸蜩蟬
靜中閱動渾如此
描畫何須倩巨然

四用出郊韻

慙愧曾尸一品官
如今已作倒盆看
但干馳逐心都歇
只有登臨興未殘
欲掃雲煙憂筆禿
擬澆塵土怕壺乾
傍人莫把衰翁笑
追趁躋攀尚不難

吟卷上

一九

任慶

四望青山宿霧收
白鷗浩蕩意悠悠
紅旗不用穿三市
畫舸何妨訪十洲
臺榭裝成多樣景
水雲占卻幾分秋
洛陽耆舊名園記
般入明州志可不

一望平湖萬頃連
恍如身在鷺峯前
築塗成宅能移地
疊石爲山欲奪天
綠萼枝方停曉鳳
白楊樹已咽寒蟬
達人觀緣如此萬
事都來付且然

五用出郊韻

寄語頭銜水利官，隄防莫作等閑看。田疇雖幸收成早，溝澮猶疑灌溉殘。勸課農桑心獨苦，丁寧父老吻應乾。米從布袋癡兒事，我輩須知稼穡難。

看他南畝十分收，歸去來兮事尚悠。夢裏便尋青櫟社，生來幾過白蘋洲。向前七袞無多歲，更後三朝即半秋。如電如陰如幻境，還知生熟路頭不。

冥鴻本擬與雞連，一笑西風沆瀣前。放步退來

字一

字

文

元有地從頭算去，莫非天可憐。高舉搏風翻翠翼，似低飛飲露蟬。若使危機能徹底，盈虛消息豈其然。

劭農翠山賦唐律二首 己未

小隊旌旗上翠巖，松風十里鎖禪關。水深水淺高低澗，春淡春濃遠近山。鄉思猛隨蒼鳥去，客心暫與白雲閑。天公已是多情殺，去聲特把淋頭

雨放慳。

老守憂民若己傷，三回奉詔勸耕桑。周家綿遠農開國，漢室興隆穀腐倉。麥綠少地鋤山種水

怕多流索石防田里熙熙如樂土更祈四表共
平康

梅花小吟

難喚林逋伴客遊占春亭畔獨夷猶一花兩蕊
意方遠三島十洲香已浮清曉園林霜似練黃
昏攔檻月如鈎若還說着和羹事只恐渠儂笑
不休

占春亭即事

桃花幾片隔牆飛獨自危樓徙倚時目送斷鴻
雲外沒東風吹淚落天涯

吟藁上

三

茂

見他門戶插垂楊懊恨江南客子腸春夢誰云
無準托連宵合眼是家鄉

薄霧輕煙柳際浮堦前細草綠初抽年年春事
年年恨一檐檐來是白頭

鄉舉鹿鳴勸駕

戊午

上苑春光已探來諸公逸駕莫遲回點頭定有
文驚坐燒尾何妨酒吸杯自是功名難躡避須
知氣節要壅培老夫親手傳衣鉢來歲圖經用

再開

諸路發解勸駕

東郡衣冠盛南宮榜帖新諸科唐取士數路漢
得人鳩鹿殷勤意攀龍變化身若爲

明主獻忠讜要披陳

和景回胡計院數字韻就送其行

與君託鄉間東野連西墅誰知俛仰間各各歲
年暮當時同隊魚十已九捐故君抱珪璧姿方
獲展寸步梁棟須羣材榱桷共支柱生從匠石
園一一居王所何必効鷗鳧江湖任來去但須
飽讀易細翫竒耦數問之何將迎終然抱璞素
砥柱三門津波瀾自流注

吟葉上

五

佳

窺園

後園梅樹老槎牙初放枝頭一兩花便是春光
先漏洩其如暮景已橫斜西湖處士吟情在東
里先生心事賒清足亭前無限好五更鼉夢定
還家

小至三詩呈景回制幹并簡同官

六十三餘七十翁頗從靜裏得此三陰陽理向
壁壁見天地心於物物同荔挺生來元不死葭
灰塞處自能通古今宇宙渾如此康節何煩企
下風

莫嫌一點稚陽微化育工夫自此推履襪已無
親可獻黍羔猶與俗相宜數千里外縈心事四
立更頭欹枕時懇懇對天香一炷定知人願必
天隨

勸君莫望楚雲飛一片雲飛兩淚垂去歲尚傳
鴻鴈信今年空念鶻鷁詩大刀折處心尤苦半
臂添來體更羸鼓笛謾將聽事聒誰知裏面有
人悲

喜雪用禁物體

丁巳十二月六日

傍海風癡剪水難偷他瑞葉散雲端可須滕巽

卷一

三

源

同宣力坐使顛冥不曠官衣去聲被麥苗攪臘到
裝禡花樹借春看明年定賽今年熟野老心脾
更體胖

一帳誰將罩太虛但憐鴈字不堪書江山盡在
光華裏宇宙真成渾沌初險地豈容呈坎墮荒
林無復露空踈休將入蔡功名詫思播新聞却
衆狙

再用前韻

剪水工夫入細難飾塵屑未粲豪端司寒便合
修年譜凌室何妨踐世官惠可立時師受記焦

先卧處衆爭看只緣一竅丹成熟四體那拘瘠
與胖

中夜懷歸夢赴虛柰無黃耳寄家書高人不問
閉門後征士應思遣戍初壓棟排簷能拉朽穿
簾入隙解乘蹊遥知山谷皆封路食絕腸飢有
怒狙

三用喜雪韻呈同官諸文不敢輟禁
物之令也

不用憂他道路難渾淪宇宙杳無端齊腰若未
能逃佛滅迹何妨且弃官節士挺身松栢比田

吟藁上

三四

楷

翁滿眼稻梁看明年飽喫宣州飯管取便便此
腹胖

光浮暗室不因虛凍筆難呵且罷書可是羞明
宜夜後何妨等伴到春初累茵合念閭閻苦返
棹非於故舊踈堪笑老禪功用狹但能分食飼
援狙

四五用喜雪韻

不數玄真與木難也休剪綵綴林端五車自有
神朝闕萬寶非因賈送官老大已殘涸曲夢推
敲且作灞陵看忍寒袖手青燈畔解字閑書胖

去聲 與胖

富貴家家遣五虛不須乞米効顏書垢除與物
重更始朴散于今暫復初狡兔迷藏罝謾設游
魚潛伏網應踈此恩箇箇當沾被莫逐林間竊
芋狙

戰退妖狐是不難飛毛散羽息爭端甕眠但願
爲逋客靴没何須慕大官化化形形隨物付平
平坦坦與人看閉門獨有袁夫子窮餓難磨氣
象胖

覆蓋無分實與虛太平有象史官書園林底用

吟卷二

三五

任慶

誇末至山水惟應訪遂初潤到青蔬尤脆美老
添蒼檜更扶踈是中廣莫天同大何妨有
傲狙

六用喜雪韻

白戰從來號令難不知此令孰抽端開倉自有
齊相國排戶何煩漢縣官坐覺閭浮塵世隔便
同佛度化成看遙思蘇武囚深窖氣力雖微志

自胖

虛

梵宮樓閣正橫空俯瞰平疇一幅書宿鳥投林
迷所自野糴尋穴失其初茅柴熟處功非細楫

柢燒來計未踈回首少年觀校獵忽飛一騎射
山狙

七八用喜雪韻

不持寸鐵事應難何止空空竭兩端遠麓遮藏
山被檄輕冰裁剪水能官將梁兔苑瀛洲比把
蔡鷺池臺閣看獨羨當年灰袋客雪埋氣宇更
充胖

鑿賊邪川正瞰虛庚牌畏雪發軍書光搖關角
更傳後色眩觚稜月上初大抵衣袂須早戒莫
教戶牖有時踈喜聞庸蜀羣庖吠辟易何分攫

吟卷上

五

手

與狙

也知天女散花難束帛_多幾_多幾_多正端富貴何妨
還白屋繁華亦欲傲蒼官梁山操裏聲愁聽湘
水圖中景喜看爭似寒爐煨芋者身心何處不
休胖

有年呈瑞厭_{入聲}孤虛不用東封更獻書鴈背巖
凝能備預鵲搜儲蓄善謀初併衣左伯情何厚
穿履東方計莫踈聞說山林皆凍合徧狙無處
覓雄狙

九十用喜雪韻

不用韓非騁雪難異同堅白謾多端恍迷千界
現梵國駢集萬妃驅女官要得彘生將罟沒恐
他鼉恠作城看道人宴坐蒲團上外景常如內
景胖

臘中三白瑞非虛不慮無冰魯史書臺長新蔬
蒙賜後根舒宿麥受恩初憑陵敗絮寒能重撲
款斜總曉漸踈林抄窮猿應禁口糊孫乞食向
公狙

今歲鑿寒亦大難裁裘製褐費無端旋添酒興
嫌工正旁索詩材喜裨官見曉未消亭午待加

吟卷上

毛

志

霜更潔翌朝看遙憐掃巷歡娛輩大體何知小
體胖

陳年古屋瓦浮虛穿漏時將被覆書集謝曾陪
上相後映孫難忘秀才初埒花似鏤多奇異簷
柱如排少闕踈吏卒報衙天未曉老身牽強類
冠狙

十一二用喜雪韻

水潑衾裘夜卧難也休煖足喚端端平生自是
冰爲氏此際何妨火紀官無色圖從天地展有
聲畫與古今看忽思十萬邊兵冷膚體相關豈

獨胖

片片穿帷解擣虛夜明細字亦堪書五車現瑞
從今後一尺呈祥復古初煖室溫軒人起晏遠
坊窮巷客來踈茅山見說黃精熟山友迷蹤餐
黠狙

長安貧者再炊難臙肉蒼頭飮舌端食雪自應
還猛將飲冰只合付清官尚與塞外鳴弦想賸
欲江頭把釣看只恐逢他吹鐵笛骨寒股戰失
吾胖

只堪閉戶著潛虛欲作遨頭畏簡書乍密乍稀

吟葉上

天

付廷

雲凍後半融半落雨收初封條正恐觀梅錯漬
穀猶疑學稼踈却喜明朝春稅駕氣甦萬萬音
與狙狙音

十三四用喜雪韻

安西都護肯辭難不怕亡胡起怨端節義士知
堪作使神僊人豈戀爲官寒肩此際如樓聳眩
眼當年似席看百丈山中誰築室是中非隘亦
非胖

瑞氣應纏牛女虛坐令三白歷家書竹寒不用
歌周末粟腐行將紀漢初蟠際混同能廣大方

圓成就更通踈狐猿夜半疑天曉叫起攀林掛樹狙

普博誰云仁道難剪裁妙巧智之端都將凡物換英物盡欲熱官成冷官色即是空隨手滅恩生於害轉頭看大千界裏毫光徹稽首惟應禮屈胖

雪邊好景說涵虛欲往從之掣簿書王道平平須有象皇風浩浩恐無初舉遮正恐渠難耐罷掃緣憂彼作踈翠浪黃雲來歲事已應癡望到鬢狙

吟卷一

三元

源

和史司直韻

南方一佛放圓光散作闍浮蒼葡萄香便把此花爲讚祝更將何物獻休祥建中

聖主平平蕩錫福

明王簡簡穰共喜太平今有象新年好「萬年觴

疑恠虛惚徹夜明曉看積雪與堦平雖知樂歲無捐瘠尚恐祁寒有怨情天地渾淪方返朴

國家需澤正哀惻

近方朔慈幼

院區區甚願祈三白只

怕人間忌滿盈

滕翁只道老非才不料窮冬雪壯哉擬撥寒蔬
尋早韭試尋玉樹索寒梅孤汀錯認鷁爲鷺四
野偏宜牟與來聞說廣鞮西北走將軍已自播
州回

空中萬鶴舞盤旋飛向西天祇樹園一幅繒綃
包宇宙連城珪璧委郊原冰笳莫弄兩三曲鐵
甲猶聯百萬屯痛痒不知惟党二至今浪有姓
名存

世間傳假不傳真丞相可曾城換銀巷掃他家
難敵富擘披之子未爲貧也知東郡行春守便
作南溪釣雪人指碣爲瑤慚興寄恨無一縷引
千鈞

四明續志卷第九

四明續志卷第十

吟藁下

金陵 吳 潛毅父

和袁尚書韻



珠琲無煩費斗量家家潑撒不珍藏
渾疑入臘梅花放已卜來年稻顆香
萬感固知由氣類一根元只自心秧
天憐老子憂民切將變荒州作富穰

同前

蒙需黃芽且拜名製饋
藥次韻不敢偏廢也

吟藁下

一

任慶

寂喧相去幾由旬禽戲何妨小屈伸
退步自應行步穩識心安用捧心顰
又看桃板迎新歲定是蒲輪訪舊人
粒粒金丹分二百祝公文六現金身

和趙知錄韻

黑風吹海屑銀濤莫辨秦瑰與楚瑤
煮水煎茶還我輩竈煙文武火須調

甫能乞得六花飛又要憂它褐與衣
爭似煙江漁釣侶賣魚沽酒唱歌歸

造物從來害是恩由它珪璧委千門
梅梢已露春消息小向涵虛駐客軒

再和趙知錄韻

妖蜃吹城匝海濤也疑瀛島產琨瑤老滕解把
真成妄郢曲如今始再調

只道梅花已亂飛何須點綴謝莊衣獨欣凍死
安西虜載取狐巴馬上歸

何煩洛令市私恩有客甘貧自閉門恰似明州
前錄事清高直可做羲軒

餞趙物斛

戊午五月十七日

九折羊腸路險巖險巖過了始平夷風霜雨露
無非教菌槿椒蘭各有時退步元來天地闊捫

吟葉下

二

任慶

心自是鬼神知莫嫌載月舟如洗贏得清名滿
海涯

同寅兩載意何傾不是人間兒女情嫉惡吾方
欠隱忍鉏姦君亦太分明是非烈日秋霜勁利
害浮埃抹電輕臨別一言何所贈做人須做十
分成

精義無窮在艱籤更須於易倍深拈陽竒陰偶
機難測往屈來伸理可占有謂宣尼夫乃佞或
云仲子烏能廉聖賢言行多參攷美疚猶應用
石砭

喜雨和趙右司

車水耕田正閔農夜來好雨一犁通相近可是
須羣望陟降元來即上穹擊壤何曾知帝力觀
風誰與達天聰見他東作思南墅愁殺江南桑

苧翁

相近
作懷
格

喜雨和史司直

六丁海面揭封回天上屯雲撮得來連月不曾
聽澍雨今年方始見轟雷定知水畝移秧種底
用泥塗把穀栽聞說

君王勤露禱固應妖魃不能栽

吟葉下

三

性定

簷溜終宵稍慰心更須三日始爲霖雲雷尚覺
經綸狹暑雨猶疑咨怨深不假溟鯤能激水何
須埳鶴解知陰回頭谷口耕樵侶辜負盟言愧
斷金

秋思一首寄方君遇

西風黃葉墮階前秋思撩人已可憐身漸衰來
非一日心都懶處是今年愛憎毀譽何關我消
息盈虛要識天六十四翁九百足只祈

君相放歸田

寄丁丞相

今年快活好重陽

君相都俞盡主張飛語不容輕點污細書那更
極揄揚無風無雨稻粱熟有酒有螯棖橘香只
待防冬平靜了來春衣錦又還鄉

喜雨預卜淮寇之遁口占小詩呈同

官下元節

醜虜逋誅尚不庭敢驅羊犬瞰邊城滂沱無此
十月雨攘卻過如百萬兵狗帳縱氈淋易透馬
蹄雖溢滑難行只願皇天相佑助皇天佑助豈
人情

喻臺下

四

文

景回兄和篇甚佳信筆再用韻

犁掃終當盡穴庭將軍夫豈但嬰城何妨水潦
威曹賊應以風聲懾晉兵中立運籌飛凱奏昌
黎吮筆草歌行開年東作吾何在野老相携話
故情

昨日連晝夜之雨尤可喜再用前韻

佛狸索死離龍庭堪突披猖欲背城金爲水懸
憂後爨弓因雨弱失長兵突三千人如電掃誅
兩萬戶若風行又報廣南騰露布太平從此慰
皇情

和丁丞相

夷狄爲陰中國陽豈容羊犬更鴟張捷書一紙
來從廣凱奏連旗至自揚盡瘁元臣食放箸媮
安老守寢凝香但憐此土非吾土歲晚天寒憶
故鄉

和惠檢閱送胡計院韻

小借園林一餉閒相携送客上天關頽齡晚歲
淒涼裏今日明朝聚散間極目煙雲方渺渺滿
蹊桃李正斑斑老來尚被冠裳縛坐對漁舟亦
厚顏

吟囊下

五

三六

行小圃偶成唐律呈直翁自昭叔夏

己未二月
二十六日

今年花信已成空白紅紅苦雨中老境摧頽
春更好愁城高聳酒難攻一生當號知非子萬
事都歸亡是公巴得新晴天亦笑東風吹夢過
江東

和劉右司履孫見寄六絕一律

老子誰知密度關却支筇杖訪荒園故應我輩
鍾情別佳話真堪詔子孫

撩我歸心更欲歸綠英已是換紅菲分明不似

高空鳥無弋無矰到處飛

鵲絆晴絲柳絮乾金沙玉李鬪開顏此時此景
此中意付與僊翁一餉閒

醪醑萬玉吐幽香芍藥千紅護綠裳好景只供
人借看尋思百計是歸強

小兒亦解挽公留知有人間第一流老我相思
無盡藏臨風一日幾搔頭

愁來只是向無何浮聖沉賢共一波若見江南
煙釣侶寄言好與曬漁蓑

我家碧雲畔中有最高亭閱世已頭白看山猶
眼青誰能環北轡那更徙南溟歸計天須許煩

今卷下

六

源

占處土星
送十二知軍領郡澄江

門戶喜方興送兒五馬行

君恩天樣大家法水能清但務平平政何須赫
赫名也休扳汝父皂白太分明

老父如汝年監州尚折旋後生何聞望小郡亦
藩宣申浦秋潮落君山暮靄連菊時吾去此訪
汝擊羣鮮

古風一首送常明仲還里社

躋軒吾石友相從三十年舌本多文獻留筇皆
簡編脊梁硬於鐵雖貧不言錢古井波愈靜老
榦骨尤堅眨眼七十翁酖顏映銀髯舜我歸舊
隱從此將終焉我懷雖惻楚君意難棄捐顧我
亦歲徂華髮蒙其顛 君王念惟蓋高車會當
懸爾汝一遽廬日月雙彈圓合離與聚散暮景
必復然以茲強排遣送君鄞水邊空江漲夏涼
遠山生夕煙野鳥投林飛漁舟衝浦還萬物各
有適人生且隨緣江東企西浙道里無半千幸
及身強健尚可相周旋所愧韓魏公不能官老

泉

明仲小姪歸江浙餞之西渡有感

躋軒從此入山深阿阮同途反舊岑老大分携
朋友意死生契闊弟兄心碧雲悵望家千里白
髮飄零酒一斟歲晚情懷易感觸不堪衰淚忽
霑襟

宿秧青碧稗秧黃長葉抽苗勢已張田就再耘
秋有準水收積潦旱無傷老牛引犢挨籬卧新
燕將雛貼水翔一壑一丘吾亦有誰憐留滯尚
他鄉

錢鄭宗丞

煙靄晚將合湖山景致嘉誰為千里別客負一
年花心事違春事年華上鬢華扁舟何日發回
首水雲賒

天寧長老新齋堂請轉語

慧公幻出一齋堂巨棟危梁壓十方更有心堂
無量闊闊中別有好思量

因藏主持此稽首諸山如有小小寺
院保明出世

吟笑下

八

茂

牛背牽來一牧兒要從古道去揚輝莫學當年
隻履客無人秋采却西歸

代為大川重說偈言

無流無派亦無源糲食充飢衲禦寒直下承當
直下了有何佛祖有何傳

僧若珪求短偈

黃連甜兮甘草苦這些滋味許誰知宰官具足
端嚴相畢竟元無病可醫

山偈寄無聲老師

聞師遭遇善知識布衲時聞羅綺香照管為他
眼景轉投胎託舍沒思量

前輩老古雖多有
此等事醒醒着

又山偈就寄善知識

傳語當年白侍郎住行坐卧只尋常須彌山子
才翻却便是人天大法王

題暗香疎影詞後用潘德久贈姜白

石韻

人生浮脆若菘蒲四十年前此丈夫擬向西湖
酌孤魄想應風月易招呼

苦雨吟十首呈同官諸文

己未五月十七日

舊雨連今雨南鳩喚北鳩聲聲腸寸斷點點淚
交流歷耳風來處疑昨天盡頭衷情如此苦造
物亦憐不

龍筆

九

茂

自春爰及夏多雨少曾晴積壓兼旬潦瀰漫四
澤盈稚苗憂冒沒矮岸恐頽傾急遣洪賓佐代
余省爾氓

洪穴隄九九泚水注之江荷鍾來如織奔湍去
若撞雨聲雖斷續潦勢已賓降想見魚秧泛沙
汀白鳥雙

早晚遣長鬚行田西北隅稻禾都旺否廬舍莫
滄無高仰爲何磳低窪是某都水痕如退落分
寸要相符

正直三神列慈悲一佛尊須知真實念是謂吉
祥門巨浸旋歸壑頑雲漸散屯更憑驅日馭揮
霍照乾坤

田官決水歸喜若潰重圍晚種禾頭出新耘稻
本肥已如雲氣勃只恨日光稀安得驅夸父搪
開萬里輝

海鄉多下田潢潦易纏綿雲脚晚希露天心朝
望穿壤蚯方惡出穴蟻又憂遷翻覆陰晴證愁
腸日幾旋

連朝雨水淹燕寢似窮閭無處可就燥何時得
慶

附炎頻占季主卦屢乞鮑君籤千里人知否心
香日夜添

五鼓立中庭踈星一二明轉頭雲復合移步雨
還傾感召雖人事怨咨柰物情號空猶未應隱
痛痛無聲

老守窳憂農往來思慮忡半時半刻裏一飯一
茶中飢溺真猶已恫瘝在厥躬天高元聽下一
念豈難通

久雨喜晴檢閱計院紀以春容之篇

敬用韻爲謝

夜來坐客有蜀人鄧君
莘起勉余爲全晚節計

故末句
云然

樂天何愛詠堯夫非好吟愧乏康濟術粗懷飢
溺心彌旬雨翻屋耄倪泣蒼旻微臣職芻牧癢
痛入肌深行若負刺芒坐如隱羶針再拜告入
神月寸心秉堅金蠲租還已債議獄并弛刑但
求講實政何暇競虛名 天威咫尺臨昏翳忽
開明宿苗旣豐碩稚秧靡飄淫阿香亦効靈排
陰吐洪音推出太陽輝天外旋收聲老守寬近
憂濁醪呼客斟客有勸翁歸前身豈傳霖

賡劉自昭出郊佳什

己未六月十七日西郊觀稼

吟筆

土

茫

倦聽衙官報兩衙出門山水即吾家淺深碧綠
湖田稻濃淡紅黃野岸花草草人生知有限悠
悠客恨自無涯涼颺特爲驅袪暑白鳥青天萬
里賒

出郊偶賦

己未六月十七日

聊驅小隊出郊圻天遣涼風却午曦雨脚似披
千疋練山容如障數層帷並岸低疇苗領長近
坡高隴稻頭垂因他景物思吾土還是黃雞白
酒時

高橋舟中

己未四月初六日

小隊旌旗西郭頭，筍輿緩步看農疇。十分田有九分闢，今歲人無去歲憂。貼水新秧頭欲起，連雲宿麥頷都收。天憐老子勤民瘼，賜與豐年不待求。

小麥青青大麥黃，海鄉風物亦江鄉。籃鋪蠶種提歸急，肩夯牛犁出去忙。春漲半篙波激灩，曉山一帶色微茫。東風客子思歸切，不待啼鶻也斷腸。

水雲鄉和制機劉自昭韻

己未四月六日

不禁歸夢五更長，出見寬閑若故鄉。天外慘舒

吟藁下

十一

任廷

雲黑白隴頭，大小麥青黃。水雖四澤無蘆葦，地不多山少柘桑。却有一般堪愛賞，虬髯老檜鬱蒼蒼。

問君身世欲如何，付與漁翁款乃歌。未酪酊時須酪酊，得磨駝處且磨駝。聲名草木知誰是，功業旂常在古多。百尺危橋聊吊往，薰風首夏正清和。

水高只合汎歸舟，老大何須說壯猷。樂事尚堪葵麥候，豐年已兆黍禾秋。西曹以負平平考，東郡今稱上上州。不待子規相勸督，衰翁何止四

宜休

和謝惠計院

插種如雲四月頭，代它田畷閱耕疇。意行不敢煩君重，詩到偏能寫我憂。占穀喜看連歲熟，麗琛聞說十分收。各家官事隨宜了，尊酒相過莫外求。

千林新綠褪，萎黃人在它鄉某。水鄉白鳥閑，閑疑冷看蒼鷹擾。擾正乾忙，阿婆塗抹情何在。老子夢騰視已茫，二頃良田元不欠。一聲布穀斷人腸。

吟葉下

圭

園

寄樗寮張寺丞

春來物物攬愁腸，排遣惟應闖醉鄉。無奈督郵風味惡，桃花流水願分嘗。

舟檣娥祠敬留二絕

寶祐丁巳夏五
中幹前一日

孝娥何意要垂名，重在天倫一命輕。若訂漢家彤史，傳淳于公女尚偷生。

雖然墟墓一拳土，泰華衡常未必侔。感動行人忠孝淚，滄江不斷水東流。

口占謝翁處靜

年來戶外故人疎，慙愧新詞解起予。賀監本家

明與越扁舟來訪問何如

君異鄭兄出示舊詩蓋紹定初所信
筆也俛仰三十年矣戲成口占復歸
之

彈指江湖三十年淋漓舊墨尚依然人生未必
堅如紙心事淒涼雪滿顛

和翁處靜賦木香己未三月二十日四明堂

黃蘗檀心襯綠衣細成碁架四方齊只緣鼻孔
撩天去特遣清香起自低

喜雨二解呈檢閱同官
諸丈已未七月

烏糞新春玉粒堆齊頭穞糞又相催高田猶怕
夾秋旱上界俄聞發水雷幾日雲車停野外今
宵雨沛入城來須臾簷溜如奔峽枕上吟哦一
快哉

須知造化自心生風雨雲雷特踐形人在兩間
元有事天於萬類豈無情焦枯蒙潤物蘇醒昏
聾去悶得涼身泰平昨夜挑笙時便替定應收捲

向金莖

中秋無月咏曾儀吉制幹

見說瓊樓感煞寒雲衣特地護宵端也應齒髮

十分老自是嫦娥一笑難此夜不妨留客醉明年未卜共誰看歸與丘壑無窮趣何惜相從樂且盤

賦惠計院允堂

荆溪惠子鬢鬢鬢義理鑽研到粹精允以名堂由意實漫去從仕但心亨一窻春草無窮意四壁秋蛩不斷聲若向此中能領會始知持敬造存誠

謝惠計院分餉新茶

乾坤正氣清且勁長挾春風作襟韻不惟散滿詩人脾還入靈根茁苔穎顧山仙人墨滯家帶春蒐摘黃金芽擣碎雲英琢蒼壁旋瀉玉六一浮白花半甌和露沾喉吻甘潤遠肌香貫頂孔光賢處不脂韋長孺直時無苦梗平生腐儒湯餅腸不堪八餅分頭綱多君鄉味裹將送謂我詩情應得嘗分無娥眉捧玉椀亦乏撐腰五千卷活火新泉點啜來儼若少陽人覲面飲散登臺嗅老香却憶家山菊徑荒明朝便作玉川子兩腋乘風歸故鄉



〔開慶〕四明續志

六

如
又
詩
餘

象父詩餘

四明續志卷第十一



詩餘上

金陵

吳

潘毅父

沁園春

丙辰十月十日



夜雨三更有人歌枕曉簷報晴筭頑雲凝霧不
難掃蕩青天白日元自分明權植油幢聊張皂
纛坐聽前騶鼓角鳴君休詫豈宣申南翰成且
東征 鴻冥哽噎秋聲正萬里榆關未罷兵幸
揚州上督為吾石友荊州元帥是我梅兄約束
鯨鯢奠安鼯鼠更使岵夷海晏清連宵看怕天
狼隱耀太白沉槍

詩餘一

一

顧楷

同前

戊午自壽

笑指頰齡循環雌甲卦數已圓歎蜀公高潔休
官去歲温公耆舊入社今年底事崎嶇蒼顏白
髮猶擁貔貅護海堧 君恩重筭何能報國未
許歸田 遙憐宛甸山前正水漲溪肥繫釣船
縱葵榴花鬧菖蒲酒美都成客裏爭似家邊寄
語兒曹若為翁壽只把鷗盟更要堅翁還祝願
櫂槍日靜擺檣雲連

同前

己未翠山勸農

二十年前

君王東顧詔收此州念昔時豪傑

猶難闢闔如今老大却更遲留四載相望平三

春又半邂逅音農得縱遊田疇事是桑條正

長麥含音初抽悠悠身世何求筭七十迎頭

合罷音休謾繞堤旌纛牽連鷓鴣喧天鼓吹斷

送龍舟翠巘層邊碧雲堆處一檐擔來天外愁

如何好且同斟綠醕自課清謳

寶鼎現和韻已未元夕

晚風微動淨掃天際雲裾霞綺將海外銀蟾推
上相映華燈輝萬砌看舞隊向梅梢燃晝丹燄
玲瓏玉藥漸陸地金蓮吐徧恰似樓臺臨水

詩餘二

步

老子歡意隨人意引紅裙釵寶鈿翠穿夜市珠
筵玳席多少吳謳聯越吹繡幕捲散繽紛香霧
籠定團圓錦里認一點星毬掛也士女桃源洞
裏聞說舊日京華般百戲燈棚如履待端門
排宴三五傳宣禁侍願樂事這回重見喜慶新
開起瞻

聖主齊壽南山勢拱東南百二

晝錦堂已未元夕

綺縠團成珠璣擗就極目燈火樓臺七子八仙
三教耍隊相挨管簫笙簧相間闐遠如聲韻碧

霄來環千炬寶珊絳紗雲毬霧袞交加 千里
人笑樂游妓合脂塵香藹籠街盡道今宵節物
天與安排晚來風陣全收了夜闌還放月兒些
休辭醉長願每年時候一樣情懷

賀新涼

丁巳歲壽叔氏

未是全裘暮但相思昭亭數曲水村煙墅只比
兒兒額上壽尚有時光如許况坎子常交離午
須信火龍能陸戰更驅他水虎蟠滄浦崑崙頂
時飛度 東皇驀向崑崙遇道如今金階玉陛
待卿闊步猶恐荆人攀戀切未放征帆高舉怕
公去狐狸嗥舞江漢一詩誰作者想聲聲讚祝
明良聚天下久望霖雨

同前

和翁處靜
桃源洞韻

拍手闌干外想回頭人非物是不知何世萬事
情知都是夢聊復推遷夢裏也幻出雲山煙水
白白紅紅雖褪盡儘昌條浪蕪皆春意時可醉
醉扶起 瀛洲舊說神仙地柰江南猿啼鶴唳
怨懷如此三五阿婆塗抹徧多少殘櫻剩李又
過雨亭皇初霽慚愧故人相問訊但一回一見
蒼顏耳誰念我鷓鴣志

同前

再和

宇宙元無外，問當年渠緣底事，強逃人世爭似。
劉郎栽種後，長恁元都觀裏，何用羨武陵溪水。
一見桃花還一笑，領春工千古無窮意。兒女恨，
且收起。洞中空闊多閑地，但人間羊腸九折，
未能知此。我已衰翁君漸老，那復顛張醉李。
看翻覆雨陰風，霽睡得清和時候了。艤扁舟，只
待歸來耳，惟處靜解吾志。

同前

三和

了却兒癡外，撰園林亭臺館榭，謾當吾世紅楮。

言餘一

四

夢

朱橋相映帶，人在百花叢裏，更依約垂楊襯水。
檜栢芙蓉，棖桂菊也，還須收拾。秋冬意，閑坐久，
忽驚起。繁華寂寞，千年地，便淵明桃源記在。
幾人知此，雙手還銀菟，印趁得東風行李看。
鄮嶺鄞江，澄霽從此歸歟，無一欠。但君恩天
大，難酬耳，嗟倦鳥投林志。

同前

和趙丞
相見壽

雪鬢難重綠，但翛然黃庭境界，抱藏龜六也。向
無何鄉裏去，白墮舟邊，漾漾淥筭種。種塵緣都足，
爭那名韉，猶繫絆儘辜它。猿鶴雙溪，曲時又夏。

無人深院靜猶憶碁敲嫩玉還是朱櫻初熟
手指提爐香一炷黯消魂竚立闌干曲閑轉步
數脩竹 新來有箇眉峯蹙自玉姚后魏都褪
只成愁獨鳳帶鸞釵宮樣巧爭柰腰圍倦束謾
困倚雲鬟堆綠淡月簾攏黃昏後把燈花印約
休輕觸花燼落淚珠簌

同前

和劉自昭
俾壽之詞

寶扇驅纖暑又淒涼蒲觴菰黍異鄉重午巧索
從來無人繫惟對榴花自語也何用謳秦舞楚
生愧孟嘗撓一日歎三千客汗揮成雨如伯始

詩餘上

六

方

謾台傳 循環浩劫無終古但坤牛乾馬抽換
是長生譜安得戕天天便許歸煉金翁木父問
海運爭如穴處一笑流行還坎止算陳陳往事
俱灰土南墅鶴想思主

田文月廣皆
生於五日

暗香

猶記己卯庚辰之間初識堯章于
惟揚至己丑嘉興再會自此契闊
聞堯章死西湖嘗助諸丈為殯之
今又不知幾年矣自昭忽錄示堯
章暗香疎影二詞因信手
酬酢并賈潘德父之詩云

曉霜一色正恁時隴上征人橫笛驛使不來借
問孤芳爲誰折休說和羹未晚都付與逋仙吟

筆筭只是野店踈籬樵子共爭席 寒圃衆籟
寂想暗裏度香萬斛堆積惱他鼻觀巡索還無
最堪憶萼綠堂前一笑封老幹苔青莓碧春滿
也應念我要歸未得

踈影

佳人步玉待月來弄影天掛參宿冷透屏幃清
入肌膚風敲又聽簷竹前村不管深雪閉猶自
繞枝南枝北筭平生此段幽竒占壓百花曾獨
閑想羅浮舊恨有人正醉裏姝翠蛾綠夢斷
寃驚幾許淒涼却是千林梅屋雞聲野渡溪橋
滑又角引成樓悲曲怎得知清足亭邊自在杖
藜巾幅

梅聖俞詩云十分清意足
余別墅有梅亭扁曰清足

暗香 再和

雪來比色對淡然一笑休喧笙笛莫怪廣平鐵
石心腸為伊折偏是三花兩葉消萬古才人騷
筆尚記得醉卧東園天幕地為席 回首往事
寂正雨暗霧昏萬種愁積錦江路悄媒聘音沉
兩空憶終是茅簷竹戶難指望凌煙全碧憔悴
了羞管裏怨誰始得

踈影

寒梢砌玉把膽瓶頓了相伴孤宿寂寞幽惚節
影橫斜宜松更自宜竹殘更蝶夢知何處只在
昭亭山北問平生雪壓霜欺得似老枝擎獨
何事燕脂點染認桃與辨杏枝葉青綠莫是冰
姿改換紅粧要近金門朱屋繁華艷麗如飛電
但宛轉斷歌零曲且不如藏白收香旋學世間
邊幅

驪香

儀真去城三數里東園梅花之盛
甲天下嘉定庚辰辛巳之交余
猶及歌酒其下今荒矣園乃歐公
記君謨書古今稱二絕猶憶其詞

云高覺巨桶水光日景動搖而下
上其寬闊深靚可以答遠響而生
清風此前日之頹垣斷塹而荒墟
也嘉時令節州人士女嘯歌而管
絃此前日之晦冥風雨黽蹙
鳥獸之嗥音也令人慨然

淡然絕色記故園月下吹殘龍笛悵望楚雲日
日歸心大刀折猶怕冰條冷蕊輕點汚丹青凡
筆可怪底屈子離騷蘭蕙獨前席深院宇更
寂正月斷古邦暮靄凝積何郎舊夢四十餘年
尚能憶須索梅兄一笑但矯首層霄空碧春在
手人在遠倩誰寄得末段懷故人

疎影

唾瓊笑玉向畫堂可肯風露邊宿耐凍禁寒便
瘦宜枯前身莫是孤竹從來不上春工譜夢不
到沉香亭北筭只消淡影疎香伴箇幽棲人獨
莫待癡蜂駉蝶倩青女捺住多少紅綠落馬
寒蘆翠鳥冰枝近傍三間茅屋

想這般夷曠襟懷眇視乾

貞坤怕

暗香

用韻賦雪

九垓共色想洛濱劍客吹呼長笛爭豸老松別
樹平欺爛柯折應是千官鶴舞騰賀表誰家椽

詩餘

九

筆賜宴也內勸宣來直箇是瑤席 休怪巷陌
寂有一種可人掃了還積悲飢閉戶僵卧束安
我偏憶凝望天童列嶂誰大膽偷藏遙碧待問
信清友看怕難認得

疎影

千門委玉是箇人富貴才隔今宿冒棟推簷都
未商量呼童且伴庭竹千蹊萬逕行蹤滅杳不
認溪南溪北問白鷗此際誰來短艇釣漁翁獨
偏愛山茶雪裏放紅艷數朶衣素裳綠獸炭
金爐羔酒金鍾正好笙歌華屋敲冰煮茗風流

觀念不到有人洄曲但老農歡笑相呼麥被喜

添全幅

水龍吟 戊午元夕

十洲三島蓬壺是花錦一團裝就輕車細輦綺
羅香裏夜光如晝朱戶笙簫畫樓簾幙有人回
首想金蓮燦爛星毬縹緲那風景年時舊

應念白頭太守怎紅旗六街穿透鋪排玳席追
陪珠履且醺春酌楚舞秦謳半慵鶯舌疊翻鴛
袖把千門喜色萬家和氣祝

君王壽

詩餘上

永遇樂 己未元夕

十

第

和氣薰來這般光景管無風雨畫棟朱甍錦坊
繡巷娘子將嫖母星毬高掛燈樓趨出良夜正
消增五遨頭事牙旗鐵馬且還那時鄞府

甘泉見說捷書頻奏漸次不煩鼙鼓雙鳳雲間
六鼉海上祝讚齊手舞三呼聲裏

君王萬壽歲歲傳柑笑語便都把昇平舊曲腔
兒旋補

同前 再和

天上人間這般光景管無風雨繡戶珠簾錦坊

花巷戲隊將嫖母月扇團圓星球粲爛路遍市
三街五升平事牙旗鐵馬且還舊家藩府
三陸見說凱歌頻奏漸次不煩鼙鼓雙鳳雲間
六鼇塵外想見都人歡舞火城春近金蓮地匝
消夜果邊曾語元宵宰執賜消夜果如今但梅花紙帳睡
魔欠補

同前

祝告天公放燈時節且收今雨萬戶千門六街
三市綻水晶雲母香車寶馬珠簾翠幙不怕禁
更敲五霓裳曲驚回好夢誤游紫宮朱府

詩餘上

十一

楷

沉思舊日京華風景逗曉猶聽戲鼓分鏡圓時
斷釵合處倩笑歌與舞如今閒院蜂殘蛾褪消
夜果邊自語勸人殺去聲梅花紙帳權將睡補

隔浦蓮

和葉編修士則韻

蘭橈環城數疊霧雨侵簾箔翠竹交加蒼樹幽
鳥聲聲如荅葦岸游綠鴨暮山合天際濃雲罨
水周匝 提携一醉濁賢清聖歡洽瀛洲美景
盡道東南都壓今日愁顏回笑頰飛屨且將萱
草歸插

同前

會老香堂和美成

扇荷偷換羽葆院宇人聲竊獨步亭臯下闌干
並棲幽鳥新雨抽嫩草簷花開一片萍鋪沼燕
雛小 書空底事那堪手版持倒令來古往幾
見北邙人曉鄉號亡何但日 到休覺陶然身世
塵表

水調歌頭

出郊翫水

小隊旌旗出畫鷁倚篙行青秧白水無際中有
一犁耕聽得田翁相語今歲時年恰好眨眼是
秋成老守何能解持此報 皇明 望家山千
里外楚雲平良田二頃非村非郭枕柴局况有
簷林香透更有楊堤陰合蒐夢每宵征巴得西
風起吾亦問前程

同前

小憇萊氏園用前韻

老圃無關鎖放客意中行頓欣天地開闊煙釣
與雲耕荷長亭亭翠蓋竹長森森葆景致開
裝成幾樹榴花發映水色偏明 綺樓空金屋
靜恨難平鼓箏簫笛誰憐冷落暗塵偏回首百
年人事轉眼幾番今古日邁月俱征且盡一杯
酒退步是前程

同前

夜來月佳甚呈景回自昭二兄戊午八月十八日

過了中秋後今夜月方佳
首來前夜圓滿才自
闕些些掃盡烏雲黑霧
放出青霄碧落恰似我
情懷把酒自斟酌脫畧
到形骸問渠儂分玉
鏡斷金釵少年心事不
知容易鬢邊華千古天
同此月千古人同此興
不是旋安排安得高飛
去長以月為家

同前

戊午九日偕同官
延慶閣過碧址

重九先

去聲

三日領客上危樓滿城風雨都住天

亦相遨頭右手持杯滿泛左手持螯大嚼萸菊
互相酬徙倚闌干角一笑與雲浮望平疇千

音餘

三

源

萬頃稻梁收江澄海晏無事贏得小遲留但恨
流光抹電假使年華七十只有六番秋戲馬臺
休問破帽已颼颼

同前

再用前韻

天宇正高爽更躡最高樓長風為我驅駕極目
海山頭不用牛山孟浩不用齊山杜牧人景自
堪酬舉酒醉空闊汗與漫為游撚黃花憐白
首恨難收頰齡使汝能制何待更封留眼底朱
夢晝棟往往人非物是蟋蟀自鳴秋萬里一搔
首無處著蕭颼

同前

喜晴賦

屯結海雲陣奮擊藉雷公忽然天宇軒豁杲日
正當空照出榴花丹艷映出榴花玉色生意與
人同閉縱一翻手造化不言功 想平疇禾穉
穉黍芄芄老農拍手相問相勞去聲笑聲中辦取
黃雞白酒戴了山歌村舞等得慶年豐此際尊
鱸客倚檝待西風

二郎神

己未自壽

者希近也是六十五翁生日恰就得端陽艾人
當戶朱筆書符大吉卦氣周來重新起怕白髮

寄余一

十四

如

蒼顏難必隨見定信緣餐飢眠困喜無啾唧
盈溢書生做到能高官秩况碌碌兒曹望郎名
郡叨冒差除不一積世 主恩滿家 天祿婚
嫁近來將畢還自祝願早懸車里社始為收拾

同前

再和

近時厭雨喜午日放開天日不用辟兵符從今
去也管定千祥萬吉已報甘泉新捷到况更是
豐年堪必任景物換來蛙鳴蟬噪耳邊嘖唧
陽溢儘茲願乞兵厨閑秩看恰好園池隨宜亭
榭人道瀛洲壓一旦恁浮沉柰何衰悴惟怕放

之名畢安得去占却三神絕頂瑞芝同拾

傳言玉女 己未元夕

衆樂亭前都是鬱葱佳氣越姬吳媛繫珠鈿翠
珥紅銷粉褪幾許麤桃凡李連珠寶炬兩行綈
騎 自笑衰翁又行春錦繡里禁肴宮醞記當
年宣賜休嫌駝逗且向畫堂頻醉從今開慶萬
歡千喜

滿江紅

戊午二月十七日四明窻賦

芳景無多又還是亂紅飛墜空悵望昭亭深處
家山桃李柳眼花心都脫換蜂鬚蝶翅難沾綴

詩命二

十五

精

謾相携一笑競良辰春醪美 金獸爇香風細
金鳳拍歌雲膩儘秦簫燕管但逢場爾只恐思
鄉情味惡怎禁寒食清明裏問此翁不止四宜
休翁歸未

同前 再和

聊把芳樽殷勤勸斜陽休墜吾老矣難從仙客
採丹丘李且趁風光一百五園林尚有殘紅綴
更怱怱百舌對般春聲能美 鸞釵絆游絲細
鴛袖惹香塵膩想冥姬越女踏青纔爾爭似江
南樗櫟社俚歌聲拂行雲裏又枝頭梅子正酸

時鶯知未

同前

戊午二月二十四日會碧止

樓觀崢嶸渾疑是天風吹墜金屋窈窕時曾貯
麝桃凡李鏡斷釵分人去後畫欄文砌蒼苔綴
想當年日日醉芳叢侯鯖美 春水漲鱗鱗細
春草暗茸茸膩筭留連光景古猶今爾椿菌鳩
鵬休較計倚空一笑東風裏喜知時好雨夜來
稠秧青未

同前

碧止月湖四用韻

一笑相携且休管兔升烏墜那更是可人賓客

詩餘一

二

精

未饒崔李金巨羅中醜醜瑩玉玲瓏畔歌珠綴
望湖光一片浸韶光真雙美 雲絮襞能纖細
雲綵聚能粘膩料出山歸岫等閑間爾碧止風
流人去後石牕景物春深裏筭却鄣客夢幾驚
殘炊猶未

同前

二園花卉僅有海棠未謝五用韻

問海棠花誰留戀未教飄墜真箇好一般標格
娉梅奴李怯冷擬將蘇幕護怕驚莫把金鈴綴
望銅梁玉壘正春深花空美 非粉飾肌膚細
非塗澤臙脂膩恐人間天上少其倫爾西子鬢

收初雨後太真浴罷微暄裏又明朝楊柳插清明
明鷓歸未

同前

景田計院行有日約同官數公酌酒于西園取呂居仁滿江紅詞對一川平野數間茅屋九字分韻以幾行色蓋反騷也余得對字就賦

把手西園有山色波光相對金馬客明朝飛棹
水肥帆缺問我年華旬並七異鄉時景春巴二
最堪憐遊子送行人垂楊外聊小小旌旗隊
聊且且笙歌載正冥濛煙雨許多情態南北枝
頭猶點綴東西玉畔休辭避待尊鱸歸思動西
風相携未

詩餘二

七

王闈

同前

蒼雲堂後有桂樹爲冬青遮蔽低垂將墮矣戊午八月呼梓人爲伐而去之賦

斫却凡柯放巖桂出些頭地從此去引風披露
暢條昌葉待得清香千萬斛且饒老子爲知己
趁今宵新月駕空來浮觴裏劉安笑淹留耳
吳猛約何時是想故山深處翠垂金綴須信人
生歸去好它鄉未必江山美問釵頭十二意如
何非吾事

同前

戊午秋半偕胡景回劉自昭二兄下欵待月

試問平生幾番見中秋明月今老矣一年緊似
一年時節底事曾陰生障礙不教玉界冰壺徹
莫姮娥嫌此白頭翁心腸別 風動處浮雲揭
雲綻處清光洩倩何人掃蕩大家澄澈且掉悲
歡離合事相逢只怕尊中竭放兒曹今夜上青
霄探蟾穴

同前

戊午八月二十七日晚進思堂賞第二木

丹桂重開向北際十分香足最好處雲為幕護
雨為膏沐樹杪層層如寶蓋枝頭點點猶金粟
筭人間天上更無花風流獨 玉壇畔仙娥簇
玉梁上仙翁掬歎吾今老矣兩難追逐休把淹
留成感慨時間賞翫時間福怕今宵芳景便凋
零高燒燭

詩餘上

十六

李選

同前

戊午九月七日碧社和制幾韻

歲歲重陽何曾是兩般時景人自有悲歡離合
晦明朝暝日月湖邊來往艇樓臺水底參差影
又何妨時暫狎滄波輕鷗並 閑頓放朱門靜
新結叢朱簾整儘百年人事移場換境欲插黃
花身已老強傾綠醕心先醒羨遊魚有釣不能

收鈎空餅

同前 鄭園看梅

安晚堂前梅開盡都無留萼依舊是鐵心老子
故情堪託長恐壽陽脂粉汗肯教摩詰丹青摸
縱沉香為榭綵為園難安着 高節聳清名邈
繁李俗麤桃惡但山樊輩行可來參錯六出不
妨添羽翼百花豈願當頭角儘暗香踈影了平
生何其樂

同前

再用韻
懷安晚

猶記長安共攀折瓊林仙萼人已去年年梅放

言餘

十九

在正

怨懷誰託和靖吟菟應未醒補之畫手何能摸
更堪憐老子此時來愁難着 雲晝晚煙宵邈
春欲近風偏惡早闌干片片飄零相錯邂逅聊
拚花底醉遲留莫管城頭角且起居魏衛國夫
人聞安樂

同前

戊午十二月八
日賦後圃早梅

問訊江梅漸推出紅苞綠萼堪愛處平生懷抱
歲寒為託瘦骨皺皮猶老硬孤標獨韻難描摸
怕東君壓住等春來鞭先着 止渴事風煙邈
和羹事風波惡想翠禽啁啾笑它都錯爭似花

開顏醉玉月天更引霜天角便一年強作十年
人山中樂

同前

上已後
日即事

寒食清明歎人在天涯海角饒錦繡十洲裝就
只成離索歲去已空鶯燕侶年來儘負鷗鳧約
想南溪溪水一篙深孤舟泊 天向晚東風惡
春向晚花容薄又酴醾架底綠陰成幄舴艋也
聞鈺鼓開鞦韆半當笙歌樂問山公倒載接離
無都休却

同前

己未四月九
日會四明廳

詩餘上

釘闌殘花也隨分紅紅白白綠底事春纔好處
又成輕別芳草萋迷歸路遠子規更叫黃昏月
倚闌干觸處是濃愁憑誰說 我不厭樽罍挈
君莫放笙歌徹自河南丞相有茲賓客一笑何
曾千古換半醺便覺乾坤窄怕轉頭天際望歸
舟江山隔

同前

己未賡李制參
直翁俾壽之詞

午枕神遊曉雞唱城闌偷度俄頃裏筍輿伊軋
征夫前路路入江南天地闊黃雲翠浪千千畝
有瞠翁三五喜相迎鄰田父 旋策杖尋幽圃

旋挈榼陳高俎疑此身歸去朱陵丹府布穀數
聲驚夢斷紗窻小陣梅黃雨把人間萬事一般
看投芳醕

同前

擬卜三椽問何處水迴山曲朝暮景清風當戶
白雲藏屋更得四時瓶貯酒未輸一品腰圍玉
待千章手種木成陰周遮綠且休滯陶令菊
也休羨子猷竹筭百年一夢誰榮誰辱喚客烹
茶閑話了呼童取枕閑眠足但晨鄉一炷謝天
公時豐熟

詩餘二

同前

和劉右司長
翁俾壽之詞

三

三

回首家園竹多屋水還多竹那更是千峯凝翠
一溪凝綠多謝故人相問訊奚奴步步收珠玉
嘆暮林飛鳥也知還尋歸宿徧歷了岳與牧
享過了官與祿筭平生萬事儘無不足爭柰乞
身猶未可只緣欠種清閑福想瞿硎仙子亦相
思山之奧

念奴嬌

詠白蓮用
寶月韻

一般妙質笑樂天誇詫小蠻樊素萬柄參差羅
翠扇金隊西方靚女不假施朱也非塗碧所樂

去聲惟幽浦神仙姑射筭來合共游處 一任冶
妓穠姬採蓮歌裏盡是相思苦花氣荷馨清入
骨長傍銀河東注目澹風輕霧晞煙細忽灑霏
微雨此時心事美人澤畔停竚

同前 再和

爲嫌塗抹向萬紅叢裏澹然凝素非粉非酥能
樣別只是凌波仙女隋沼濃粧漢池冶態爭似
滄浪浦淨鷗潔鷺有時飛到佳處 夢繞太華
峯巔與天一笑不覺躋攀苦十丈藕船游汗漫
何惜浮生孤注午鼓驚回依然塵世撲軟踈惚
雨起來寂寞倚欄一餉愁竚

詩餘一

三一

七虞

同前 三和

白蘋影裏向何人可話平生心素月魄冰菟凝
結就猶薄湘妃洛女吳沼芙蓉陳陂菡萏散入
玄珠浦採花蜂亦霧深都忘去聲歸處 堪笑並
蒂霞冠雙頭醜臉只爲多情苦空遣隔江遊冶
子撩亂心飛目注同出泥涂獨標玉質不是曼
陀雨風清露冷有人長自遲竚

同前 四和

天然皜質想當年此種來從大素一點紅塵都

不染羅列蟾宮玉女色壓蒼林香欺蘭畹肯向
聞筆浦靈龜千歲有時游漾其處應念社結
廬山翻唾靖節底事攢眉苦細葉為盤花當盞
有酒何妨頻注太液波邊昆明池上豈必沾金
雨從教同輩為它皦皦疑竚

大素國名
出荷花

同前

戲和仲殊已未
四月二十七日

午飈褪暑向綠陰深處引杯孤酌啼鳥一聲庭
院悄日影偷移朱箔杏落金丸荷抽碧筒景物
挨排却虛簷長嘯世緣茵簞簪籜休問雪藕
絲蒲佩蘭鈿艾舊夢都高閣惟有流鶯當此際
舌弄笙簧如約短棹雙溪么鋤三徑歸計猶難
託料應猿鶴近來多怨離索

八聲甘州

賈葉編修
俾壽之詞

向鄞江面孰是薰風吹燕麥鳥息葵賴君王洪
福河清海晏物阜人熙想見羣帷使者隨處採
聲詩羨高禽矰弋離去聲貼天飛飛到蒼雲深
處便斂收毛羽望暮林歸可以人不若剡地掛
征衣且招呼麴生為友對槐陰時唱兩三卮今
宵好如鈎佳月放出光輝

感皇恩

和廣德
知軍韻

老去最難禁流光如水甲子從頭試指年年生
日怕被傍人拈起若攀兒額頰齡猶未 方丈
瀛洲藍溪碧沚轉眼鱸尊便秋意

君王定許整頓江頭行李角巾歸去也休里第

謁金門

枕上聞
鵲賦

紗牕曉杜宇數聲聲悄真箇不如歸去好天涯
人已老 欹枕欲眠還覺猶有青燈殘照謾道
惜花春起早家山千里杏

同前

和趙參謀

停書鷓鴣天外水澄煙碧莫看遨頭人似織今年

詩餘一

三

步

都老色 最苦今朝離夕未卜今年歸日生怕
晚風銷酒力愁城難借一

同前

和劉制幾

山客野新把朝衙書寫應想江南檣櫓下踏歌
雞黍社 休問坤牛乾馬大率人生且且聊喚
玉人斟玉笋莫辭沉醉也

同前

和自昭木香

風韻徹滿架平平鋪雪賈女何郎盟共結睡濃
香更冽 春去情懷怎說却喜不聞啼鴉月夜
時來閒蹀躞故園三載別

四明續志卷第十一

寺餘二

三

六

四明續志卷第十

詩餘下

金陵 吳潛毅父

浣溪沙

己未元夕



慶賞元宵只願晴天公每事秤能平管教簷溜
便收聲 三市海巡那惜夜九街社火亦爭名
權將歌酒作工程

同前

和謙山

春岸春風荻已芽推排春事到蘆花只應推上
鬢邊華 投老未歸真左計夕陰得霽且舒懷
紅紅白白有殘葩

詩餘一

一

韻新

同前

再用韻

海棠已綻牡丹芽猶有東君向上花不須惆悵
怨春華 裝綴園林新景物推敲風月舊情懷
也饒浪蕩與浮葩

同前

三用韻

正好江鄉筍蕨芽他鄉却看檐頭花只將蝶夢
付南華 萬事紛紜都入幻一杯邂逅且忘懷
年年秋卉與春葩

同前

四用韻

雨過池塘水長芽放開晴日正宜花十洲三島

撰繁華 水畔麗人唐客恨 山陰佳客晉人懷
可憐雲葉與風葩

同前

己未三月二十
五日賞茶蘼

最好荼蘼白 間黃消它蜂蝶採 花忙春殘紅粉
厭梳粧 畢卓正思身 夜甕瓦劉章底 用今秋霜
今宵幃枕十分香

同前

再賦

宮額新塗一半黃 薔薇空自效顰忙 澹然風韻
道家粧 可惜今宵無皓月 尚憐向曉有繁霜
何妨手撚一枝香

詩餘一

海棠春

己未清明對
海棠有賦

二

友

海棠亭午露踈雨 便一餉 胭脂盡吐 老去惜花
心相對 花無語 羽書萬里飛來處 報掃蕩狐
嗥兔舞 濯錦古江頭 飛景還如許

同前

再用韻

嫩晴還更宜輕雨 冢好處 欲開未吐 一點鴉梅
心千古 憑誰語 臉霞暈錦嬌人處 肯浪逐紅
圍翠舞 銀燭莫高燒 春夢無多許

同前

三用韻

蒼龍天矯停今雨 正不待雲吞霧吐 絕笑丈夫

松今古閑言語 清光冷艷侵人處漏月影婆
娑自舞擬作歲寒人此願天應許

霜天曉角

和葉檢閱
仁叔韻

倚花傍月花底歌聲徹最好月篩花影花月浸
香竒絕 雙溪秋月潔桂棹何時發客裏明朝
送客多少事且休說

同前

此花此月一段風流徹更好參橫斗轉更漏斷
人聲絕 有誰秋共潔籬菊相將發留取歲寒
心事待此際向君說

詩餘下

同前

和劉架閣
自昭韻

三

三國

杯中吸月桂樹飛瓊屑莫道胡床老子怕風露
向淒冽 回首雲蛾折老大成癡絕且醉今宵
光景莫容易向人說

同前

為花問月誰把金魂屑猶有殘英賸藥秋向老
香逾冽 且莫都攀折有箇人愁絕縱使姮娥
念舊星星鬢如何說

同前

和趙教授韻

新詞唱徹字字珠璣屑更有張顛草聖向上是

成雙絕 金粟如蜚雪掃地爲芳席且領諸公
一笑怕明夜無此月

同前

小山幽徹徧地堆香屑只恐今宵入夢夢到處
覓孤絕 八公頭已雪淮南分半席莫道淹留
何事且長嘯對佳月

同前

戊午十二月望安
晚園賦梅上銀燭

梅花一簇花上千枝燭照出靚粧姿態看不足
詠不足 便欲和花宿却被官身局借問江南
歸未今夜夢難拘束

詩餘下

同前

己未五月九日老香堂
送監簿姪歸和自招韻

夜涼佳月掃盡輕衫熱便欲乘風歸去冰玉界
瓊林闕 不須持寸鐵孤吟風措別且唱東坡
水調清露下滿襟雪

同前

再和

舉杯吸月一洗煩襟熱想見摩訶池上星斗轉
挂銀闕 金吾傳漏鐵此時滋味別堦砌寒蛩
聲細携手處人如雪

蝶戀花

和處靜木香

澹白輕黃純雅素一段風流款枕踈窻戶夜半

香奩飛欲去伴它月裏霓裳舞
消得留春春且住不比楊花輕
作沾泥絮況是環陰成幄處
不愁更被紅粧妬

朝中措

和劉自昭韻

春空一鳥落雲干只遣客心酸
芍藥牡丹時候午
總輕暖輕寒流光冉冉清樽
易倒清鏡難看
謾道華堂深院誰憐鳳隻鷓鴣單

同前

再用韻

何妨島瘦郊寒
時光轉眼兔葵燕麥又是看
看誰念衰翁衰處春衫晚際尤單

詩餘一

五

仁慶

同前

三用韻

楊花撩亂與雲干春事可悲酸
況是雨荒院落江南但有春寒
鷺殘燕嬾蜂慵蝶褪謾等閒
看不是無情描貌奚奴且放安單

同前

四用韻

夜來夢繞宛溪干啼鴉夢中酸
過了它鄉寒食白鷗剗地盟寒
雲溪雨聲月臺風榭借與人
看得似野僧無繫孤藤杖底挑單

同前

五用韻戲呈

蘭皇徹夜樹旄千戰，渴望梅酸，想有歌姬半臂。
更深自可鑿寒，敲門寄曲，驚回蝶夢，旌篝去聲。
燈看壇下，已收降將，火牛不用田單。

同前

老香堂和
劉自昭韻

衰翁老大脚猶輕，行到淨涼亭。近日方憂多雨，
連朝且喜長晴。謾尋歡笑，翠濤杯滿，金縷歌。
清況有蘭朋竹友，柳詞賀句爭鳴。

虞美人

和劉制幾舟
中送監簿韻

東風催客呼前渡，宿鳥投林暮。欲歸人送得歸，
人萬疊青山羅列，是愁城。誰家臺榭當年築，

詩餘下

六

佳處

芳草垂楊綠，雲深霧暗，不須悲只緣盈虛消息。
少人知。

秋霽

己未六月九日
雨後賦

堦砌吟蛩正，竹外蕭蕭雨驟，風駛涼浸桃笙暑。
銷葵扇，借伊一些秋意，枕邊茉莉漏塵奩，貯香
能膩也，不用玉骨冰肌，人伴佳眠爾。誰信此
境漸入華昏，曠然不知莊蝶，誰是笑邯鄲，羈魂
客夢貪它榮貴，暫時裏飛鼠撲燈，還自墜展轉。
驚寤纔聽禁鼓三敲，夜聲寥闌，又般滋味。

同前

再和

寺餘一

二

深碎蕊殘萼都收歸簾枕誰道掩囊敢就月
邊偏愛惜冰玉肌膚應對姮娥共搔首疑怪得
中原訛道天花胡塵後可堪懷舊且海國浮沉
醉花心喜近日烽煙漸消亭候

同前 三用韻

冠兒徧簇那時人銷瘦玉笋瓊卮勸君酒是清
涼境界露濕煙凝香更重非是沉檀合就 四
總花滿砌爭似家山棖蟹將肥重回首花亦爲
君憐草木禽魚相思處莫如鄉舊更西風溪尊
與江鱸想別墅樵漁費它債候

詩餘下

小重山

己未六月十四日老
香堂前月臺詠月

碧霄如水月如鉦今宵知爲我特分明冰壺玉
界兩三星清露下漸覺濕衣輕 高樹點流螢
秋聲還又動客心驚吾家水月寄昭亭歸去也
天豈太無情

醉桃源

東風攔檻兩三亭遊人步晚晴蜂回蝶轉得能
輕忽然春意生 花未老酒須傾勸君休獨醒
古來我輩取鍾情舉頭百舌聲

青玉案

己未三月六日
四明總會客

流芳只怕春無幾，拚夜飲更纔二，不用追它歡。
樂事綺綵，朱戶燕帷，鶯館多少人，雙悴。踏歌
夢想江南市，管春盡扁舟放行，李寒食休傾遊。
子淚歸去來，芳不如歸去，鐵定知今是。

點絳脣

己未三月末
澣木香亭賦

岸艤扁舟，江南有箇人歸老。簇新亭，沼分付還
它了。凝竚晴空，一抹天邊鳥。嗟潦倒，去多來
少，莫問鍾昏曉。

清平樂

和劉制幾

輕輕卻暑，只是此兒雨。喜看新抽麻與苧，它家

詩餘下

七

精

煙水野。晚山放出青青，是誰斲弄陰晴。老子
何時去也，祇應露濕金莖。

漁家傲

和劉制幾

每日困慵，當午晝出來，便解雙眉皺。一帶朦朧
煙雨，岫山翁瘦。林泉縱好，它園囿。一見此君
如話舊。玉版老師呼喚，候萬立琅玕，爭勸酒。躡
踏久，清風收拾歸懷袖。

同前

再用前韻

徧閱芳園，閑半晝殘花，尚有榴裙皺。倦鳥投林
雲返岫，人影瘦。可憐身世為它囿。燕子飛來

還憶舊回頭又是梅黃候且盡一杯昌歎酒凝
睇又晚風細雨霑衫袖

柳梢青

戊午十二月十五日
安晚園和劉自昭

綠野平泉古來人事空裏飛花月榭風亭荷漪
蘚石說鄭公家老梅傍水茶牙人那去聲得光
陰似它萬種思量百年倒斷付與殘霞

同前

己未元夕

好把元宵良辰美景暮暮朝朝萬酸華燈一輪
明月燕管秦簫何人怕墜鮫綃有玉鳳金鸞
繡字雕目下歡娛眼前煩惱只在今宵

詩餘下

十

站

賀聖朝

己未三月六日

捷書夜半甘泉去報天驕膏斧摩空銅壘聞流
瞿灑掃清雲霧樓蘭飛馘焉耆授首謾誇稱
前古須知開慶太平千載方從今數

浪淘沙

戊午中秋
和劉自昭

望月眼穿東雲幕千里有時推出賴它風恰似
玉環猶未竇得恁玲瓏誰在華山峯一半天
中君逾五十我成翁未必明年如此夜笑口難
逢

賀新涼

歌月

汲水驅炎熱晚些兒披衣露坐待它涼月俄頃
銀盤從海際推上璇霄璧闕盡散作滿懷冰雪
萬里河漢收捲去掩長庚弧矢光都滅一大馱音
片琉璃揭玉腕搗藥何時歇幾千年陰晴隱
現團圓虧缺月缺還圓人但老重換朱顏無訣
想舊日嫦娥心別且吸瓊漿斟北斗儘今來古
往俱休說香茉莉正清絕

同前

月綻浮雲裏未須更長風掃蕩碧空如水誰在
冰壺玉界上眇視征蠻戰蟻便棄擲塵寰脫徒

詩餘一

二

者

絺葛清泠襟袖冷露華濃暗襲人肌理和酷暑
爭此氣誰樓漏轉三更二夜沉沉經星緯宿
音秀換垣移市萬籟漸生秋意思時節那堪屈指
柰投老未酬歸計矯首高天天不謦忽林梢睡
鵲驚飛起同一夢我與爾

鵲橋仙 己未七夕

銀河半隱玉蟾高掛已覺炎光向後穿針樓上
未眠人應自把荷花按揉 雙星縹緲霎時聚
散肯向鵲橋回首元來一歲一番期却睜得天
長地久

同前

馨香餅餌新鮮瓜果乞巧千門萬戶到頭人事
控搏難與拙底無多來去 癡兒妄想夜看銀
漢要待雲車飛度誰知牛女已尊年又那得歡
娛意緒

秋夜雨

和韻劉制機立
秋夜觀月喜雨

不嫌天上雲遮月雨來正是雙絕雷公驅電母
盡收捲十分袞熱 三更又報初秋了少待它
西風淒列靈悟話頭莫說且唱飲劉郎一闋

四明日者自
號衆推其術

詩餘一

二

者

同前

客有道秋夜雨古詞因用其韻
而不知角之爲闕也併付一笑

雲頭電掣如金索須臾天盡悻悻一涼恩到骨
正驟雨盆傾欄角 桃笙今夜難禁也賴醉鄉
情分非薄清夢何處託又只是故園籬落

同前

再和

單于繫頸須長索捷書新上油幙盡沉邊柝也
更底問悲笳哀角 衰翁七十迎頭了先去聲自
來聲利都薄歸計猶未託又一葉西風吹落

同前

己未八月二日
新桃源和韻

吳翁里第還巾角不妨天地席懜家僮歸報道

快釀酒休教醜薄
相逢聚散應搔首且趁時
一咲爲樂人世大都濩落更莫問是非今昨

同前

西風半入孤城角
人生歸燕巢幙倦翁衰甚也
又不是官卑祿薄
收繩捲索今番穩儘一丘
一壑足樂還是遠空雁落報宛句溪光猶昨

同前

晚來小雨鳴欄角
又還烟障雲幙四明惚透盪
漸夜永練衫輕薄
候蟲但要吟教苦不管人
老欠歡樂閑看燭花燼落浮世事轉頭成昨

詩餘一

生杏子

己未八月二日
四明惚和韻

十三

深

坐臨芳沼邊荷氣侵衣濕
唧唧暗蛩鳴點點流螢入
人生歧路中底用楊朱泣
一咲倚欄干頽玉當風立

同前

夜來雲氣浮帶得香烟濕
萬籟本無情一一秋聲入
須臾離合間應笑兒曹泣
新雨漲鄞江明日桅檣立

西河

和舊韻

都會地東南盛府堪記蓬萊縹渺十洲中
雉城

擁起凭高一盼大江橫遙連滄海無際 壁衙
衆山翠倚赤龍白鷄爭繫風帆指顧便青齊勢
雄萬壘越樓吳沼古難憑興亡都付流水 畫
堂綺屋錦綉市是洛陽耆舊州里富貴榮華當
世問昔年賀老踈狂何事輕寄平生煙波裏

桂枝香

三年海國又荏苒素秋天淨如沐淒砌寒蛩暗
語杵聲相續梧桐一葉西風裏對斜陽好箇圖
簇老香堂畔蒼然古檜無限心曲 嘆石室某
方半局便時換人非光景能覺千古鷓夷尚恐
欠此歸宿倚空笑把輪雲事付坤牛乾馬征逐
且巴重九昭亭句溪杖藜巾幅

南鄉子

和韻己未八月十日郊行

野思浩難收坐看漁舟度遠洲蘆葦已彫荷已
敗風颭桂子飄香八月頭 歸計這回躊躇猶及
家山一半秋雖則家山元是客浮休有底歡娛
有底愁

同前

野景有誰收只在蒼鷗白鷺洲風樹飄搖雲樹
暗衣颭目斷青天天際頭 壯志世難酬丹桂

紅蕖又晚秋多少心情多少事都休載取江湖一片愁

行香子

開慶己未八月十夜同官小
欲逆老堂李直翁制參出示
東坡題釣臺行
香子走筆和韻

世事塵輕寵辱何驚不須更問君平一帆客棹
幾曲漁汀正年華晚露華澹月華明 休論煙
閣莫說雲屏筭惟堪瓜種東陵駒陰短景蝸角
浮名但歲難留身難健鬢難青

秋夜雨

休韻戲
賦
傀儡

腰棚傀儡曾懸索麗瞞憑一層幙施呈精妙處

詩餘下

上五

精

解幻出蛟龍頭角 誰知鮑老從旁笑更郭郎
搖手消薄歧路難準托田稻熟只宜村落

糖多令 答和梅府教

鷗鷺水中洲夕陽天際流倚西風底處危樓若
使中秋無好月虛過了一年秋 舉眼望雲頭
蟾光一線否想孀娥自古多愁安得仙師呼鶴
駕將我去廣寒遊

南鄉子 答和惠計院

黃耳訊初收爲說鷗汀與鷺洲爭問主人歸近
遠颼颼定是登高九月頭 有酒且相醅莫管

西風滿鬢秋今日是
今明日古休休轉首鄞江
揔別愁

訴衷情 和韻

今宵分破鷓鴣論
秋孤客與何悠
要向雲中邀月
真箇是獸頭
風陣緊
雷光流
雨聲颼
嫦娥應
道未卜明年是
樂還愁

水調歌頭 己未中秋無月

今歲月和桂不肯作
中秋一年惟此佳節底
事白教休我已侵尋
七袞况復輪囷萬感
合恨更分愁
先自無聊賴
雨意得能稠
天柱峰知
何處老難遊
癡雲如妬不知弦
管可吹不安得
風姨掃蕩推出團圓
月姊便遣桂香浮
世事十常九不使展
眉頭

水調歌頭

和晦翁韻 預賦山中樂已
未中秋中泠書于老香堂

已是三堪樂
更是百無憂
山朋溪友呼酒互勸
復爭酬
釣水肥鮮
鱖鰕採
封甘鮮梨栗
穉穉一齊收
樹底飛輕蓋
溪上放輕舟
笑鴟夷名已謝
利還謀
蝸蠅些小頭
角何事被渠釣
春際鷺翻蝶
舞秋際猿啼鶴唳
物我共悠悠
倚棹明當發
歸夢落三洲

同前

老子百般足無事可閑憂幾年思返林壑今日
願方酬潦倒戲衫舞袖郎講門槌拍板端的這
回收日月兩浮穀身世一虛舟 想鷓鴣與鴻
鵠不相謀驚鱗萬里深逝誰肯更吞鉤醉則北
窻高卧醒則南園行樂莫更悠悠雲在山中
谷月在水中洲

同前

若說故園景何止可消憂買隣誰欲來住須把
萬金酬屋外泓澄是水水外陰森是竹風月盡
兜收柳徑荷漪畔燈火繫漁舟 且東臯田二
頃稻梁謀竹籬茅舍牕戶不用玉為鈎新擘黃
雞肉嫩新斫紫螯膏美一醉自悠悠巴得春來
到蘆筍長沙洲

同前

且盡一杯酒莫問百年憂胸中多少磊砢老去
已難酬見說旄頭星落半夜天驕墮玉壘陣
雲收世運回如此穩泛輞川舟 鷗鷺侶猿鶴
伴爲吾謀主人歸也正是重九月如鉤便把三
程爲兩更趲兩程爲一尚恐是悠悠傍有漁翁

道肯負白蘋洲

水調歌頭

處處羊腸路歸路是安便從頭點檢身世今日
豈非天未論分封邦國未論分符鄉國晚節且
圓全但覺

君恩重老淚忽潸然

謝東山裴綠野李平泉

從今許我攀附諸老與齊肩更得十年安樂便
了百年光景不是謾歸田謹勿傷離別聊共醉
觥船

浣溪沙 和桃源韻

詩餘下

半餉西風暖換涼巖花月魄襯雲裳一杯旋擘
翠橙香 舊醞不妨排日醉新菊尚可去時嘗
無何鄉裏是吾鄉

謁金門

老香堂和韻

秋已老又是敗荷衰草客子安排歸棹了回頭
煙樹渺 檀板休教歌杳金獸且教香繞一醉
秋堂秋夜悄從它霜漏曉

同前

和韻賦茶

湯怕老緩者龍芽鳳莖七盞徐徐撐腹了盧家
詩興渺 君豈荆溪路香我已涇川夢繞酒與

茶酣人語悄莫教雞聒曉

同前

休怨老更替北邙荒草勘破人生都已了江湖
歸興渺 盤谷深深杳杳曲水彎彎繞繞啼鳥
空山山更悄鍾昏鍾又曉

水調歌

開慶己未秋社維
舟逸老堂口占

倚棹秋江許明日片帆輕從頭點檢身世百事
已圓成及第曾攀龍首仕宦曾居鷓閣衣錦更
光榮若又不知止天道恐虧盈 借稱呼遮俗
眼便歸耕但餘心願朝暮香火告神明一願

詩餘一

二九

若玉萬壽次願于戈永息三願歲豐登四願老
安樂疾病免相縈

同前 奉別 諸全官

便作陽關別煙雨暗孤汀浮屠三宿桑下猶自
不忘情何況情鍾我輩聚散匆匆草草眞箇是
雲萍上下四方客後會渺難憑 願諸公皆袞
袞喜通津老夫從此歸隱耕釣了餘生若見江
南蒼鷓更遇江東黃耳莫惜寄音聲強閣兒女
淚有酒且頻傾

賀新涼

和惠檢閱惜別

晚打西江渡，便擡頭。嚴城鼓角，亂煙深處，無限
珠璣。雙手托雙兒，覺奚囊、富強載。月空舟既去，
勸子不須憂。百草四周維，自着靈龜柱。亘今古，
只如許。才直北，還鄉。相。猿呼鹿嘯，
驚翔鷗舞。畫。只怕顏容非故，願
從此耕雲釣雨。但書來詩。

詩餘下

二



